

नमो नमो निम्मल दंशणरुस

आगमसुत्ताणि



१६

सुरपन्नति

पंचमं उदंगसुतं

संसोहय-संपायग

निपुण निर्यामिड पू. मुनिराज श्री सुधर्म सागररु म. ना शिष्य

मुनि दीपरत्नसागर

બાલ બ્રહ્મચારી શ્રી નેમિનાથાચ નમઃ

નમો નવો નિમ્મલ રંસગસ

શ્રી આનંદ-ક્ષમા-લલિત-સુશીલ-સુધર્મસાગરગુરુત્મ્યો નમઃ

૪૫-આગમસુત્તાણિ

—: સં સો હ ય—સં પા ય ગ :—

પૂજ્ય મુનિરાજ શ્રી સુધર્મસાગરજી મહારાજ સાહેબના શિષ્ય

મુનિ દીપરત્નસાગર

તા. ૨૨/૭/૯૬

સોમવાર ૨૦૫૨

અષાઢ સુદ : ૬

૪૫ આગમના સેટની કિંમત - રૂ. ૧૫૦૦/-
(ભાવિ આગમ-કાર્ય ખાતે)

આગમ શ્રુત પ્રકાશન

મુદ્રક

નવપત્રભાત પ્રિન્ટીંગ પ્રેસ ધીકાંટરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,
શાહીબાગ, અમદાવાદ.

[2]

આર્થિક અનુદાન ઠાતા

૪૫ આગમમાં મુખ્ય દ્રવ્ય સહાયક

ગિરભાવી શ્રમદાનિવા શ્રી સૌમ્યગુણાશ્રીજીની પ્રેરણાથી

શ્રી મ્હ શુ તા નુ રા ની શ મ છો પ ષિ ઠ

શ્રીમતી નયનાબેન રમેશચંદ્ર શાહ - સપરિવાર [વડોદરા]

● અલગ-અલગ આગમના મુખ્ય દ્રવ્ય સહાયક ●

- ૧ સાધ્વીશ્રી રત્નત્રયાશ્રીજી મ. ના પરમવિનેપા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણાશ્રીજીના શિષ્યા તપસ્વી સા.સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ.રત્નત્રયાશ્રીજી મ.ની દ્વિતીયપુન્યતિથિ નિમિત્તે સા.મોહરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ.ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિક ઉપાશ્રય-રાણપુર તથા શ્રી જોરાવરનગર જૈન શ્રાવિકસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ.નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસામટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડ) અમદાવાદ

[3]

- ૧૬ સ્વ. મનમુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્વે. મૂર્તિ. જૈન સંઘ, શ્રી શાંતિનાથ જિન્દાલમ - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મજીલાલ લીંબડીવાળા, તથા સ્વ. જસુદેબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈષ્ણવસ્થપરાયણ શ્રમણીવર્ષા શ્રી અનંતગુણશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીલ સૂત્ર માટે]

● ૪૫ - આગમ સેત-ચોખલા ગ્રાહક - દાતા ●

પ. પૂ. સા. સૌમ્યગુણશ્રી મ. ના ઉપદેશ તથા તેમના સંસ્પરીભાઈ શ્રી ઈન્દ્રવદન રતીલાલ દાગાણી (વિંછીયાવાળા) - મદ્રાસના પ્રેરક સૌજન્યથી

૧. શ્રીમતી ગુલ્દીબેન જયાનંદભાઈ સી. કોકારી, પાલનપુર, હાલ-મદ્રાસ
૨. શ્રીમતી દેબાનીબેન ચંદ્રકાન્તાભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, મુઝ, હાલ-મદ્રાસ
૫. શ્રીમતી નિર્મલાબેન જ્યંતિભાઈ એસ. મહેતા, ધાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મુદુલાબેન ડિવકાન્તાભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, પૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતૃશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીભાઈના સ્મરણાર્થે હ. બાબુલાલ - મહાવીરચંદ બોદરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ મુલિયાવાળા

૧ કાંતિલાલ હજરીલાલ ચોવટીયા

૨ સંપતી રતનલાલ ભગવાનદાસ રાઈડ

૩ મધુમતી રાજેશ રેદાસની

૪ સરલાબેન રમેશચંદ્ર વોરા

૫ સુમનબાઈ બાલચંદ્રજી ચોરીયા

૬ અ.સૌ.હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ સ્ત્રીલાલ ચાણપુરાવાળા તરફથી

૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જમવંચલી) નંદુરબાર

૨ ગં. સ્વ. સુરજબેન પદમશી શાહ, હ. જ્યોતિબેન નંદુરબાર

૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર શ્વે. પૂર્તિ સંપન્ના શ્રાવિકાષહેનો નંદુરબાર

૪ સા. સમજ્ઞાશ્રીજીની પ્રેરણાથી - શાહ મુનિલાલજી શિવલાલજી, સોનગીર

૫ સુખડીયા ચત્રવ્યજ જગમોહનદાસ હ. વીરાભાઈ - ધોરાજી

૬ શાહ મફતલાલ ફકીરચંદ, વિધિકારક (ડબોઈ) શાહ-અમદાવાદ

૭ સા. શ્રી સૌમ્યગુણશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ

૮ સા. શ્રી સૌમ્યગુણશ્રીજીની પ્રેરણાથી શ્રીમાતી જસુદબેન લક્ષ્મીચંદ મેતા, હ. ઈન્દુભાઈ ધ્રાખાતી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોથાભાઈ પરિવાર હ. બાહુબેન, રામપુરા

૧૦ પૂ. આગમોદ્ધારકશ્રીના સમુદાયના દીર્ઘસંપત્તિ વિદુષી સા. શ્રી સુતારાશ્રીજી જમનગરવાળાના ઉપદેશથી તથા તેમના પદ્મશિષ્યાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● ૪૫ આમગસેટ યોજના-જામદાવા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજ્ઞાશ્રીજીની પ્રેરણાથી - શ્રી નિઝામપુરા જૈન સંઘ, વડોદરા

૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન તંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા

गंधाणुकक्रम

क्रमको	पाहुंडं	पाहुंड-पाहुंडं	सुतं	पाला	अणुकक्रम	पिट्टंको
१	पढमं	८	१-२०	१-१५	१-३०	२-१२
२	वीयं	३	२१-२३	-	३१-३३	१२-१५
३	तद्यं	-	२४-	-	३४-	१५-१६
४	चउत्थं	-	२५-	-	३५-	१६-१८
५	पंचमं	-	२६-	-	३६-	१८-
६	छट्टं	-	२७-	-	३७-	१८-१९
७	सप्तमं	-	२८-	-	३८-	१९-२०
८	अष्टमं	-	२९-	-	३९-	२०-२२
९	नवमं	-	३०-३१	-	४०-४१	२२-२३
१०	दसमं	२२	३२-७०	१६-२९	४२-९७	२४-४०
११	एकक्रासमं	-	७१-	-	९८-	४०-४१
१२	बारसमं	-	७२-७८	३०-	९९-१०६	४१-४४
१३	तेरसमं	-	७९-८१	-	१०७-१०९	४५-४६
१४	चउद्दसमं	-	८२-	-	११०-	४७
१५	पन्नासमं	-	८३-८६	-	१११-११४	४७-४९
१६	सोळसमं	-	८७-	-	११५-	४९-
१७	सत्तरसमं	-	८८-	-	११६-	४९-
१८	अष्टासमं	-	८९-९९	३१-	११७-१२८	५०-५३
१९	एगूणवीसडमं	-	१००-१०१	३२-८८	१२९-१९३	५३-५९
२०	वीसडमं	-	१०२-१०७	८९-१०३	१९४-२१४	५९-६३

परिसिट्ट-निदंसणं

क्रम	परिसिट्टं	पिट्टंको
१	विसयाणुकक्रमो	८
२	विसिट्टसहाणुकक्रमो	८
३	विसेस नामाणुकक्रमो	८
४	अहाणुकक्रमो	८
५	सुतणुकक्रमो	८

नमो नमो निम्बल रंसेणस्स
पंचम गणघर श्री सुधर्यास्वामिने नमः

१६ सूर पत्रत्ती

पंचम उवयं

पढमं पाहुडं

—: प ढ मं—पा हु ड पा हु डं :—

(१) नमो अरिहंताणं, तेणं कालेणं तेणं समएणं मिहिला नामं नयरी होत्या-रिद्धत्थिमिय-समिद्धा पमुइयज्जणजाणवया जाव पासादीया दरिसणिज्जा अभिरूवा पडिरूवा तीसे णं मिहिलाए नयरीए बहिया उत्तरपुरत्थमि दिसीभाए एत्थ णं माणिभट्टे नामं चेइए होत्या-वण्णओ तीसे णं मिहिलाए नयरीए जियसत्तू नामं रावा धारिणी नामं देवी वण्णओ तेणं कालेणं तेणं समएणं तम्मि माणिभट्टे चेइए सामी समोसठे परिसा निग्गया धम्मो कहिओ जाव राया जामेव दिसं पाउब्भूए तामेव दिसं पडिगए।१।-१

(२) तेणं कालेणं तेणं समएणं समणस्स भगवओ भहावीरस्स जेट्ठे अंतेवासी इंदभूती नामं अणगारे गोचमेगोतेणं सत्तुस्सेहे समचउरंससंठाणसंठिए० जाव एवं वयासी-।२।-२

- (३) कइ मंडलाइ वच्चइ तिरिच्छा कि व गच्छइ
ओभासइ केवइयं सेयाइ कि ते संठिई ॥१॥-१
- (४) कहिं पडिहया लेसा कहं ते ओयसंठिती
के सूरियं वरयंति कहं ते उदयसंठिती ॥२॥-२
- (५) कतिकद्धा पोरिसिच्छाया जोगे किं ते आहिए
के ते संवच्छराणादी कइ संवच्छराइ य ॥३॥-३
- (६) कहं चंदमसो वुड्डी कया ते दोसिणा बहू
के सिग्घगई वुत्ते कहं दोसिणलक्खणं ॥४॥-४
- (७) चयणोववाते उच्चत्ते सूरिया कति आहिया
अनुभावे के व से वुत्ते एवमेयाइ वीसई ॥५॥-५

७.१ [से तं पल्लव संका]-।१।-३

- (८) वड्ढोवुड्ढी मुहत्ताणमद्धमंडलसंठिई
के ते चिण्णं परिधरइ अंतरं किं चरंति य ॥६॥-६
- (९) ओगाहइ केवइयं केवइयं च विकंपइ
मंडलाण य संठाणे विकखंभो अट्ट पाहुडा ॥७॥-७

१.१ [से तं पढने पाहुडे पाहुड पाहुड संका]-।४।-४

- (१०) छप्पं च य सत्तेव य अट्ट य तिण्णि य हवंति पडिवत्ती
पढमस्स पाहुडस्स उ हवंति एयाओ पडिवत्ती ॥८॥-८

१०.१ [से तं पढने पाहुडे पाहुड पाहुड पडिवत्ती संका]-।५।-५

- (११) पडिवतीओ उदए तह अस्थमणेसु य
भेयघाए कण्णकला मुहुत्ताण गईइ य ॥९॥-९
- (१२) निक्खममाणे सिग्घगई पविसंते मंदगईइ य
चूलसीइसयं पुरिसाणं तेसिं च पडिवतीओ ॥१०॥-१०
- (१३) उदयम्मि अट्ट भणिया भेयघाए दुवे य पडिवती
चत्तारि मुहुत्तागईए हुंति तइयम्मि पडिवती ॥११॥-११
- १३.१ सि तं दोवे पाहुडे पाहुड पाहुड पडिवती संजा]-१६१-६
- (१४) आवलिय मुहुत्तणे एवंमागा य जोगासा
कुलाई पुत्रमासी य सण्णिवाए य संठिई ॥१२॥-१२
- (१५) तारगगं च नेया य चंदमग्गति यावरे
देवताण य अज्झवणे मुहुत्ताण नामयाइ य ॥१३॥-१३
- (१६) दिवसा राइ वुत्ता य तिहि गोत्ता भोयणाणि य
आइच्च-चार मासा य पंच संवच्छराइ य ॥१४॥-१४
- (१७) जोइसस्स दाराइं नक्खत्तविजएयि य
दसमे पाहुडे एए दावीसं पाहुडपाहुडा ॥१५॥-१५

१७.१ सि तं दसमे पाहुडे पाहुड पाहुड संजा]-१७१-७

(१८) ता कहं ते वड्ढोवुड्ढी मुहुत्ताणं आहितेति वएज्जा ता अट्ट एगूणवीसे मुहुत्तासए सत्तावीसं च सट्ठिभागे मुहुत्तास आहितेति वएज्जा ॥८१-८

(१९) ता जया णं सूरिए सव्वब्भंतराओ मंडलाओ सव्वबाहिरं मंडलं उवसंकमित्ता चारं चरइ सव्वबाहिराओ वा मंडलाओ सव्वब्भंतरं मंडलं उवसंकमित्ता चारं चरइ एस णं अट्टा केवइयं राइंदियग्गेणं आहितेति वएज्जा ता तिण्णि छावडे राइंदियसए राइंदियग्गेणं आहितेति वएज्जा ॥९१-९

(२०) ता एयाए णं अट्टाए सूरिए कइ मंडलाई चरइ ता चुलसीयं मंडलसयं चरइ-बासीतं मंडलसयं दुक्खुत्तो चरइ तं जहा-निक्खममाणे चेव पविसमाणे चेव दुवे य खलु मंडलाई सइं चरइ तं जहा-सव्वब्भंतरं चेव मंडलं सव्वबाहिरं चेव मंडलं ॥१०१-१०

(२१) जइ खलु तस्सेव आदिच्चस्स संवच्छरस्स सइं अट्टारसमुहुत्ते दिवसे भवइ सइं अट्टारसमुहुत्ता राती भवति सइं दुवालसमुहुत्ते दिवसे भवइ सइं दुवासमुहुत्ता राती भवति पढमे छम्मासे अत्थि अट्टारसमुहुत्ता राती भवति नत्थि अट्टारसमुहुत्ते दिवसे अत्थि दुवालसमुहुत्ते दिवसे नत्थि दुवालसमुहुत्ता राती दोच्चे छम्मासे अत्थि अट्टारसमुहुत्ते दिवसे नत्थि अट्टारसमुहुत्ता राती अत्थि दुवालसमुहुत्ता राती नत्थि दुवालसमुहुत्ते दिवसे पढमे वा छम्मासे दोच्चे वा छम्मासे नत्थि पन्नरसमुहुत्ते दिवसे भवति नत्थि पन्नरसमुहुत्ता राती भवति तय णं को हेतूति वएज्जा ता अयण्णं जुंबुद्दीवे दीवे सव्वदीवसमुद्दाणं सव्वब्भंतराए जाव परिक्खेवेणं पन्नत्ते ता जया णं सूरिए सव्वब्भंतरमंडलं उवसंकमित्ता चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहणिया दुवालसमुहुत्ता राती भवति से निक्खममाणे सूरिए नवं संवच्छरं अयमाणे पढमंसि अहोरत्तंसि अट्ठितराणंतं मंडलं उवसंकमित्ता चारं चरइ तथा णं अट्टारसमुहुत्ते दिवसे भवइ दोहिं एगट्ठिभागमुहुत्तेहिं ऊणे दुवालसमुहुत्ता राती भवति दोहिं एगट्ठिभागमुहुत्तेहिं अहिया से निक्खममाणे सूरिए दोघंसि अहोरत्तंसि अट्ठितरं तच्चं मंडलं उवसंकमित्ता चारं चरइ ता जया णं

सूरिए अभितरं तच्चं मंडलं उवसंकमिता चारं चरइ तथा णं अट्टारसमुहुत्ते दिवसे भवइ चउहिं एगट्टिभागमुहुत्तेहिं ऊणे दुवालसमुहुत्ता राती भवति चउहिं एगट्टिभागमुहुत्तेहिं अहिया एवं खलु एणं उवाएणं निक्खममाणे सूरिए तयाणंतराओ तयाणंतरं मंडलाओ मंडलं संकममाणे-संकममाणे दो-दो एगट्टिभागे मुहुत्तास एगमेये मंडले दिवसखेततस्स निवुड्डेमाणे-निवुड्डेमाणे रयणिखेततस्स अभिवुड्डेमाणे-अभिवुड्डेमाणे सव्वबाहिरंमंडलं उवसंकमिता चारं चरइ, ता जया णं सूरिए सव्वभंतराओ मंडलाओ सव्वबाहिरं मंडलं उवसंकमिता चारं चरइ तथा णं सव्वभंतरमंडलं पणिहाय एणेणं तेसीएणं राइंदियसएणं तिण्णिछावट्टे एगट्टिभागमुहुत्ते सए दिवसखेततस्स निवुड्डिता रयणिखेततस्स अभिवुड्डिता चारं चरइ तथा णं उतमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पढमे छम्मासे एस णं पढमस्स छम्मासस्स पञ्जवसाणे से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ ता जया णं सूरिए बाहिराणंतरं मंडलं उवसंकमिता चारं चरइ तथा णं अट्टारसमुहुत्ता राती भवति दोहिं एगट्टिभागमुहुत्तेहिं ऊणा दुवाससमुहुत्ते दिवसे भवइ दोहिं एगट्टिभागमुहुत्तेहिं अहिए से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमिता चारं चरइ ता जया णं सूरिए बाहिरं तच्चं मंडलं उवसंकमिता चारं चरइ तथा णं अट्टारसमुहुत्ता राती भवति चउहिं एगट्टिभागमुहुत्तेहिं ऊणा दुवालस मुहुत्ते दिवसे भवइ चउहिं एगट्टिभागमुहुत्तेहिं अहिए एवं खलु एणुवाएणंपविसमाणे सूरिए तयाणंतराओ जाव मुहुत्ते एगमेये मंडले रयणिखेततस्स निवुड्डेमाणे-निवुड्डेमाणे दिवसखेततस्स अभिवुड्डेमाणे-अभिवुड्डेमाणे सव्वभंतरं मंडलं उवसंकमिता चारं चरइ ता जया णं सूरिए सव्वबाहिराओ मंडलाओ सव्वभंतरं मंडलं उवसंकमिता चारं चरइ तथा णं सव्वबाहिरं मंडलं पणिहाय एणेणं तेसीएणं राइंदियसएणं तिण्णिछावट्टे एगट्टिभागमुहुत्ते सए रयणिखेततस्स निवुड्डिता दिवसखेततस्स अभिवुड्डिता चारं चरइ तथा णं उतमकट्टपत्ते उक्कोसए अट्टारसमुहुत्ते दिवसे भवइ जहण्णिवा दुवालसमुहुत्ता राती भवति एस णं दोच्चे छम्मासे एस णं दोच्चस्स छम्मासस्स पञ्जवसाणे एस णं आदिच्चे संवच्छरे एस णं आदिच्चस्स संवच्छरस्स पञ्जवसाणे इति खलु तस्सेव आदिव्वस्स संवच्छरस्स सइं अट्टारसमुहुत्ते दिवसे भवइ सइं अट्टारसमुहुत्ता राती भवति सइं दुवालसमुहुत्ते दिवसे भवइ सइं दुवालसमुहुत्ता राती भवति पढमे छम्मासे अत्थि अट्टारसमुहुत्ता राती नत्थि अट्टारसमुहुत्ते दिवसे अत्थि दुवालसमुहुत्ते दिवसे नत्थि दुवालसमुहुत्ता राती दोच्चं छम्मासे अत्थि अट्टारसमुहुत्ते दिवसे नत्थि अट्टारसमुहुत्ता राती अत्थि दुवासमुहुत्ता राती नत्थि दुवासमुहुत्ते दिवसे पढमे वा छम्मासे दोच्चं वा छम्मासे नत्थि पन्नरसमुहुत्ते दिवसे नत्थि पन्नरसमुहुत्ता राती नन्नत्थ राइंदियाणं वड्ढोवुड्डीए मुहुत्ताणं वा चयोवचएणं नन्नत्थ अणुवायईए गाहाओ भाणियव्वओ ।११।-११

● पढमे पाहुडे पढमं पाहुड पाहुडं सप्तं ●

—: वी यं पा हु ड पा हु डं :—

(२२) ता कहं ते अद्धमंडलसंठिती आहितेति वएज्जा तत्थ खलु इमे दुवे अद्धमंडलसंठिती पन्नत्ता तं जहा-दाहिणा चेव अद्धमंडलसंठिती उत्तरा चेव अद्धमंडलसंठिती ता कहं ते दाहिणा० ता अयण्णं जंबुदीवे दीवे सव्वदीवसमुद्धानं सव्वभंतराए जाव परिकखेवेणं ता जया णं सूरिए सव्वभंतरं दाहिणं अद्धमंडलसंठिती उवसंकमिता चारं चरइ तथा णं उतमकट्टपत्ते उक्कोसए

अद्वारसमुहुतेदिवसे भवइ जहणिया दुवालसमुहुता राती भवति से निक्खममाणे सूरिए नवं संवच्छरं आयमाणे पढमंसि अहोरत्तंसि दाहिणाए अंतराए भागाए तस्सादिपदेसाए अम्भितराणंतरं उत्तरं अद्धमंडलसंठितिं उवसंकमिता चारं चरइ जया णं सूरिए अम्भितराणंतरं उत्तरं अद्धमंडलसंठितिं उवसंकमिता चारं चरइ तथा णं अद्वारसमुहुते दिवसे भवइ दोहिं एगद्धिभागमुहुतेहिं ऊणे दुवालसमुहुता राती भवति दोहिं एगद्धिभागमुहुतेहिं अहिया से निक्खममाणे सूरिए दोच्चंसि अहोरत्तंसि उत्तराए अंतराए भागाए तस्सादिपदेसाए अम्भितरं तच्चं दाहिणं अद्धमंडलसंठितिं उवसंकमिता चारं चरइ ता जया णं सूरिए अम्भितरं तच्चं दाहिणं अद्धमंडलसंठितिं उवसंकमिता चारं चरइ तथा णं अद्वारसमुहुते दिवसे भवइ चउहिं एगद्धिभागमुहुतेहिं ऊणे दुवालसमुहुता राती भवति चउहिं एगद्धिभागमुहुतेहिं अहिया एवं खलु एएणं उवाएणं निक्खममाणे सूरिए तयाणंतराओ तयाणंतरं तंसि तंसि देसंसि तं तं अद्धमंडल संठिति संकममाणे संकममाणे दाहिणाएओ अंतराए भागाए तस्सादिपदेसाए सव्वबाहिरं उत्तरं अद्धमंडलसंठिति उवसंकमिता चारं चरइ ता जया णं सूरिए सव्वबाहिरं उत्तरं अद्धमंडलसंठितिं उवसंकमिता चारं चरइ ता जया णं सूरिए सव्वबाहिरं उत्तरं अद्धमंडलसंठितिं उवसंकमिता चारं चरइ तथा णं उत्तमकट्टपत्ते उक्कोसिया अद्वारसमुहुता राती भवति जहणया दुवालसमुहुते दिवसे भवइ एस णं पढमे छम्पासे एस णं पढमस्स छम्पासस्स पज्जवसाणे से पविसमाणे सूरिए दोच्चं छम्पासं अयमाणे पढमंसि अहोरत्तंसि उत्तराए अंतराए भागाए तस्सादिपदेसाए बाहिराणंतरं दाहिणं अद्धमंडलसंठितिं उवसंकमिता चारं चरइ ता जया णं सूरिए बाहिराणंतरं दाहिणं अद्धमंडलसंठितिं उवसंकमिता चारं चरइ तथा णं अद्वारसमुहुता राती भवति दोहिं एगद्धिभागमुहुतेहिं ऊणा दुवालसमुहुते दिवसे भवइ दोहिं एगद्धिभागमुहुतेहिं अहिए से पविसमाणे सूरिए दोच्चंसि अहोरत्तंसि दाहिणाए अंतराए भागाए तस्सादिपदेसाए बाहिरंतरं तच्चं उत्तरं अद्धमंडलसंठितिं उवसंकमिता चारं चरइ ता जया णं सूरिए बाहिरं तच्चं उत्तरं अद्धमंडलसंठितिं उवसंकमिता चारं चरइ तथा णं अद्वारसमुहुता राती भवति चउहिं एगद्धिभागमुहुतेहिं ऊणा दुवालसमुहुते दिवसे भवइ चउहिं एगद्धिभागमुहुतेहिं अहिए एवं खलु एएणं उवाएणं पविसमाणे सूरिए तयाणंतराओ जाव संकममाणे उत्तराए अंतराए भागाए तस्सादिपदेसाए सव्वब्भंतरं दाहिणं अद्धमंडलसंठितिं उवसंकमिता चारं चरइ ता जया णं सूरिए सव्वब्भंतरं दाहिणं अद्धमंडलसंठितिं उवसंकमिता चारं चरइ तथा णं उत्तमकट्टपत्ते उक्कोसए अद्वारसमुहुतेदिवसे भवइ जहणिया दुवालसमुहुता राती भवति एस णं दोच्चे छम्पासे एस णं दोच्चस्स छम्पासस्स पज्जवसाणे एस णं आदिच्च संवच्छरे एस णं आदिच्चस्स संवच्छरस्स पज्जवसाणे 19२1-12

(२३) ता कहे ते उत्तरा अद्धमंडलसंठिती आहितेति वाएजा ता अवं णं जंबुद्वीचे दीवे सव्वदीवसमुद्धानं सव्वब्भंतराए जाव परिक्खेवेणं ता जया णं सूरिए सव्वब्भंतरं उत्तरं अद्धमंडलसंठितिं उवसंकमिता चारं चरइ तथा णं उत्तमकट्टपत्ते उक्कोसेए अद्वारस मुहुते दिवसे भवइ जहणिया दुवालसमुहुता राती भवति जहा दाहिणा तथा चेव नवरं-उतराद्धिओ अम्भितराणंतरं दाहिणं उवसंकमिति दाहिणाओ अम्भितरं तच्चं उत्तरं उवसंकमिति एवं खलु एएणं उवाएणं जाव सव्वबाहिरं दाहिणं उवसंकमिति सव्वबाहिरं दाहिणं उवसंकमिता दाहिणाओ बाहिराणंतरं उत्तरं उवसंकमिति उत्तराओ बाहिरं तच्चं दाहिणं तच्चाओ दाहिणाओ संकममाणे-संकममाणे जाव सव्वब्भंतरं उवसंकमिति तहेव एस णं दोच्चे छम्पासे एस णं दोच्चस्स छम्पासस्स पज्जवसाणे एए णं

आदिच्छे संवच्छरे एस णं आदिच्चस्स संवच्छरस्स पज्जवसाणे गाहाओ 19३1-13

● पढ्मे पाहुडे बीयं पाहुड पाहुडं समत्तं ●

—: त चं पा हु ड पा हु डं :-

(२४) ता के ते चित्रं पडिचरइ आहितेति वएज्जा तत्थ खलु इमे दुवे सूरियाभारहे चेव सूरिए एरवए चेव सूरिए ता एते णं दुवे सूरिया तीसाए तीसाए मुहुतेहि एगमेगं अद्धमंडलं चरंति सद्धि-ए-सुडीए मुहुतेहि एगमेगं मंडलं संघातेति ता निक्खममाणा खलु एते दुवे सूरिया नो अण्णमण्णस्स चिण्णं पडिचरंति पविसमाणा खलु एते दुवे सूरिया अण्णमण्णस्स चिण्णं पडिचरंति तं सतमेगं चो-यालं तत्थ णं को हेतूति वएज्जा ता अयण्णं जंबुद्वीवे दीवे सब्बदीवरसमुद्धानं सब्बम्भतराए जाव परिकखेवेणं तत्थ णं अवं भारहए चेव सूरिए जंबुद्वीवस्स दीवस्स पाईणपडिणायताए उदीणदाहि-णायताए जीवाए मंडलं चउवीसएणं सएणं छेत्ता दाहिणपुरत्थिमिल्लंसि चउभागमंडलंसि बाणउतिं सूरियगताइं चिण्णाइं पडिचरइ उत्तरपच्चत्थि मिल्लंसि चउभागमंडलंसि एककाणउतिं सूरियगताइं जाइं सूरिए अप्पाणं चेव चिण्णाइं पडिचरइ तत्थ अवं भारहे सूरिए एरवयस्स सूरियस्स जंबुद्वीवस्स दीवस्स पाईणपडीणायताए जाव छेत्ता उत्तरपुरत्थिमिल्लंसि चउभागमंडलंसि बाणउतिं सूरियगताइं जाइं सूरिए परस्स चिण्णाइं पडिचरइ दाहिणपच्चत्थिमिल्लंसि चउभागमंडलंसि एककाणउतिं सूरियगताइं जाइं सूरिए परस्स चेव चिण्णाइं पडिचरइ तत्थ अवं एरवए सूरिए जंबुद्वीवस्स दीवस्स पाईणपडीणायताए जाव छेत्ता उत्तरपुरत्थिमिल्लंसि चउभागमंडलंसि बाणउतिं सूरियगताइं जाइं सूरिए अप्पाणा चेव चिण्णाइं पडिचरइ दाहिणपुरत्थिमिल्लंसि चउभागमंडलंसि एककाणउतिं सूरियगताइं जाइं सूरिए अप्पाणा चेव चिण्णाइं पडिचरइ तत्थ अवं एरावतिए सूरिए भारहस्स सूरियस्स जंबुद्वीवस्स दीवस्स पाईणपडिणायताए जाव छेत्ता दाहिणपच्चत्थिमिल्लंसि चउभागमंड-लंसि बाणउतिं सूरियगताइं सूरिए परस्स चिण्णाइं पडिचरइ उत्तरपुरत्थिमिल्लंसि चउभागमंडलंसि एककाणउतिं सूरियगताइं जाइं सूरिए परस्स चेव चिण्णाइं पडिचरइ ता निक्खममाणा खलु एते दुवे सूरिया नो अण्णमण्णस्स चिण्णं पडिचरंति पविसमाणा खलु एते दुवे सूरिया अण्णमण्णस्स चिण्णं पडिचरंति सतमेगं चोयालं गाहाओ 19४1-14

● पढ्मे पाहुडे तच्चं पाहुडपाहुडं समत्तं ●

—: च उ त्थं पा हु ड पा हु डं :-

(२५) ता केवतियं एते दुवे सूरिया अण्णमण्णस्स अंतरं कट्ठ चारं चरंति आहिताति वएज्जा तत्थ खलु इमाओ छ पडिवत्तीओ तत्थ एगे एवमाहंसु-ता एगं जोयणसहस्सं एगं च तेत्तीसं जोयणसत्तं अण्णमण्णस्स अंतरं कट्ठ सूरिया चारं चरंति आहिताति वएज्जा-एगे एवमाहंसु एगे पुण एवमाहंसु-ता एगं जोयणसहस्सं एगं च चउतीसं जोयणसयं अण्णमण्णस्स अंतरं कट्ठ सूरिया चारं चरंति आहिताति वएज्जा-एगे एवमाहंसु एगे पुण एवमाहंसु-ता एगं जोयणसहस्सं एगं च पणतीसं जोयणसयं अण्णमण्णस्स अंतरं कट्ठ सूरिया चारं चरंति आहिताति वएज्जा-एगे एवमाहंसु एवं एगं दीवं एगं समुद्धं० एगे पुण एवमाहंसु-ता दो दीवे दो समुद्धे अण्णमण्णस्स अंतरं कट्ठ सूरिया चारं चरंति आहितातिवएज्जा-एगे एवमाहंसु एगे पुण एवमाहंसु-ता तिण्णि दीवे तिण्णि समुद्धे अण्णमण्णस्स अंतरं कट्ठ सूरिया चारं चरंति आहिताति वएज्जा-एगे एवमाहंसु, वयं पुण एवं वयाभो-ता पंच पंच जोयणाइं पणतीसं च एगड्ढिभागे जोयणस्स एगमेगे मंडले अण्णमण्णस्स अंतरं अभिवड्ढेमाणा वा

निवड्ढेमाणा वा सूरिया चारं चरंति आहिताति वएज्जा तत्थ णं को हेतूति वएज्जा ता अयण्णं जंबुद्वीवे दीये सव्वदीयसमुद्धानं सव्वब्भंतराए जाव परिवखेवेणं पत्तत्ते ता जया णं एते दुवे सूरिया सव्वब्भंतरमंडलं उवसंकमिता चारं चरंति तथा णं नवणउतिं जोयणसहस्साइं छत्त चत्ताले जोयण-सए अण्णमण्णस्स अंतरं कट्टु चारं चरंति आहिताति वएज्जा तथा णं उत्तमकट्टुपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति ते निक्खममाणा सूरिया नवं संवच्छंर अयमाणा पढमंसि अहोरत्तंसि अब्भितराणंतरं मंडलं उवसंकमिता चारं चरंति ता जया णं एते दुवे सूरिया अब्भितराणंतरं मंडल उवसंकमिता चारं चरंति तथा णं नवणवतिं जोयणसहस्साइं छच्च पणयाले जोयणसए पणवीसं च एगट्टिभागे जोयणस्स अण्णमण्णस्स अंतरं कट्टु चारं चरंति आहिताति वएज्जा तथा णं अट्टारसमुहुत्ते दिवसे भवइ दोहिं एगट्टिभागमुहुत्तेहिं ऊणे दुवालसमुहुत्ता राती भवति दोहिं एगट्टिभागमुहुत्तेहिं अहिया ते निक्खममाणा सूरिया दोच्चंसि अहोरत्तंसि अब्भितरं तच्चं मंडलं उवसंकमिता चारं चरंति ता जया णं एते दुवे सूरिया अब्भितरं तच्चं मंडलं उवसंकमिता चारं चरंति तथा णं नवणवतिं जोयणसहस्साइं छच्च इक्कावण्णे जोयणसए नव य एगट्टिभागे जोयणस्स अण्णमण्णस्स अंतरं कट्टु चारं चरंति आहिताति वएज्जा तथा णं अट्टारसमुहुत्ते दिवसे भवइ चउहिं एगट्टिभागमुहुत्तेहिं ऊणे दुवालसमुहुत्ता राती भवति चउहिं एगट्टिभागमुहुत्तेहिं अहिया एवं खलु एतेणुवाएणं निक्खममाणा एते दुवे सूरिया तयाणंतराओ तयाणंतरं मंडलाओ मंडलं संकममाणा-संकममाणा पंच-पंच जोयणाइं पणतीसं च एगट्टिभागे जोयणस्स एगमेगे मंडले अण्णमण्णस्स अंतरं अभिवड्ढेमाणा-अभिवड्ढेमाणा सव्वबाहिरं मंडलं उवसंकमिता चारं चरंति ता जया णं एते दुवे सूरिया सव्वबाहिरं मंडलं उवसंकमिता चारं चरंति तथा णं एगं जोयण-सयसहस्सं छच्च सट्ठे जोयणसए अण्णमण्णस्स अंतरं कट्टु चारं चरंति तथा णं उत्तमकट्टुपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पढमे छम्मासे एस णं पढमस्स छम्मासस्स पञ्जवसाणे, ते पविसमाणा सूरिया दोच्चं छम्मासं अयमाणा पढमंसि अहोरत्तंसि बाहिराणंतरं मंडलं उवसंकमिता चारं चरंति ता जया णं एते दुवे सूरिया बाहिराणंतरं मंडलं उवसंकमिता चारं चरंति तथा णं एगं जोयणसयसहस्सं छच्च चउण्णणे जोयणसए छवीसं च एगट्टिभागे जोयणस्स अण्णमण्णस्स अंतरं कट्टु चारं चरंति आहिताति वएज्जा तथा णं अट्टारसमुहुत्ता राती भवति दोहिं एगट्टिभागमुहुत्तेहिं ऊणा दुवालसमुहुत्ते दिवसे भवइ दोहिं एगट्टिभागमुहुत्तेहिं अहिए ते पविसमाणा सूरिया दोच्चंसि अहोरत्तंसि बाहिरं तच्चं मंडलं उवसंकमिता चारं चरंति ता जया णं एते दुवे सूरिया बाहिरं तच्चं मंडलं उवसंकमिता चारं चरंति तथा णं एगं जोयणसयसहस्सं छच्च अडयाले जोयणसए बावण्णं च एगट्टिभागे जोयणस्स अण्णमण्णस्स अंतरं कट्टु चारं चरंति तथा णं अट्टारसमुहुत्ता राती भवति चउहिं एगट्टिभागमुहुत्तेहिं ऊणा दुवालसमुहुत्ते दिवसे भवइ च-उहिं एगट्टिभागमुहुत्तेहिं अहिए एवं खलु एतेणुवाएणं पविसमाणा एते दुवे सूरिया तयाणंतराओ जाव पणतीसे एगट्टिभागे जोयणस्स एगमेगे मंडले अण्णमण्णस्स अंतरं निवुड्ढेमाणा-निवुड्ढेमाणा सव्वब्भंतरमंडलं उवसंकमिता चारं चरंति ता जया णं एते सूरिया सव्वब्भंतरं मंडलं उवसंकमिता चारं चरंति तथा णं नवणउतिं जोयणसहस्साइं छच्च चत्ताले जोयणसए अण्णमण्णस्स अंतरं कट्टु चारं चरंति तथा णं उत्तमकट्टुपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एस णं दोच्चे छम्मासे एस णं दोच्चस्स छम्मासस्स पञ्जवसाणे एस णं आदिचे संवच्छरे एस णं

आदिच्छस्स संवच्छरस्स पञ्चवसाणे ।१५।१५

● पढमे पाहडे चउत्थं पाहड पाहड सपत्तं ●

—: पं च थं पा हु ड पा हु डं :-

(२६) ता केवतियं ते दीवं समुद्धं वा ओगाहिता सूरिए चारं चरइ आहितेति वएज्जा तत्थ खलु इमाओ पंच पडिवत्तीओ पत्रत्ताओ तत्थ एगे एवमाहंसु-ता एगं जोयणसहस्सं एगं च तेत्तीसं जोयणसयं दीवं समुद्धं वा ओगाहिता सूरिए चारं चरइ आहितेति वएज्जा-एगे एवमाहंसु, एगे पुण एवमाहंसु-ता एगं जोयणसहस्सं एगं च चउत्तीसं जोयणसयं दीवं समुद्धं वा ओगाहिता सूरिए चारं चरइ आहितेति वएज्जा-एगे एवमाहंसु, एगे पुण एवमाहंसु-ता एगं जोयणसहस्सं एगं च पणत्तीसं जोयणसयं दीवं समुद्धं वा ओगाहिता सूरिए चारं चरइ आहितेति वएज्जा-एगे एवमाहंसु एगे पुण एवमाहंसु-ता अवइद्धं दीवं समुद्धं वा ओगाहिता सूरिए चारं चरइ आहितेति वएज्जा-एगे एवमाहंसु एगे पुण एवमाहंसु-ता किंचि दीवं समुद्धं वा ओगाहिता सूरिए चारं चरइ आहितेति वएज्जा-एगे एवमाहंसु तत्थ जेते एवमाहंसु-ता एगं जोयणसहस्सं एगं च तेत्तीसं जोयणसयं दीवं समुद्धं वा ओगाहिता सूरिए चारं चरइ ते एवमाहंसु-ता जया णं सूरिए सव्वब्भंतरं मंडलं उवसंक्रमित्ता चारं चरइ तथा णं जंबुद्वीवं दीवं एगं जोयणसहस्सं एगं च तेत्तीसं जोयणसयं ओगाहितासूरिए चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति ता जया णं सूरिए सव्वबाहिरं मंडलं उवसंक्रमित्ता चारं चरइ तथा णं लवणसमुद्धं एगं जोयणसहस्सं एगं च तेत्तीसं जोयणसयं ओगाहिता चारं चरइ तथा णं उत्तमकड्डपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एवं चोत्तीसं जोयणसयं एवं पणत्तीसं जोयणसयं तत्थ जेते एवमाहंसु-ता अवइद्धं दीवं समुद्धं वा ओगाहिता सूरिए चारं चरइ ते एवमाहंसु-ता जया णं सूरिए सव्वब्भंतरं मंडलं उवसंक्रमित्ता चारं चरइ तथा णं अवइद्धं जंबुद्वीवं दीवं ओगाहिता चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एवं सव्वबाहिरएपि नवरं-अवइद्धं लवणसमुद्धं तथा णं राइदियं तहेव तत्थ जेते एवमाहंसु-ता नो किंचि दीवं समुद्धं वा ओगाहिता सूरिए चारं चरइ ते एवमाहंसु-ता जया णं सूरिए सव्वब्भंतरं मंडलं उवसंक्रमित्ता चारं चरइ तथा णं नो किंचि दीवं समुद्धं वा ओगाहिता सूरिए चारं चरइ तथा णं उत्तमकड्डपत्ते उक्कोसेण अट्टारसमुहुत्ते दिवसे भवइ तहेव एवं सव्वबाहिरए मंडले नवरं-नो किंचि लवणसमुद्धं ओगाहिता चारं चरइ राइदियं तहेव एगे एवमाहंसु ।१६।-१६

(२७) वयं पुण एवं वयापो-ता जया णं सूरिए सव्वब्भंतरं मंडलं उवसंक्रमित्ता चारं चरइ तथा णं जंबुद्वीवं दीवं असीतं जोयणसत्तं ओगाहिता चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एवं सव्वबाहिरेपि नवरं-लवणसमुद्धं तिण्णि तीसे जोयणसए ओगाहिता चारं चरइ तथा णं उत्तमकड्डपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ गाहाओ भाणियब्बाओ ।१७।-१७

● पढमे पाहडे पंचवं पाहड पाहड सपत्तं ●

—: छ ड्डं पा हु ड पा हु डं :-

(२८) ता केवतियं ते एगमेगेणं राइदिएणं विकंपइता-विकंपइता सूरिए चारं चरइ आहितेति वएज्जा तत्थ खलु इमाओ सत्त पडिवत्तीओ पत्रत्ताओ तत्थ एगे एवमाहंसु-ता दो जोयणाइं

अद्धवायालीसं तेसीतिसतभागे जोयणस्स एगमेगेणं राईदिएणं विकंपइत्ता-विकंपइत्ता सूरिए चारं चरइ आहितेति वएञ्जा-एगे एवमाहंसु, एगे पुण एवमाहंसु-ता अइडाइजाइ जोयणाइ एगमेगेणं राईदिएणं विकंपइत्ता० जाव एगे एवमाहंसु एगे पुण एवमाहंसु-ता तिभागूणाइ तिणिणि जोणाइं एगमेगेणं राईदिएणं विकंपइत्ता जाव एग एवमाहंसु, एगे पुण एवमाहंसु-ता तिणिणि जोयणाइं अद्धसीतालीसं च तेसीतिसयभागे जोयणस्स एगमेगेणं राईदिएणं विकंपइत्ता-विकंपइत्ता सूरिए चारं चरइ आहितेति वएञ्जा-एगे एवमाहंसु एगे पुण एवमाहंसु-ता अइडाइजाइ जोयणाइं एगमेगेणं राईदिएणं विकंपइत्ता जाव एगे एवमाहंसु एगे पुण एवमाहंसु-ता चउम्भागूणाइं चत्तारि जोयणाइं एगमेगेणं राईदिएणं विकंपइत्ता जाव एगे एवमाहंसु एगे पुण एवमाहंसु-ता चत्तारि जोयणाइं अद्धवावणं च तेसीतिसयभागे जोयणस्स एगमेगेणं राईदिएणं विकंपइत्ता चारं चरइ आहितेति वएञ्जा-एगे एवमाहंसु, वयं पुण एवं वयामो-ता दो जोयणाइं अडतालीसं च एगड्डिभागे जोयणस्स एगमेगं मंडलं एगमेगेणं राईदिएणं विकंपइत्ता-विकंपइत्ता सूरिए चारं चरइ तथा णं को हेतूति वएञ्जा ता अयणं जंबुद्वीवे दीवे सव्वदीवमुद्दणं सव्वब्भंतराए जाव परिकखेवेंणं पन्त्ते ता जया णं सूरिए सव्वब्भंतरं मंडलं उवसंकमिता चारं चरइ तथा णं उत्तमकइपत्ते उक्कोसए अट्टारसमुहुत्ते दिवसे भवइ जहणिया दुवालसमुहुत्ता राती भवति से निक्खममाणे सूरिए नवं संवच्छं अयमाणे पढमंसि अहोरत्तंसि अम्भितराणंतरं मंडलं उवसंकमिता चारं चरइ ता जया णं सूरिए अम्भितराणंतरं मंडलं उवसंकमिता चारं चरइ तथा णं दो जोयणाइं अडतालीसं च एगड्डिभागे जोयणस्स एगेणं राईदिएणं विकंपइत्ता चारं चरइ तथा णं अट्टारसमुहुत्ते दिवसे भवइ दोहिं एगड्डिभागमुहुत्तेहिं ऊणे दुवालसमुहुत्ता राती भवति दोहिं एगड्डिभागमुहुत्तेहिं अहिया से निक्खममाणे सूरिए दोच्चंसि अहोरत्तंसि अम्भितरं तच्चं मंडलं उवसंकमिता चारं चरइ ता जया णं सूरिए अम्भितरं तच्चं मंडलं उवसंकमिता चारं चरइ ता जया णं सूरिए अम्भितरं तच्चं मंडलं उवसंकमिता चारं चरइ तथा णं पंच जोयणाइं पणतीसं एगड्डिभागे जोयणस्स दोहिं राईदिएहिं विकंपइत्ता चारं चरइ तथा णं अट्टारसमुहुत्ते दिवसे भवइ वउहिं एगड्डिभागमुहुत्तेहिं ऊणे दुवालसमुहुत्ता राती भवति चउहिं एगड्डिभागमुहुत्तेहिं अहिया एवं खलु एतेणं उवाएणं निक्खममाणे सूरिए तयाणंतराओ तयाणंतरं मंडलाओ मंडलं संकममाणे-संकममाणे दो-दो जोयणाइं अडतालीसं च एगड्डिभागे जोयणस्स एगमेगं अपडलं एगमेगेणं राईदिएणं विकंपमाणे-विकंपमाणे सव्वबाहिरं मंडलं उवसंकमिता चारं चरइ ता जया णं सूरिए सव्वब्भंतराओ मंडलाओ सव्वबाहिरं मंडलं उवसंकमिता चारं चरइ तथा णं सव्वब्भंतरं मंडलं पणिहाय एगेणं तेसीतेणं राईदियसतेणं पंचदसुत्तरजोयणसए विकंपइत्ता चारं चरइ तथा णं उत्तमकइपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पढमे छम्भासे एस णं पढमस्स छम्भासस्स पज्जवसाणे, से पविसमाणे सूरिए दोच्चं छम्भासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ ता जया णं सूरिए बाहिराणंतरं मंडलं उवसंकमिता चारं चरइ तथा णं दो-दो जोयणाइं अडतालीसं च एगड्डिभागे जोयणस्स एगेणं राईदिएणं विकंपइत्ता चारं चरइ तथा णं अट्टारसमुहुत्ता राती भवति दोहिं एगड्डिभागमुहुत्तेहिं ऊणा दुवालसमुहुत्ते दिवसे भवइ दोहिं एगड्डिभागमुहुत्तेहिं अहिए से पविसमाणे सूरिए दोच्चंसि अहोरत्तंसि बाहिरतच्चं मंडलं उवसंकमिता चारं चरइ तथा णं पंच जोयणाइं पणतीसं च एगड्डिभागे जोयणस्स दोहिं राईदिएहिं विकंपइत्ता चारं चरइ राईदिए तहेव एवं खलु एतेणुवाएणं पविसमाणे सूरिए

तथापंतराओ तथापंतरं मंडलाओ मंडलं संकममाणे-संकममाणे दो-दो जोयणाइं अडयालीसं च एगड्ढिभागे जोयणस्स एगमेगेणं राइंदिएणं विकंपमाणे-विकंपमाणे सब्बम्भंतरं मंडलं उवसंकमिता चारं चरइ तथा णं सब्बवाहिरं मंडलं पणिहायं एगेणं तेसीतेणं राइंदियसतेणं पंचदयुत्तरे जोयणसते विकंपइत्ता चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहणिया दुवालसमुहुत्ता राती भवति एस णं दोच्चे छम्मासे एस णं दोच्चस्स छम्मास्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे १९८१-१८

● पढमे पाहुडे छइं पाहुडपाहुडं समत्तं ●

—: स त्त मं पा हु ड पा हु डं :-

(२९) ता कहं ते मंडलसंठिती आहितेति वएज्जा तत्थ खलु इमाओ अट्ट पडिवत्तीओ पत्रत्ताओ तत्थ एगे एवमाहंसु-त्ता सब्बावि मंडलवत्ता समचउरंससंठाणसंठिता पत्रत्ता-एगे एवमाहंसु, एगे पुण एवमाहंसु-त्ता सब्बावि मंडलवत्ता विसमचउरंससंठाणसंठिता० एगे पुण एवमाहंसुत्ता सब्बावि मंडलवत्ता समचउक्कोणंसंठिता० एगे पुण एवमाहंसु-त्ता सब्बावि मंडलवत्ता विसमचउक्कोणंसंठिता० एगे पुण एवमाहंसुत्ता सब्बावि मंडलवत्ता समचक्कवालसंठिता० एगे पुण एवमाहंसुत्ता सब्बावि मंडलवत्ता विसमचक्कवालसंठिता० एगे पुण एवमाहंसुत्ता सब्बावि मंडलवत्ता छत्तागारसंठिता० तत्थ जेते एवमाहंसुत्ता सब्बावि मंडलवत्ता छत्तागारसंठिता पत्रत्ता एतेणं नएणं नायव्वं नो चेव णं इत्तरेहिं पाहुडगाहाओ भाणियव्व्याओ १९९१-१९

● पढमे पाहुडे सत्तमं पाहुड पाहुडं समत्तं ●

—: अ ट्ट मं पा हु ड पा हु डं :-

(३०) ता सब्बावि णं मंडलवत्ता केवतियं बाहल्लेणं केवतियं आयाम-विकखंभेणं केवतियं परिकखेवेणं अहिताति वएज्जा तत्थ खलु इमाओ तिण्णि पडिवत्तीओ पत्रत्ताओ तत्थ एगे एवमाहंसु-त्ता सब्बावि णं मंडलवत्ता जोयणं बाहल्लेणं एणं जोयणसहस्सं एणं च तेत्तीसं जोयणसयं आयाम-विकखंभेणं तिण्णि जोयणसहस्साइं तिण्णि य नवणउए जोयणसए परिकखेवेणं पत्रत्ता-एगे एवमाहंसु, एगे पुण एवमाहंसु-त्ता सब्बावि णं मंडलवत्ता जोयणं बाहल्लेणं एणं जोयणसहस्सं एणं च चउतीसं जोयणसयं आयामविकखंभेणं तिण्णि जोयणसहस्साइं चत्तारि दिउत्तरे जोयणसए परिकखेवेणं एगेपुण एवमाहंसु-त्ता सब्बावि णं मंडलवत्ता जोयणं बाहल्लेणं एणं जोयणसहस्सं एणं च पणतीसं जोयणसयं आयाम-विकखंभेणं तिण्णि जोयणसहस्साइं चत्तारि य पंचुत्तरे जोयणसए परिकखेवेणं यवं पुण एवं वयाभो तासब्बावि णं मंडलवत्ता अडतालीसं एगड्ढिभागे जोयणस्स बाहल्लेणं अणियत्ता आयाम-विकखंभे-परिकखेवेणं अहिताति वएज्जा, तत्थ णं को हेतूति वएज्जा ता अयण्णं जंबुद्दीवे दीवे सब्बदीवसमुद्धानं सब्बम्भंतराए जाव परिकखेवेणं ता जया णं सूरिए सब्बम्भंतरं मंडलं उवसंकमिता चारं चरइ तथा णं सा मंडलवत्ता अडतालीसं एगड्ढिभागे जोयणस्स बाहल्लेणं नवणउतिं जोयणसहस्साइं उच्च चताले जोयणसए आयामविकखंभेणं तिण्णि जोयणस-यससहस्साइं पत्ररस य जोयणसहस्साइं एगूण्णिउतिं जोयणाइं किंचि विसेसाहिए परिकखेवेणं तथा णं उत्तमकड्डपत्ते उक्कोसए अट्टारसमुहुत्ते दिवे भवइ जहणिया जहणिया दुवालसमुहुत्ता राती भवति से निक्खममाणे सूरिए नवं संवच्छरं अयमाणे पढमंसि अहोरत्तंसि अत्थितराणंतरं मंडलं

उवसंकमिता चारं चरइ ता जया णं सूरिए अढितराणंतरं मंडलं उवसंकमिता चारं चरइ तथा णं सा मंडलता अडतालीसं एगड्ढिभागे जोयणस्स बाहल्लेणं नवणउत्तिं जोयणसहस्साइं छच्च पणयाले जोयणसए पणतीसं च एगड्ढिभागे जोयणस्स आयाम-विक्खंभेणं तिण्णि जोयणसयसहस्साइं पन्नरस य सहस्साइं एगं च सत्तुतरं जोयणसयं किंचिविसेसूणं परिक्खेवेणं तथा णं दिवसराइंयमणं तहेव से निक्खममाणे सूरिए दोद्यंसि अहोरत्तंसि अढितरं तच्चं मंडलं उवसंकमिता चारं चरइ ता जया णं सूरिए अढितरं तच्चं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं नवणउत्तिं जोयणसहस्साइं छच्च एक्कावण्णे जोयणसए नव य एगड्ढिभागे जोयणस्स आयाम-विक्खंभेणं तिण्णि जोयणसयसहस्साइं पन्नरस य सहस्साइं एगं पणवीसं जोयणसयं परिक्खेवेणं तथा णं दिवसराइं तहेव एवं खलु एतेणं उवाएणं निक्खममाणे सूरिए तथाणंतराओ तथाणंतरं मंडलाओ मंडलं संकममाणे-संकममाणे पंच-पंच जोयणाइं पणतीसं च एगड्ढिभागे जोयणस्स एगमेगे मंडले विक्खंभवुड्ढिदं अभिवड्ढेमाणे-अभिवड्ढेमाणे अट्टारस-अट्टारस जोयणाइं परिरयवुड्ढिदं अभिवड्ढेमाणे-अभिवड्ढेमाणे सच्चवाहिरं उवसंकमिता चारं चरइ ता जया णं सूरिए सच्चवाहिरमंडलं उवसंकमिता चारं चरइ तथा णं सा मंडलवता अडतालीसं एगड्ढिभागा जोयणस्स बाहल्लेणं एगं जोयणसयसहस्सं छच्च सट्ठे जोयणसए आयाम-विक्खंभेणं तिण्णि जोयणसयसहस्साइं अट्टारस सहस्साइं तिण्णि य पन्नरसुत्तरे जोयणसए परिक्खेवेणं तथा णं उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पट्टमे छम्मासे एस णं पट्टमस्स छम्मासस्स पज्जवसाणे से पविसमाणे सूरिए दोद्यं छम्मासं अयमाणे पट्टमंसि अहोरत्तंसि बाहिराणंतरं मंडल उवसंकमिता चारं चरइ ता जया णं सूरिए बाहिराणंतरं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं एगं जोयणसयसहस्सं छच्च चउप्यण्णे जोयणसए छवीसं च एगड्ढिभागे जोयणस्स आयाम-विक्खंभेणं तिण्णि जोयणसयसहस्साइं अट्टारस सहस्साइं दोण्णि य सत्ताणउए जोयणसए परिक्खेवेणं तथा णं राइंदियं तहेव से पविसमाणे सूरिए दोद्यंसि अहोरत्तंसि याहिरं तच्चं-मंडलं-उवसंकमिता चारं चरइ ता जया णं सूरिए वाहिरं तच्चं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं एगं जोयणसयसहस्साइं छच्च अडयाले जोयणसए वावण्णं च एगड्ढिभागे जोयणस्स अवाय-विक्खंभेणं तिण्णि जोयणसयसहस्साइं अट्टारस सहस्साइं दोण्णि य अउणासीते जोयणसए परिक्खेवेणं दिवसराइं तहेव एवं खलु एतेणुवाएणं पविसमाणे सूरिए तथाणंतरओ तथाणंतरं मंडलाओ मंडलं संकममाणे-संकममाणे पंच-पंच जोयणाइं पणतीसं च एगड्ढिभागे जोयणस्स एगमेगे मंडले विक्खंभवुड्ढिदं निवुड्ढेमाणे-निवुड्ढेमाणे अट्टारस जोयणाइं परिरयवुड्ढिदं निवुड्ढेमाणे-निवुड्ढेमाणे सच्चव्भंतरं मंडलं उवसंकमिता चारं चरइ ता जया णं सूरिए सच्चव्भंतरं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणसस्स बाहल्लेणं नवणउत्तिं जोयणसहस्साइं छच्च चत्ताले जोयणसए आयाम-विक्खंभेणं तिण्णि जोयणसयसहस्साइं पन्नरस य सहस्साइं अउणाउत्तिं च जोयणाइं किंचिविसेसाहियाइं परिक्खेवेणं तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहण्णिथा दुवालसमुहुत्ता राती भवति एस णं दोद्ये छम्मासे एस णं दोद्ये छम्मासस्स पज्जवसाणे एस णं आदिच्चो संबच्छो एस णं आदिच्चस्स संबच्छरस्स पज्जवसाणे ता सच्चवावि णं मंडलवता अडतालीसं एगड्ढिभागे जोयणस्स

बाह्येणं सव्यावि णं मंडलंतरिया दो जोयणाइं विच्छंभेणं एस णं अद्धा तेसीयसयपडुष्णणो पंचदसुत्तरे जोयणसए आहिताति वएज्जा ता अम्भितराओ मंडलवताओ बाहिरा मंडलवता बाहिराओ वा मंडलवताओ अम्भितरा मंडलवता एस णं अद्धा केवतियं आहितेति वएज्जा ता पंचदसुत्तरे जोयणसए अडतालीसं च एगट्ठिभागे जोयणस्स आहितेति वएज्जा ता अम्भंतरओ मंडलवताओ बाहिरा मंडलवता बाहिराओ वा मंडलवताओ अम्भंतरा मंडलवता एस णं अद्धा केवतियं आहितेति वएज्जा ता पंचणवुत्तरे जोयणसए तेरस य एगट्ठिभागे जोयणस्स आहितेति वएज्जा ता अम्भितराए मंडलवताए बाहिरा मंडलवता बाहिराए वा मंडलवताए अम्भितरा मंडलवता एस णं अद्धा केवतियं आहितेति वएज्जा ता पंचदसुत्तरे जोयणसए आहितेति वएज्जा ।२०।-२०

● पढमे पाहुडे अट्टमं पाहुड पाहुडं समत्तं ● पढमं पाहुडं समत्तं ●

वीयं पाहुडं

—: प ढ मं पा हु ड पा हु डं :—

(३१) ता कहं ते तिरिच्छगती आहिताति वएज्जा तस्य खलु इमाओ अट्ट पडिवरीओ पन्नताओ तस्य एगे एवमाहंसु-त्ता पुरत्थिमाओ लोयंताओ पादो मिरिची आगासंसि उत्तिट्ठइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं मिरिची आगासंसि विच्छंसइ-एगे पुण एवमाहंसु-त्ता पुरत्थिमाओ लोयंताओ पादो सूरिए आगासंसि उत्तिट्ठइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए आगासंसि विच्छंसइ-एगे पुण एवमाहंसुता पुरत्थिमाओ लोयंताओ पादो सूरिए आगासंसि उत्तिट्ठइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए आगासं अनुपविसइ अनुपविसिता अहे पडियागच्छइ पडियागच्छित्ता पुनरवि अवरभूपुरत्थिमाओ लोयंताओ पादो सूरिए आगासंसि उत्तिट्ठइ-एगे पुण एवमाहंसु-त्ता पुरत्थिमाओ लोयंताओ पाओ सूरिए पुढविकायंसि उत्तिट्ठइ से णं इमं तिरियं लोयं तिरियं करेइ करेत्ता पच्चत्थिमिल्लंसि लोयंतंसि सायं सूरिए पुढविकायंसि विच्छंसइ-एगे पुण एवमाहंसु-त्ता पुरत्थिमाओ लोयंताओ पाओ सूरिए पुढविकायंसि उत्तिट्ठइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए पुढविकायंसि अनुपविसइ अनुपविसिता अहे पडियागच्छइ पडियागच्छित्ता पुनरवि अवरभूपुरत्थिमाओ लोयंताओ पाओ सूरिए पुढविकायंसि उत्तिट्ठइ-एगे पुण एवमाहंसु-त्ता पुरत्थिमिल्लाओ लोयंताओ पाओ सूरिए आउकायंसि उत्तिट्ठइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि पाओ सूरिए आउकायंसि विच्छंसइ-एगे पुण एवमाहंसु-त्ता पुरत्थिमाओ लोयंताओ पाओ सूरिए आउकायंसि उत्तिट्ठइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए आउकायंसि अनुपविसइ अनुपविसिता अहे पडियागच्छइ पडियागच्छित्ता पुनरवि अवरभूपुरत्थिमाओ लोयंताओ पाओ सूरिए आउकायंसि उत्तिट्ठइ-एगे पुण एवमाहंसु-त्ता पुरत्थिमाओ लोयंताओ बहूइं जोयणाइं बहूइं जोयणसयाइं बहूइं जोयणसहस्साइं उड्ढं दूरं उप्पइत्ता एत्थ णं पाओ सूरिए आगासंसि उत्तिट्ठइ से णं इमं दाहिणइड्ढं लोयं तिरियं करेइ करेत्ता उत्तरइड्ढलोयं तमेव राओ से णं इमं उत्तरइड्ढलोयं तिरियं करेइ करेत्ता दाहिणइड्ढलोयं तमेव राओ से णं इमाइं दाहिणुत्तरइड्ढलोयाइं तिरियं करेइ करेत्ता पुरत्थिमाओ लोयंताओ बहूइं जोयणाइं बहूइं जोयणसयाइं बहूइं जोयणसहस्साइं उड्ढं दूरं उप्पइत्ता एत्थ णं पाओ सूरिए आगासंसि उत्तिट्ठइ-वयं पुण एवं वयामो-त्ता जंबुदीवस्स दीवस्स पाईणव-

डीणायताए उदीणदाहिणायताए जीवाए मंडलं चउव्वीसेणं सएणं छेत्ता दाहिणपुरत्थिमंसि उतर-
पच्चत्थिमंसि य चउव्वभागमंडलंसि इमीसे रयणप्पभाए पुढवीए बहुसमरमणिज्जाओ भूमिभागाओ
अद्द जोयणसयाई उड्डं उप्पइत्ता एत्थ णं पाओ दुवे सूरिया उत्तिट्ठति ते णं इमाई दाहिणुत्तराई
जंबुद्वीवभागाई तिरियं करेति करेत्ता पुरत्थिमपच्चत्थिमाई जंबुद्वीवभागाई तामेव राओ ते णं इमाई
पुरत्थिमपच्चत्थिमाई जंबुद्वीवभागाई तिरियं करेति करेत्ता दाहिणुत्तराई जंबुद्वीवभागाई तामेव राओ
ते णं इमाई दाहिणुत्तराई पुरत्थिमपच्चत्थिमाणि य जंबुद्वीवभागाई तिरियं करेति करेत्ता जंबुद्वीवस्स
दीवस्स पाईणपडीणायताए जाव छेत्ता दाहिणपुरत्थिमिल्लंसि उत्तरपच्चत्थिमिल्लंसि य
चउभागमंडलंसि इमीसे रयणप्पभाए बहुसमरमणिज्जाओ भूमिभागाओ अद्द जोयणसयाई उड्डं
उप्पइत्ता एत्थ णं पाओ दुवे सूरिया आगासंसि उत्तिट्ठति ।२१।-२१

● बीए पाहुडे पद्वं पाहुडपाहुडं समत्तं ●

—: बी यं पा हु ड पा हु डं :—

(३२) ता क्हं ते मंडलाओ मंडलं संकममाणे सूरिए चारं चरति आहिताति वएज्जा तत्थ खलु
इमाओ दुवे पडिवत्तीओ पन्नत्ताओ तत्थेगे एवमाहंसु-त्ता मंडलओ मंडलं संकममाणे सूरिए
भेयघाएणं संकमति-एगे एवमाहंसु, एगे पुण एवमाहंसु-त्ता मंडलाओ मंडलं संकममाणे सूरिए
कण्णकलं निव्वेढेति तत्थ जेते एवमाहंसु-त्ता मंडलाओ मंडलं संकममाणे सूरिए भेयघाएणं संकमति
तेसि णं अयं दोसे ता जेणंतरेणं मंडलाओ मंडलं संकममाणे सूरिए भेयघाएणं संकमति एवतियं च णं
अद्द पुरतो न गच्छति पुरतो अगच्छमाणे मंडलकालं परिहवेति तेसि णं अयं दोसे तत्थ जेते
एवमाहंसु-त्ता मंडलाओ मंडलं संकममाणे सूरिए कण्णकलं निव्वेढेति तेसि णं अयं विसेसे ता
जेणंतरेणं मंडलाओ मंडलं संकममाणे सूरिए कण्णकलं निव्वेढेति एवतियं च णं अद्द पुरतो गच्छति
पुरतो गच्छमाणे मंडलकालं न परिहवेति तेसि णं अयं विसेसे तत्थ जेते एवमाहंसु-त्ता मंडलाओ
मंडलं संकममाणे सूरिए कण्णकलं निव्वेढेइ एतेणं नएणं नेचव्वं नो चेव णं इतरेणं ।२१।-२२

● बीए पाहुडे वीयं पाहुड पाहुडं समत्तं ●

—: त चं पा हु ड पा हु डं :—

(३३) ता केवतियं ते खेत्तं सूरिए एगमेगेणं मुहुत्तेणं गच्छति आहितातिवएज्जा तत्थ खलु
इमाओ चत्तारि पडिवत्तीओ पन्नत्ताओ तत्थ एगे एवमाहंसु-त्ता छ छ जोयणसहस्साई सूरिए एगमेगेणं
मुहुत्तेणं गच्छति-एगे पुण एवमाहंसु-त्ता पंच-पंच जोयणसहस्साई सूरिए एगमेगेणं मुहुत्तेणं गच्छति-
एगे पुण एवमाहंसु-त्ता चत्तारि-चत्तारि जोयणसहस्साई सूरिए एगमेगेणं मुहुत्तेणं गच्छति-एगे पुण
एवमाहंसु-त्ता छवि पंचवि चत्तारिवि जोयणसहस्साई सूरिए एगमेगेणं मुहुत्तेणं गच्छति-तत्थ जेते
एवमाहंसु-त्ता छ छ जोयणसहस्साई सूरिए एगमेगेणं मुहुत्तेणं गच्छति ते एवमाहंसु-त्ता जया णं सूरिए
सव्वव्मंतरं मंडलं उव- संकमिता चारं चरति तथा णं उरामकट्टपत्तो उक्कोसे अट्टारसमुहुत्ते दिवसे
भवइ जहण्णिया दुवालसमुहुत्ता राती भवति तंसि च णं दिवसंसि एणं जोयणसयसहस्सं अद्द य
जोयणसहस्साई तावक्खेत्ते पन्नत्ते ता जया णं सूरिए सव्ववाहिरं मंडलं उवसंकमिता चारं चरति तथा
णं उत्तम- कट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ
तंसि च णं दिवसंसि वावत्तरि जोयणसहस्साई तावक्खेत्ते पन्नत्ते० तत्थ जेते एवमाहंसु-त्ता पंच-पंच
जोयणसहस्साई सूरिए एगमेगेणं मुहुत्तेणं गच्छति ते एवमाहंसु-त्ता जया णं सूरिए सव्वव्मंतरं मंडलं

उवसंकमिता चारं चरति तहेव दिवसराइप्पमाणं तंसि च णं दिवसंसि नवति जोयणसहस्साइं तावक्खत्ते पत्रत्ते ता जया णं सूरिए सव्वबाहिरं मंडलं उवसंकमिता चारं चरइ तया णं तं चेव राइंदियप्पमाणं तंसि च णं दिवसंसि सट्ठिं जोयणसहस्साइं तावक्खत्ते पत्रत्ते० तत्थ णं जेत एवमाहंसुत्ता चत्तारि-चत्तारि जोयणसहस्साइं सूरिए एगमेगेणं मुहुत्तेणं गच्छइ ते एवमाहंसु-त्ता जया णं सूरिए सव्वब्भंतरं मंडलं उवसंकमिता चारं चरति तया णं दिवसराइं तहेव तंसि च णं दिवसंसि बावत्तारिं जोयणसहस्साइं तावक्खत्ते पत्रत्ते ता जया णं सूरिए सव्वबाहिरं मंडलं उवसंकमिता चारं चरति तया णं राइंदियं तहेव तंसि च णं दिवसंसि अडतालीसं जोयणसहस्साइं तावक्खत्ते पत्रत्ते [तया णं चत्तारि-चत्तारि जोयणसहस्साइं सूरिए एगमेगेणं मुहुत्तेणं गच्छति] तत्थ जेत एवमाहंसु-त्ता छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति ते एवमाहंसु-त्ता सूरिए णं उग्गमणमुहुत्तंसि अत्थमणमुहुत्तंसि य सिग्घमती भवति तया णं छ-छ जोयणसहस्साइं एगमेगेणं मुहुत्तेणं गच्छति मज्झिमतावक्खत्ते समासादेमाणे-समासादेमाणे सूरिए मज्झिमगती भवति तया णं पंच-पंच जोयणसहस्साइं एगमेगेणं मुहुत्तेणं गच्छति मज्झिमं तावक्खत्ते संपत्ते सूरिए मंदगती भवति तया णं चत्तारि चत्तारि जोयणसहस्साइं एगमेगेणं मुहुत्तेणं गच्छति तत्थ को हेतूति वएज्जा ता अयण्णं जंबुदीवे दीवे सव्वदीवसमुद्दाणं सव्वब्भंतराए जाव परिक्खेवेणं ता जया णं सूरिए सव्वब्भंतरं मंडलं उवसंकमिता चारं चरति तया णं दिवसराइं तहेव तंसि च णं दिवसंसि एक्काणउत्ति जोयणसहस्साइं तावक्खत्ते पत्रत्ते ता जया णं सूरिए सव्वबाहिरं मंडलं उवसंकमिता चटारं चरति तया णं राइंदियं तहेव तंसि च णं दिवसंसि एगट्ठिजोयणसहस्साइं तावक्खत्ते पत्रत्ते तया णं छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति वयं पुण एवं वयामो-त्ता सातिरेगाइं पंच-पंच जोयणसहस्साइं सूरिए एगमेगेणं मुहुत्तेणं गच्छति तत्थ को हेतूति वएज्जा ता अयण्णं जंबुदीवे दीवे सव्वदीवसमुद्दाणं सव्वब्भंतराए जाव परिक्खेवेणं ता जया णं सूरिए सव्वब्भंतरं मंडलं उवसंकमिता चारं चरति तया णं पंच-पंच जोयणसहस्साइं दोण्णि य एक्कावण्णे जोयणसए एगणतीसं च सट्ठिभागे जोयणसस एगमेगेणं मुहुत्तेणं गच्छति तया णं इहगतसस मणुससस सीतालीसाए जोयणसहस्सेहिं दोहि य तेवट्ठेहिं जोयणसएहिं एगवीसाए च सट्ठिभागेहिं जोयणसस सूरिए चक्खुप्फासं हव्वमागच्छइ तया णं दिवसराइं तहेव

से निक्खममाणे सूरिए नवं संवच्छरं अयमाणे पढमंसि अहोरत्तंसि अट्ठितराणंतरं मंडलं उवसंकमिता चारं चरति ता जया णं सूरिए अट्ठितराणंतरं मंडलं उवसंकमिता चारं चरति तया णं पंच-पंच जोयणसहस्साइं दोण्णि य एक्कावण्णे जोयणसए सीतालीसं च सट्ठिभागे जोयणसस एगमेगेणं मुहुत्तेणं गच्छति तया णं इहगतसस मणुससस सीतालीसाए जोयणसहस्सेहिं अउणासीत्ते य जोवणसए सत्तावण्णाए सट्ठिभागेहिं जोयणसस सट्ठिभागं च एगट्ठिहा छेत्ता अउणावीसाए चुण्णिचाभागेहिं सूरिए चक्खुप्फासं हव्वमागच्छति तया णं दिवसराइं तहेव से निक्खममाणे सूरिए दोहंसि अहोरत्तंसि अट्ठितरत्तयं मंडलं उवसंकमिता चारं चरति जोयणसहस्साइं दोण्णि य वावण्णे जोयणसए पंच य सट्ठिभागे जोवणसस एगमेगेणं मुहुत्तेणं गच्छति तया णं इहगतसस मणुससस सीतालीसाए जोयणसहस्सेहिं छण्णउत्ताए य जोवणंहिं तेत्तीसाए य सट्ठिभागेहिं जोयणसस सट्ठिभागं च एगट्ठिहा छेत्ता दोहिं चुण्णिचाभागेहिं सूरिए चक्खुप्फासं हव्वमागच्छति तया णं दिवसराइं तहेव एवं खलु एतेणं उवाएणं निक्खममाणे सूरिए तयाणंतराओ तयाणंतरं मंडलाओ मंडलं संकममाणे-

संकममाणे अड्डारस-अड्डारस सड्डिभागे जोयणस्स एगमेगे मंडले मुहुत्तगतिं अभिवुड्डेमाणे-
 अभिवुड्डेमाणे चुलसीति सीताइं जोयणाइं पुरिसच्छायं निवुड्डेमाणे-निवुड्डेमाणे सब्बवाहिरं
 मंडलं उवसंकमिता चारं चरति ता जया णं सूरिए सब्बवाहिरं मंडलं उवसंकमिता चारं चरति तथा णं
 पंच-पंच जोयणसहस्साइं तिण्णि य पंचुत्तरे जोयणसते पन्नरस य सड्डिभागे जोयणस्स एगमेगेणं
 मुहुत्तेणं गच्छति तथा णं इहगतस्स मणूसस्स एककीसाए जोयणसहस्सेहिं अड्डिहिं एककीसेहिं
 जोयणसतेहिं तीसाए य सड्डिभागेहिं जोयणस्स सूरिए चक्खुप्फासं हव्वमागच्छति तथा णं
 उत्तमकट्टपत्ता उक्कोसिया अड्डारसमुहुत्ता राती भवति जहण्णए दुवालसमुहुत्ते दिवसे भवइ एस णं
 पढ्मे छम्मासे एस णं पढ्मस्स छम्मासस्स पज्जवसाणे, से पविसमाणे सूरिए दोद्यं छम्मासं अयमाणे
 पढ्मंसि अहोरत्तंसि वाहिराणंतं मंडलं उवसंकमिता चारं चरति ता जया णं सूरिए वाहिराणंतं
 मंडलं उवसंकमिता चारं चरति तथा णं पंच-पंच जोयणसहस्साइं तिण्णि य चउरुत्तरे जोयणसते
 सत्तावण्णं च सड्डिभाए जोयणस्स एगमेगेणं मुहुत्तेणं गच्छइ तथा णं इहगतस्स मणूसस्स
 एककीसाए जोयणसहस्सेहिं नवहिं य सोलेहिं जोयणसतेहिं एणूणात्तीसाए सड्डिभागेहिं
 जोयणस्स सड्डिभागं च एगड्डिहा छेत्ता सड्डिए चुण्णियाभागे सूरिए चक्खुप्फासं हव्वमागच्छति तथा
 णं राइंदियं तहेव से पविसमाणे सूरिए दोद्यंसि अहोरत्तंसि वाहिरत्तद्यं मंडलं उवसंकमिता चारं चरति
 ता जया णं सूरिए वाहिरत्तद्यं मंडलं उवसंकमिता चारं चरति तथा णं पंच-पंच जोयणसहस्साइं
 तिण्णि य चउत्तरे जोयणसए ऊत्तालीसं च सड्डिभागे जोयणस्स एगमेगेणं मुहुत्तेणं गच्छति तथा णं
 इहगतस्स मणूसस्स एगाहिगेहिं वत्तीसाए जोयणसहस्सेहिं एणूणपण्णाए य सड्डिभागेहिं जोयणस्स
 सड्डिभागं च एगड्डिहा छेत्ता तेवीसाए चुण्णियाभागेहिं सूरिए चक्खुप्फासं हव्वमागच्छति राइंदियं
 तहेव एवं खलु एतेणुवाएणं पविसमाणे सूरिए तथाणंतराओ तथाणंतरं मंडला मंडलं संकममाणे-
 संकममाणे अड्डारस-अड्डारस सड्डिभागे जोयणस्स एगमेगे मंडले मुहुत्तगतिं निवुड्डेमाणे-
 निवुड्डेमाणे सब्बव्भंतरे मंडलं उवसंकमिता चारं चरति ता जया णं सूरिए सब्बव्भंतरे मंडलं
 उवसंकमिता चारं चरति तथा णं पंच-पंच जोयणसहस्साइं दोण्णि य एककावण्णे जोयणसए
 अउणतीसं च सड्डिभागे जोयणस्स एगमेगेणं मुहुत्तेणं गच्छति तथा णं इहगतस्स मणूसस्स
 सीतालीसाए जोयणसहस्सेहिं दोहिं य तेवट्टेहिं जोयणसतेहिं एककीसाए य सड्डिभागेहिं जोयणस्स
 सूरिए चक्खुप्फासं हव्वमागच्छति तथा णं उत्तमकट्टपत्ते उक्कोसए अड्डारसमुहुत्ते दिवसे भवइ
 जहण्णिया दुवालसमुहुत्ता राती भवति एस णं दोद्ये छम्मासे एस णं दोद्यस्स छम्मासस्स पज्जवसाणे
 एस णं आदिद्ये संवच्छरे एस णं आदिद्यस्स संवच्छरस्स पज्जवसाणे।२३।-२३

● बीए पाहुडे तच्चं पाहुड पाहुडं समत्तं ● बीयं पाहुडं समत्तं ●

तच्चं पाहुडं

(२४) ता केवतियं खेतं चंदिमसूरिया ओभासंति उज्जेवेति तवेति पगासेति आहिताति
 वएत्रा तस्य खलु इमाओ वारस पडिवतीओ पन्नत्ताओ तस्येगे एवमाहंसु-ता एणं दीवं एणं समुदं
 चंदिमसूरिया ओभासंति जाव पगासेति एगे पुण एवमाहंसु-ता तिण्णि दीवे तिण्णि समुदे चंदिम-
 सूरिया ओभासंति जाव पगासेति-एगे पुण एवमाहंसु-ता अट्टुदे दीवे अट्टुदे समुदे चंदिमसूरिया
 ओभासंति जाव पगासेति-एगे पुण एवमाहंसु-ता सत्त दीवे सत्त समुदे चंदिमसूरिया ओभासंति जाव
 पगासेति-एगे पुण एवमाहंसु-ता दस दीवे दस समुदे चंदिमसूरिया ओभासंति जाव पगासेति-एगे

पुण एवमाहंसु-ता बारस दीवे बारस समुद्दे चंदिमसूरिया ओभासंति जाव पगासेति-एगे पुण एवमाहंसु-ता बायालीसं दीवे बायालीसं समुद्दे चंदिमसूरिया ओभासंति जाव पगासेति-एगे पुण एवमाहंसु-ता बावत्तरिं दीवे बावत्तरिं समुद्दे चंदिमसूरिया ओभासंति जाव पगासेति-एगे पुण एवमाहंसु-ता बायालीसं दीवसतं बायालं समुद्दसतं चंदिमसूरिया ओभासंति जाव पगासेति-एगे पुण एवमाहंसु-ता बावत्तरिं दीवसतं बावत्तरिं समुद्दसतं चंदिमसूरिया ओभासंति जाव पगासेति-एगे पुण एवमाहंसु-ता बायालीसं दीवसहस्सं बायालं समुद्दसहस्सं चंदिमसूरिया ओभासंति जाव पगासेति-एगे पुण एवमाहंसु-ता बावत्तरिं दीवसहस्सं बावत्तरिं समुद्दसहस्सं चंदिमसूरिया ओभासंति जाव पगासेति-एगे पुण एवमाहंसु-ता बायालीसं दीवसहस्सं बायालं समुद्दसहस्सं चंदिमसूरिया ओभासंति जाव पगासेति-एगे पुण एवमाहंसु-ता बावत्तरिं दीवसहस्सं बावत्तरिं समुद्दसहस्सं चंदिमसूरिया ओभासंति जाव पगासेति-एगे पुण एवं वयानो-त्ता अयण्णं जंबुद्वीवे दीवे सब्वदीवसमुद्धानं सब्वब्भंतराए जाव परिकखेवेणं पन्नत्ते से णं एगाए जगतीए सब्वओ समंता संपरिक्खित्ते सा णं जगती तहेव जहा जंबुद्वीवपन्नतीए जाव एवामेव सपुब्बावरेणं जंबुद्वीवे दीवे चोद्दससलिलासयसहस्सा छप्पत्रं च सलिलासहस्सा भवंतीति मक्खत्ता जंबुद्वीवे णं दीवे पंचक्कभागसंठिते आहितेति वएज्जा ता कहं जंबुद्वीवे दीवे पंचक्कभागसंठिते आहितेति वएज्जा ता जया णं एते दुवे सूरिया सब्वब्भंतरं मंडलं उवसंक्रमित्ता चारं चरंति तथा णं जंबुद्वीवस्स तिण्णि पंचक्कभागे ओभासंति उज्जेवेत्ति तवेत्ति पगासेत्ति तं जहा-एगेवि एगं दिवइद्धं पंचक्कभागं ओभासंति जाव पगासेति एगेवि एगं दिवइद्धं पंचक्कभागं ओभासंति जाव पगासेति तथा णं उत्तमकट्टपत्ते उक्कोसए अद्धारसमुहुत्ते दिवसे भवइ जहण्णिया दुवालसमुहुत्ता राती भवति ता जया णं एते दुवे सूरिया सब्वबाहिरं मंडलं उवसंक्रमित्ता चारं चरंति तथा णं जंबुद्वीवस्स दीवस्स दोण्णि चक्कभागे ओभासंति उज्जेवेत्ति तवेत्ति पगासेत्ति तं जहा-एगेवि सूरिए एगं पंचक्कवालभागं ओभासंति जाव पगासेति एगेवि एगं पंचक्कवालभागं ओभासंति जाव पगासेति तथा णं उत्तमकट्टपत्ता उक्कोसिया अद्धारसमुहुत्ता राती भवति जहण्णए दुवालसमुहुत्ते दिवसे भवइ ।२४।-२४

● तव पाहुडं समत्तं ●

चउत्थं पाहुडं

(३५) ता कहं ते सेयताए संठिती आहिताति वएज्जा तत्थ खलु इमा दुविधा संठिती पन्नत्ता तं जहा-चंदिमसूरियसंठिती य तावक्खेत्तसंठिती य ता कहं ते चंदिमसूरियसंठिती आहिताति वएज्जा तत्थ खलु इमाओ सोलस पडिवत्तीओ पन्नत्ताओ तत्थेगे एवमाहंसु-ता समचउरससंठिता चंदिमसूरियसंठिती पन्नत्ता-एगे पुण एवमाहंसु-ता विसमचउरससंठिता चंदिमसूरियसंठिती पन्नत्ता-एवं समचउक्कोणसंठिता विसमचउक्कोणसंठिता समचक्कवालसंठिता विसमचक्कवालसंठिता चक्कच्चक्कवालसंठिता चंदिमसूरियसंठिती पन्नत्ता-एगे पुण एवमाहंसु-ता छत्तागारसंठिता चंदिमसूरियसंठिती पन्नत्ता-एवं गेहसंठिता गेहावणसंठिता पासादसंठिता गोपुरसंठिता पेच्छाघर-संठिता वलभीसंठिता हम्मियतलसंठिता एगे पुण एवमाहंसु-ता वालग्गपोतियासंठिता चंदिमसूरिय-संठिती पन्नत्ता-तत्थ जेते एवमाहंसु-ता समचउरसंठिता चंदिमसूरियसंठिती पन्नत्ता एतेणं नएणं नेयव्वं नो चेव णं इतरहिं, ता कहं ते तावक्खेत्तसंठिती आहिताति वएज्जा तत्थ खलु इमाओ सोलस पडिवत्तीओ पन्नत्ताओ तत्थेगे एवमाहंसु-ता गेहसंठिता तावक्खेत्तासंठिती पन्नत्ता एवं जाव वालग्गपोतियासंठिता तावक्खेत्त-संठिती पन्नत्ता-एगे पुणए वमाहंसु-ता जस्संठिते जंबुद्वीवे दीवे तस्संठिता तावक्खे- तसंठिती पन्नत्ता-एगे पुण एवमाहंसु-ता जस्संठिते भारहे वासे तस्संठिता

तावक्खे- तसंठिती पन्नत्ता-एवं उज्जाणसंठिता निज्जाणसंठिता एगतो निसहसंठिता दुहत्तो निसहसंठिता सेयणसंठिता-एगे पुण एवमाहंसु-त्ता सेणगपडुसंठिता तावक्खेत्तसंठिती पन्नत्ता-एगे एवमाहंसु वयं पुण एवं वदामो-ता उड्ढीमुहकलंबुयापुप्फसंठिता तावक्खेत्तसंठिती पन्नत्ता-अंतो संकुया बाहिं वित्थडा अंतो वट्टा बाहिं पिहुला अंतो अंकमुहसंठिता बाहिं सत्थीमुहसंठिता उभओ पासेणं तीसे दुवे बाहाओ अवट्ठियाओ भवंति पणयालीसंपणयालीसं जोयणसहस्साइं आयामेणं दुवे यणं तीसे बाहाओ अणवट्ठियाओ भवंति तं जहा-सव्वब्भंतरिया चेव बाहा सव्वबाहिरिया चेव बाहा तस्य को हेतूति वेज्जा ता अयणं जंबुद्वीवे दीवे सव्वदीवसमुहाणं सव्वब्भंतराए जाव परिक्खेवेणं ता जया णं सूरिए सव्वब्भंतरं मंडलं उवसंक्रमित्ता चारं चरइ तथा णं उड्ढीमुहकलंबुयापुप्फसंठिता तावक्खेत्तसंठिती आहिताति वएज्जा अंतो संकुया बाहिं वित्थडा अंतो वट्टा बाहिं पिहुला अंतो अंकमुहसंठिया बाहिं सत्थीमुहसंठिता उभओ पासेणं तीसे तहेव जाव सव्वबाहिरिया चेव बाहा तीसे णं सव्वब्भंतरिया बाहा मंदरपव्वयंतेणं नव जोयणसहस्साइं चत्तारि य छलसीए जोयणसए नव य दसभागे जोयणसस परिक्खेवेणं आहिताति वएज्जा ता से णं परिक्खेवविसेसे कतो आहितेति वएज्जा ता जे णं मंदरसस पव्वयसस परिक्खेवे तं परिक्खेवं तिहिं गुणेता दसहिं छेता दसहिं भागे हीरमाणे एस णं परिक्खेवविसेसे आहितेति वएज्जा तीसे णं सव्वबाहिरिया बाहा लवणसमुद्धंतेणं चउणउत्तिं जोयणसहस्साइं अट्ट य अट्टसट्ठे जोयणसए चत्तारि य दसभागे जोयणसस परिक्खेवेणं आहिताति वएज्जा ता से णं परिक्खेवविसेसे कतो आहितेति वएज्जा ता जे णं जंबुद्वीवस्स दीवस्स परिक्खेवे तं परिक्खेवं तिहिं गुणेता दसहिं छेता दसहिं भागे हीरमाणे एस णं परिक्खेवविसेसे आहितेति वएज्जा ता से णं तावक्खेत्ते केवतियं आयामेणं आहितेति वएज्जा ता अट्टतरिं जोयणसहस्साइं तिण्णि य तेत्तीसे जोयणसए जोयणतिभागे य आयामेणं आहितेति वएज्जा तथा णं किसंठिया अंधयारसंठिती आहिताति वएज्जा ता उड्ढीमुहकलंबुयापुप्फसंठिता तहेव जाव बाहिरिया उड्ढीमुहकलंबुयापुप्फ-संठिता आहिताति वएज्जा अंतो संकुया बाहिं वित्थडा तं चेव जाव दुवे य णं तीसे बाहाओ अणवट्ठियओ भवंति तं जहा-सव्वब्भंतरिया चेव बाहा सव्व बाहिरिया चेव बाहा तीसे णं सव्वब्भंतरिया बाहा मंदरपव्वयंतेणं छज्जोयणसहस्साइं तिण्णि य चउवीसे जोयणसए छच्च दसभागे जोयणसस परिक्खेवेणं आहितेति वएज्जा ती से णं परिक्खेवविसेसे कतो आहितेति वएज्जा ता जे णं मंदरसस पव्वयसस परिक्खेवे, तं परिक्खेवं दोहिं गुणेता जाव तीसे णं सव्वबाहिरिया बाहा रुवणसमुद्धं तेणं तेवट्ठी जोयणसहस्साइं दोण्णि य पणयाले जोयणसए छच्च दसभागे जोयणसस परिक्खेवेणं आहितेति वएज्जाता जे णं जंबुद्वीवस्स दीवस्स परिक्खेवे तं परिक्खेवं दोहिं गुणेता सेसं तं चेव ता सेणं अंधयारे केवतियं आयामेणं आहितेति वएज्जा ता अट्टतरिं जोयणसहस्साइं तिण्णि य तेत्तीसे जोयणसए जोयणतिभागं च आयामेणं आहितेतिवएज्जा तथा णं उत्तमकट्टपत्ते अट्टारसमुहुत्ते दिवसे भवइ जइण्णिया दुवालसमुहुत्ता राती भवति ता जया णं सूरिए सव्वबाहिरिं मंडलं उवसंक्रमित्ता चारं चरति तथा णं किसंठिता तावक्खेत्तसंठिती आहिताति वएज्जा ता उड्ढीमुहकलंबुयापुप्फसंठिता तावक्खेत्तसंठिती आहिताति वएज्जा एवं जं अब्भितरमंडले अंधयारसंठितीए पमाणं तं बाहिरमंडले तावक्खेत्तसंठितीए जं तहिं तावक्खेत्तसंठितीए तं बाहिरमंडले अंधयार संठितीए भाणियव्वं जाव तथा णं उत्तमकट्टपत्ता उक्कोसिया अट्टारसमुहुत्ता राती भवति जइण्णए दुवालसमुहुत्ते दिवसे भवइ ता जंबुद्वीवे णं दीवे सूरिया एणं जोयणसयं उड्ढं

तवयंति अद्धारस जोयणसयाइं अहे तवयंति सीयालीसं जोयणसहस्साइं दुण्णि य तेवढे जोयणसए एगवीसं च सद्धिभागे जोयणस तिरियं तवयंति ।२५।-२५

● चउत्थं पाहुडं समत्तं ●

पंचमं पाहुडं

(३६) ता कस्सि णं सूरियस्स लेस्सा पडिहया आहिताति वएज्जा तत्थ खलु इमाओ वीसं पडिवत्तीओ पत्रत्ताओ तत्थेगे एवमाहंसु-त्ता मंदरंसि णं पव्वतंसि सूरियस्स लेस्सा पडिहया आहिताति वएज्जा-एगे पुवएण एवमाहंसु-ता मेहं सि णं पव्वतंसि सूरियस्स लेस्सा पडिहया आहिताति वएज्जा-एवं एएणं अभिलावेणं भाणियव्वं-त्ता मणोरमंसि णं पव्वतंसि ता सुदंसणंसि णं पव्वतंसि ता सयंपभंसि णं पव्वतंसि ता गिरिरायंसि णं पव्वतंसि ता रयणुच्चयंसि णं पव्वतंसि ता सिलुच्चयंसि णं पव्वतंसि लोयमज्झंसि णं पव्वतंसि ता लोचनाभिसि णं पव्वतंसि ता अच्छंसि णं पव्वतंसि ता सूरियावत्तंसि णं पव्वतंसि सूरियावरणंसि णं पव्वतंसि ता उत्तमंसि णं पव्वतंसि ता दिसादंसि णं पव्वतंसि ता अवत्तंसंसि णं पव्वतंसि ता धरणिखीलंसि णं पव्वतंसि ता धरणिसिंसि णं पव्वतंसि ता पव्वतिदंसि णं पव्वतंसि ता पव्वयरायंसि णं पव्वतंसि सूरियस्स लेस्सा पडिहया आहिताति वएज्जा-वयं पुण एवं वदामो-त्ता मंदरेवि पवुच्चइ जाय पव्वयरायावि पवुच्चइ ता जे णं पोग्गला सूरियस्स लेस्सं फुत्तंति ते णं पोग्गला सूरियस्स लेस्सं पडिहणंति अदिट्ठवि णं पोग्गला सूरियस्स लेस्सं पडिहणंति चरिमलेस्संतरगतावि णं पोग्गला सूरियस्स लेस्सं पडिहणंति ।२६।-२६

● पंचमं पाहुडं समत्तं ●

छट्टं पाहुडं

(३७) ता कहं ते ओयसंठिती आहिताति वएज्जा तत्थ खलु इमाओ पणवीसं पडिवत्तीओ पत्रत्ताओ तत्थेगे एवमाहंसु-त्ता अणुसमयमेव सूरियस्स ओया अण्णा उप्पज्जइ अण्णा वेअति-एगे पुण एवमाहंसु-त्ता अनुपहुत्तमेव सूरियस्स ओया अण्णा उप्पज्जइ अण्णा वेअति-एवं एतेणं अभिलावेणं नेतव्वा-त्ता अनुराइंदियमेव ता अनुपक्खमेव ता अनुमासमेव ता अनुउडुमेव ता अनुअयण-मेव ता अनुसंवच्छरमेव ता अनुजुगमेव ता अनुवाससयमेव ता अनुवाससहस्समेव ता अनुवासस-यसहस्समेव ता अनुपुव्वमेव अनुपुव्वसयमेव ता अनुपुव्वसहस्समेव ता अनुपुव्वसयसहस्समेव ता अनुपलिओवमेव ता अनुपलिओवमसयमेव ता अनुपलिओवमसहस्समेव ता अनुपलिओवम-सयसहस्समेव ता अनुसागरोवममेव ता अनुसागरोवमसयमेव ता अनुसागरोवमसहस्समेव ता अनुसागरोवमसयसहस्समेव एगे पुण एवमाहंसु-त्ता अनुओसप्पिणिउत्तप्पिणिमेव सूरियस्स ओया अण्णा उप्पज्जइ अण्णा वेअति-एगे एवमाहंसु वयं पुण एवं वदामो-त्ता तीसं-तीसं मुहुत्ते सूरियस्स ओया अवहित्ता भवइ तेणं परं सूरियस्स ओया अणवहित्ता भवइ छम्मासे सूरिए ओयं निवुड्ढे छम्मा-से सूरिए ओयं अभिवुड्ढेइ निक्खममाणे सूरिए देसं निवुड्ढेइ पविसमाणे सूरिए देसं अभिवुड्ढेइ तत्थ को हेतूति वदेज्जा ता अयणं जंबुड्ढीवे दीवे सव्वदीवसमुद्धानं सव्वब्भंतराए जाव परिक्खेवेणं ता जया णं सूरिए सव्वब्भंतरं मंडलं उवसंकमिता चारं चरइ तथा णं उत्तमकट्टपत्ते उक्कोसए अद्धारसमुहुत्ते दिवसे भवइ जहणियाया दुवालसमुहुत्ता राती भवति से निक्खममाणे सूरिए नवं संवच्छरं अयमाणे पढमंसि अहोरत्तंसि अक्खितराणंतरं मंडलं उवसंकमिता चारं चरइ ता जया णं

सूरिए अम्भितरणंतरं मंडलं उवसंकमिता चारं चरइ तथा णं एगेणं राइंदिएणं एणं भागं ओयाए दिवसखेतस्स निवुड्ढेत्ता रयणिखेतस्स अभिवड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं अट्टारसमुहुत्ते दिवसे भवइ दोहिं एगट्टिभागमुहुत्तेहिं ऊणे दुवालसमुहुत्ता राती भवति दोहिं एगट्टिभागमुहुत्तेहिं अहिवा से निक्खममाणे सूरिए दोच्चंसि अहोरत्तंसि अम्भितरं तच्चं मंडलं उवसंकमिता चारं चरइ ता जया णं सूरिए अम्भितरं तच्चं मंडलं उवसंकमिता चारं चरइ तथा णं दोहिं राइंदिएहिं दो भागे ओयाए दिवसखेतस्स निवुड्ढेत्ता रयणिखेतस्स अभिवड्ढेत्ता चारं चरइ मंडलं अट्टारसहिं तीसएहिं सेहिं छेत्ता तथा णं अट्टारसमुहुत्ते दिवसे भवइ चउहिं एगट्टिभागमुहुत्तेहिं ऊणे दुवालसमुहुत्ता राती भवति छउहिं एगट्टिभागमुहुत्तेहिं अहिवा एवं खलु एतेणुवाएणं निक्खममाणे सूरिए तथाणंतराओ तथाणंतरं मंडलाओ मंडलं संकममाणे-संकममाणे एगमेगे मंडले एगमेगेणं राइंदिएणं एगमेगं भागं ओयाए दिवसखेतस्स निवुड्ढेत्ता-निवुड्ढेत्ता रयणिखेतस्स अभिवड्ढेत्ता-अभिवड्ढेत्ता सव्ववा- हिरं मंडलं उवसंकमिता चारं चरइ ता जया णं सूरिए सव्वव्भंतराओ मंडलाओ सव्ववाहिरं मंडलं उवसंकमिता चारं चरइ तथा णं सव्वव्भंतरं मंडलं पणिधाय एगेणं तेसीतेणं राइंदियसतेणं एणं तेसीतं भागसतं ओयाए दिवसखेतस्स निवुड्ढेत्ता रयणिखेतस्स अभिवड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पढमे छम्मासे एस णं पढमस छम्मसस्स पज्ववसाणे से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ ता जया णं सूरिए बाहिराणंतरं मंडलं उवसंकमिता चारं चरइ तथा णं एगेणं राइंदिएणं एणं भागं ओयाए रयणिकखेतस्स निवुड्ढेत्ता दिवसखेतस्स अभिवड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं अट्टारसमुहुत्ता राती भवति दोहिं एगट्टिभागमुहुत्तेहिं ऊणा दुवालसमुहुत्ते दिवसे भवइ दोहिं एगट्टिभागमुहुत्तेहिं अहिए से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमिता चारं चरइ ता जया णं सूरिए बाहिरं तच्चं मंडलं उवसंकमिता चारं चरइ तथा णं दोहिं राइंदिएहिं दो भागं ओयाए रयणिखेतस्स निवुड्ढेत्ता दिवसखेतस्स अभिवड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं अट्टारसमुहुत्ता राती भवति चउहिं एगट्टिभागमुहुत्तेहिं ऊणा दुवालसमुहुत्ते दिवसे भवइ चउहिं एगट्टिभागमुहुत्तेहिं अहिए एवं खलु एतेणुवाएणं पविसमाणे सूरिए तथाणंतराए तथाणंतरं मंडलओ जाव ओयाए रयणिखेतस्स निवुड्ढेत्ता-निवुड्ढेत्ता दिवसखेतस्स अभिवड्ढेत्ता-अभिवड्ढेत्ता सव्वव्भंतरं मंडलं उवसंकमिता चारं चरइ ता जया णं सूरिए सव्ववाहिराओ मंडलाओ सव्वव्भंतरं मंडलं उवसंकमिता चारं चरइ तथा णं सव्ववाहिरं मंडलं पणिधाय एगेणं तेसीतेणं राइंदियसतेणं एणं तेसीतं भागसतं ओयाए रयणिखेतस्स निवुड्ढेत्ता दिवसखेतस्स अभिवड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एस णं दोच्चं छम्मासे एस णं दोच्चस्स छम्मासस्स पज्ववसाणे एस णं आदिच्चं संबच्चरे एस णं आदिच्चस्स सेवच्चरस्स पज्ववसाणे ।२७।-२७

● उइ पाहुंड समत्तं ●

सत्तमं पाहुंडं

(१८) ता के ते सूरियं वरयति आहिताति वएज्जा तत्थ खलु इमाओ वीसं पडिवतीओ

पत्रताओ तत्येगे एवमाहंसु-ता मंदरे णं पच्चए सूरियं वरयति आहितेति वएञ्जा-एगे पुण एवमाहंसु-ता मेरु णं पच्चए सूरियं वरयति आहितेति वएञ्जा-एवं एएणं अभिलावेणं नेयव्वं जाव पच्चयराए णं पच्चए सूरियं वरयति आहितेति वएञ्जा-वयं पुणं एवं वदामो-ता मंदिरेवि पवुच्चइ तहव जाव पच्चयराएवि पवुच्चइ ता जे णं पोग्गला सूरियस्स लेसं फुसंति ते णं पोग्गला सूरियं वरयंति अदिट्ठावि णं पोग्गला सूरियं वरयंति चरमलेसंतरगतावि णं पोग्गला सूरियं वरयंति ।२८।२४

● सत्तपं पाहुडं सभत्तं ●

अहुमं पाहुडं

(३१) ता कइं ते उदयसंठिती आहितेति वएञ्जा तत्थ खलु इमाओ तिण्णि पडिवत्तीओ पण्णात्ताओ तत्येगे एवमाहंसु-ता जया णं जंबुद्वीवे दीवे दाहिणइडे अट्टारसमुहुत्ते दिवसे भवइ तथा णं उत्तरइडेवि अट्टारसमुहुत्ते दिवसे भवइ ता जया णं उत्तरइडे अट्टारसमुहुत्ते दिवसे भवइ तथा णं दाहिणइडेवि अट्टारसमुहुत्ते दिवसे भवइ ता जया णं जंबुद्वीवे दीवे दाहिणइडे सत्तरसमुहुत्ते दिवसे भवइ तथा णं उत्तरइडेवि सत्तरसमुहुत्ते दिवसे भवइ ता जया णं उत्तरइडे सत्तरसमुहुत्ते दिवसे भवइ तथा णं दाहिणइडेवि सत्तरसमुहुत्ते दिवसे भवइ एवं परिहावेत्तव्वं-सोलसमुहुत्ते दिवसे पन्नरसमुहुत्ते दिवसे चउइसमुहुत्ते दिवसे तेरसमुहुत्ते दिवसे जाव ता जया णं जंबुद्वीवे दीवे दाहिणइडे बारसमुहुत्ते दिवसे भवइ तथा णं उत्तरइडेवि बारसमुहुत्ते दिवसे भवइ ता जया णं उत्तरइडे बारसमुहुत्ते दिवसे भवइ तथा णं दाहिणइडेवि बारसमुहुत्ते दिवसे भवइ ता जया णं दाहिणइडे बारसमुहुत्ते दिवसे भवइ तथा णं जंबुद्वीवे दीवे मंदारस्स पच्चयस्स पुरत्थिमपच्चत्थिमे णं सदा पन्नरसमुहुत्ते दिवसे भवइ सदा पन्नरसमुहुत्ता राती भवति अवट्ठिया णं तत्थ राइंदिया पत्रत्ता सभणाउसो एगे एवमाहंसु एगे पुण एवमाहंसु-ता जया णं जंबुद्वीवे दीवे दाहिणइडे अट्टारसमुहुत्ताणंतरे दिवसे भवइ तथा णं उत्तरइडेवि अट्टारसमुहुत्ताणंतरे दिवसे भवइ ता जया णं उत्तरइडे अट्टारसमुहुत्ताणंतरे दिवसे भवइ तथा णं दाहिणइडेवि अट्टारसमुहुत्ताणंतरे दिवसे भवइ एवं परिहावेत्तव्वं-सत्तरसमुहुत्ताणंतरे दिवसे भवइ सोलसमुहुत्ताणंतरे दिवसे भवइ पन्नरसमुहुत्ताणंतरे दिवसे भवइ चोहसमुहुत्ताणंतरे दिवसे भवइ तेरसमुहुत्ताणंतरे दिवसे भवइ ता जया णं जंबुद्वीवे दीवे दाहिणइडे बारसमुहुत्ताणंतरे दिवसे भवइ तथा णं उत्तरइडेवि बारसमुहुत्ताणंतरे दिवसे भवइ ता जया णं उत्तरइडे बारसमुहुत्ताणंतरे दिवसे भवइ तथा णं दाहिणइडेवि बारसमुहुत्ताणंतरे दिवसे भवइ तथा णं जंबुद्वीवे दीवे मंदारस्स पच्चयस्स पुरत्थिमपच्चत्थिमे णं नो सदा पन्नरसमुहुत्ते दिवसे भवइ नो सदा पन्नरसमुहुत्ता राती भवति अणवट्ठिता णं तत्थ राइंदिया पत्रत्ता सभणाउसो एगे पुण एवमाहंसु-ता जया णं जंबुद्वीवे दीवे दाहिणइडे अट्टारसमुहुत्ते दिवसे भवइ तथा णं उत्तरइडे दुवालसमुहुत्ता राती भवति ता जया णं उत्तरइडे अट्टारसमुहुत्ते दिवसे भवइ तथा णं दाहिणइडे दुवालसमुहुत्ता राती भवती ता जया णं दाहिणइडे अट्टारसमुहुत्ताणंतरे दिवसे भवइ तथा णं उत्तरइडे दुवालसमुहुत्ता राती भवति ता जया णं उत्तरइडे अट्टारसमुहुत्ताणंतरे दिवसे भवइ तथा णं दाहिणइडे दुवालसमुहुत्ता राती भवति एवं नेतव्वं सगवेहिं य अनंतरेहिं य एककेकके दो दो आलावगा सव्वेहिं दुवालसमुहुत्ता राती भवति जाव ता जया णं जंबुद्वीवे दीवे दाहिणइडे बारसमुहुत्ताणंतरे दिवसे भवइ तथा णं उत्तरइडे दुवालसमुहुत्ता राती भवती ता जया णं उत्तरइडे दुवालसमुहुत्ताणंतरे दिवसे भवइ तथा णं दाहिणइडे दुवालसमुहुत्ता राती भवति तथा णं जंबुद्वीवे दीवे मंदारस्स पच्चयस्स पुरत्थिमपच्चत्थिमेणं नेवत्थि पन्नरसमुहुत्ते दिवसे

भवइ नेवत्थि पन्नरसमुहुता राती भवति वोच्छण्णा णं तत्थ राइंदिया पन्नता समणाउसो

वयं पुण एवं वदामो-ता जंबुद्दीवे दीवे सूरिया उदीण-पाईणमुगच्छ पाईण-दाहिणमा-
गच्छंति पाईण-दाहिणमुगच्छ दाहिण-पडीणमागच्छंति दाहिण-पडीणमुगच्छ पडीणउदीणा-
गच्छंति पडीण-उदीणमुगच्छ उदीण-पाईण- मागच्छंति ता जया णं जंबुद्दीवे दीवे दाहिणइडे दिवसे
भवइ तथा णं उत्तरइडे दिवसे भवइ जया णं उत्तरइडे दिवसे भवइ तथा णं जंबुद्दीवे दीवे मंदरस्स
पव्वयस्स पुरत्थिमपच्चत्थिमे णं राती भवति ता जया णं जंबुद्दीवे दीवे मंदरस्स पव्वयस्स
पुरत्थिमपच्चत्थिमे णं राती भवति ता जया णं जंबुद्दीवे दीवे मंदरस्स पव्वयस्स पुरत्थिमे णं दिवसे
भवइ तथा णं पच्चत्थिमे नवि दिवसे भवइ ता जया णं पच्चत्थिमे णं दिवसे भवइ तथा णं जंबुद्दीवे दीवे
मंदरस्स पव्वयस्स उत्तरदाहिणे णं राती भवति ता जया णं दाहिणइडे उक्कोसए अट्टारसमुहुते
दिवसे भवइ तथा णं उत्तरइडे उक्कोसए अट्टारसमुहुते दिवसे भवइ ता जया णं उत्तरइडे उक्को-
सए अट्टारसमुहुते दिवसे भवइ तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमे णं
जहणिया दुवालसमुहुता राती भवति ता जया णं जंबुद्दीवे दीवे मंदरस्स पव्वयस्स पुरत्थिमे णं
उक्कोसए अट्टारसमुहुते दिवसे भवइ तथा णं पच्चत्थिमे नवि उक्कोसए अट्टारसमुहुते दिवसे भवइ
ता जया णं पच्चत्थिमे णं उक्कोसए अट्टारसमुहुते दिवसे भवइ तथा णं जंबुद्दीवे दीवे मंदरस्स
पव्वयस्स उत्तरदाहिणे णं जहणिया दुवालसमुहुता राती भवति एवं एएणं गमेणं नेत्तव्वं-
अट्टारसमुहुताणंतरे दिवसे भवइ साइरेगदुवालसमुहुता राती भवति सत्तरसमुहुते दिवसे भवइ
तेरसमुहुता राती भवति सत्तरसमुहुताणंतरे दिवसे भवइ साइरेगतेरसमुहुता राती भवति
सोलसमुहुते दिवसे भवइ चोदसमुहुता राती भवति सोलसमुहुताणंतरे दिवसे भवइ साइरेग-
चोदसमुहुता राती भवति पन्नरसमुहुते दिवसे भवइ पन्नरसमुहुता राती भवति पन्नरसमुहुताणंतरे
दिवसे भवइ साइरेगपन्नरसमुहुता राती भवति चउदसमुहुते दिवसे भवइ सोलसमुहुता राती भवति
चोदसमुहुताणंतरे दिवसे भवइ साइरेगसोलसमुहुता राती भवति तेरसमुहुते दिवसे भवइ
सत्तरसमुहुता राती भवति तेरसमुहुताणंतरे दिवसे भवइ साइरेगसत्तरसमुहुता राती भवति
जहणए दुवालसमुहुते दिवसे भवइ उक्कोसिया अट्टारसमुहुता राती भवति एवं षणित्तव्वं ता
जया णं जंबुद्दीवे दीवे दाहिणइडे वासाणं पढमे समए पडिवज्जति तथा णं उत्तरइडे दिवसे वासाणं पढमे
समए पडिवज्जति जया णं उत्तरइडे वासाणं पढमे समए पडिवज्जति तथा णं जंबुद्दीवे दीवे मंदरस्स
पव्वयस्स पुरत्थिमपच्चत्थिमे णं अनंतरपुरक्खडे कालसमयंसि वासाणं पढमे समए पडिवज्जति ता
जया णं जंबुद्दीवे दीवे मंदरस्स पव्वयस्स पुरत्थिमे णं वासाणं पढमे समए पडिवज्जति तथा णं
पच्चत्थिमे नवि वासाणं पढमे समए पडिवज्जति जया णं पच्चत्थिमे णं वासाणं पढमे समए पडिवज्जति
तथा णं जंबुद्दीवे दीवे मंदरस्स पव्वयस्स उत्तरदाहिणे णं अनंतरपच्छाकडकालसमयंसि वासाणं
पढमे समए पडिवज्जति भवइ जहा समओ एवं आवलिया आणापाणू योवे लवे मुहुते अहोरेत्ते पक्खे
मासे उडू पते दस आलावगा जहा वासाणं एवं हेमंताणं गिन्हाणं च षणियव्वा ता जया णं जंबुद्दीवे
दीवे दाहिणइडे पढमे अचणे पडिवज्जति तथा णं उत्तरइडे दिवसे पढमे अचणे पडिवज्जति ता जया णं
उत्तरइडे पढमे अचणे पडिवज्जति तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमे णं
अनंतरपुरक्खडे कालसमयंसि पढमे अचणे पडिवज्जति ता जया णं जंबुद्दीवे दीवे मंदरस्स पव्वयस्स
पुरत्थिमे णं पढमे अचणे पडिवज्जति तथा णं पच्चत्थिमे नवि पढमे अचणे पडिवज्जति ता जया णं

पद्मस्थिमे णं पद्मे अयणे पडिवज्जति तथा णं जंबुद्वीवे दीवे मंदरस्स पव्वयस्स उत्तरदाहिणे णं अनंतरपच्छाकडकालसयंसि पद्मे अयणे पडिवण्णे भवइ जहा अयणे तथा संदच्छरे जुगे वाससए वाससहस्से वाससयसहस्से पुव्वंणे पुव्वे एवं जाव सीसपहेलिया पत्तिओवमे सागरोवमे ता जया णं जंबुद्वीवे दीवे दाहिणह्णे पढमा ओसप्पिणी पडिवज्जति तथा णं उत्तरइडेवि पढमा ओसप्पिणी पडिवज्जति ता जया णं उत्तरइडे पढमा ओसप्पिणी पडिवज्जति तथा णं जंबुद्वीवे दीवे मंदरस्स पव्वयस्स पुरत्थिमपद्मस्थिमे णं नेवत्थि ओसप्पिणी नेव अत्थि उस्सप्पिणी अवद्धिते णं तत्थ काले पन्नत्ते सममाउसो एवं उस्सप्पिणीवि ता लवणे णं समुद्दे सूरिया उदीण-पाईणमुग्गच्छ तहेव ता जया णं लवणे समुद्दे दाहिणइडे दिवसे भवइ तथा णं लवणसमुद्दे उत्तरइडेवि दिवसे भवइ ता जया णं उत्तरइडे दिवसे भवइ तथा णं लवणसमुद्दे पुरत्थिमपद्मस्थिमे णं राती भवति जहा जंबुद्वीवे दीवे तहेव जाव उस्सप्पिणी तथा धायइसंडे णं दीवे सूरिया उदीण-पाईणमुग्गच्छ तहेव ता जया धायइसंडे दीवे दाहिणइडे दिवसे भवइ तथा णं उत्तरइडेवि दिवसे भवइ तथा णं उत्तरइडे दिवसे भवइ तथा णं धायइसंडे दीवे मंदराणं पव्वयाणं पुरत्थिमपद्मस्थिमे णं राती भवति एवं जंबुद्वीवे दीवे जहा तहेव जाव उस्सप्पिणी कालोए णं जहा लवणे समुद्दे तहेव ता अब्भंतरपुक्खरद्धे णं सूरिया उदीण-पाईण-मुग्गच्छ तहेव ता जया णं अब्भंतरपुक्खरद्धे णं दाहिणइडे दिवसे भवइ तथा णं उत्तरइडेवि दिवसे भवइ ता जया णं उत्तरइडे दिवसे भवइ तथा णं अब्भंतरपुक्खरद्धे मंदराणं पव्वयाणं पुरत्थिम-पद्मस्थिमे णं राती भवति सेसं जहा जंबुद्वीवे दीवे तहेव जाव ओसप्पिणी-उस्सप्पिणीओ ।२९।-२९

● अद्दमं पाहडं समत्तं ●

नवमं पाहडं

(४०) ता कतिकड्डं ते सूरिए पोरिसिच्छायं निव्वत्तेति आहितेति वदेज्जा तत्थ खलु इमाओ तिप्पिण पडियत्तीओ पन्नत्ताओ तत्थेगे एवमाहंसु-त्ता जे णं पोग्गला सूरियस्स लेसं फुसंति ते णं पोग्गला संतप्पंति ते णं पोग्गला संतप्पमाणा तदणंतराईं बाहिराईं पोग्गलाईं संतावेत्तीति एस णं से समिते तावक्खत्ते-एगे पुण एवमाहंसु-त्ता जे णं पोग्गला सूरियस्स लेसं फुसंति ते णं पोग्गला नो संतप्पंति ते णं पोग्गला असंतप्पमाणा तदणंतराईं बाहिराईं पोग्गलाईं नो संतावेत्तीति एस णं से समिते तावक्खत्ते-एगे पुण एवमाहंसु-त्ता जे णं पोग्गला सूरियस्स लेसं फुसंति ते णं पोग्गला अत्येगतिया संतप्पंति अत्येगतिया नो संतप्पंति तत्थ अत्येगतिया संतप्पमाणा तदणंतराईं बाहिराईं पोग्गलाईं अत्येगइयाईं संतावेत्ति अत्येगइयाईं नो संतावेत्ति एस णं से समिते तावक्खत्ते-वयं पुण एवं वदामो-ता जाओ इमाओ चंदिमसूरियाणं देवाणं विमाणेहिंतो लेसाओ वहिया अभिणिससढाओ पत्तावेत्ति एतासि णं लेसाणं अंतरेसु अण्णतरीओ छिण्णलेसाओ संमुच्छंति ताए णं ताओ छिण्णलेसाओ संमुच्छियाओ समाणीओ तदणंतराईं बाहिराईं पोग्गलाईं संतावेत्तीति एस णं से समिते तावक्खत्ते ।३०।-३०

(४१) ता कतिवट्टे ते सूरिए पोरिसिच्छायं निव्वत्तेति आहितेति वदेज्जा तत्थ खलु इमाओ पणवीसं पडिवत्तीओ पन्नत्ताओ तत्थेगे एवमाहंसु-त्ता अनुसमवमेव सूरिए पोरिसिच्छायं निव्वत्तेति आहितेति वदेज्जा-एगे पुण एवमाहंसु-त्ता अनुमुहुत्तमेव सूरिए पोरिसिच्छायं निव्वत्तेति आहितेति वएज्जा एवं एएणं अभिलावेणं नेयव्वं ता जाओ चेव ओयसंठितीए पणवीसं पडिवत्तीओ ताओ चेव नेयव्वाओ जाव अणुओसप्पिणिउस्सप्पिणिमेव सूरिए पोरिसिच्छायं निव्वत्तेति आहिताति वदेज्जा-

वयं पुण एवं वयामो-ता सूरियस्स णं उच्चत्तं च लेसं च पडुच्च छाउद्देसे उच्चत्तं च छायं च पडुच्च लेसुद्देसे लेसं च छयं च पडुच्च उच्चतुद्देसे तत्थ खलु इमाओ दुवे पडिवत्तीओ पत्रत्ताओ -ता अत्थि णं से दिवसे जंसि णं दिवसंसि सूरिए चउपोरिसिच्छायं निव्वत्तेति अत्थि णं से दिवसे जंसि णं दिवसंसि सूरिए दुपोरिसिच्छायं निव्वत्तेति-एणे पुण एवमाहंसु-ता अत्थि णं से दिवसे जंसि णं दिवसंसि सूरिए दुपोरिसिच्छायं निव्वत्तेति अत्थि णं से दिवसे जंसि णं दिवसंसि सूरिए नो किंचि पोरिसिच्छायं निव्वत्तेति तत्थ जेते एवमाहंसु-ता अत्थि णं से दिवसे जंसि णं दिवसंसि सूरिए चउपोरिसिच्छायं निव्वत्तेति अत्थि णं से दिवसे जंसि णं दिवसंसि सूरिए दुपोरिसिच्छायं निव्वत्तेति ता जया णं सूरिए सव्वब्भंतरं मंडलं उवसंकमित्ता चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति तंसि णं दिवसंसि सूरिए चउपोरिसियं छायं निव्वत्तेति तं जहा-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं निवुड्ढेमाणे ता जया णं सूरिए सव्ववाहिरं मंडलं उवसंकमित्ता चारं चरइ तथा णं उत्तमकड्डपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ तंसि णं दिवसंसि सूरिए दुपोरिसियं छायं निव्वत्तेति तं जहा-उग्गमणमुहुत्तंसि य अत्थमणमुहुत्तंसि य लेसं अभिवुड्ढेमाणे नो चेव णं निवुड्ढेमाणे तत्थ णं जेते एवमाहंसु-ता अत्थि णं से दिवसे जंसि णं दिवसंसि सूरिए दुपोरिसियं छायं निव्वत्तेति अत्थि णं से दिवसे जंसि णं दिवसंसि सूरिए नो किंचि पोरिसियं छायं निव्वत्तेति ते एवमाहंसु ता जया णं सूरिए सव्वब्भंतरं मंडलं उवसंकमित्ता चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति तंसि णं दिवसंसि सूरिए दुपोरिसियं छायं निव्वत्तेति तं जहा-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं निवुड्ढेमाणे ता जया णं सूरिए सव्ववाहिरं मंडलं उवसंकमित्ता चारं चरइ तथा णं उत्तमकड्डपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ तंसि णं दिवसंसि सूरिए नो किंचि पोरिसियं छायं निव्वत्तेइ तं जाउग्गमणमुहुत्तंसि य अत्थमणमुहुत्तंसि य नो चेव णं लेसं अभिवड्ढेमाणे वा निवुड्ढेमाणे वा कतिकड्ढं ते सूरिए पो-रिसिच्छायं निव्वत्तेति आहिताति वएज्जा तत्थ खलु इमाओ छण्णउत्ति पडिवत्तीओ पत्रत्ता तत्थेगे एवमाहंसु-ता अत्थि णं से देसे जंसि च णं देसंसि सूरिए एणपोरिसियं छायं निव्वत्तेति-एणे पुणं एवमाहंसु-ता अत्थि णं से देसे जंसि णं देसंसि सूरिए दुपोरिसियं छायं निव्वत्तेइ एवं एएणं अभिलावेणं नेतव्वं जाव छण्णउत्ति पो-रिसिच्छायं निव्वत्तेति तत्थ जेते एवमाहंसु-ता अत्थि णं से देसे जंसि णं देसंसि सूरिए एणपोरिसियं छायं निव्वत्तेति ते एवमाहंसु-ता सूरियस्स णं सव्वहेट्ठिमाणो सूरियप्पडिहीओ बहिया अभिणिससदाहि लेसाहिं ताडिज्जमाणीहिं इमीसे रयणप्पभाए पुढवीए बहुसमरमणिज्जाओ भूमिभागाओ जावतियं सूरिए उड्ढं उच्चतेणं एवतियाए एगाए अट्टाए एणेणं छाणुमाणप्पमाणेणं ओमाए एत्थ णं से सूरिए एणपोरिसियं छायं निव्वत्तेति तत्थ जेते एवमाहंसु-ता अत्थि णं से देसे जंसि णं देसंसि सूरिए दुपोरिसियं छायं निव्वत्तेति ते एवमाहंसु-ता सूरियस्स णं सव्वहेट्ठिमाओ सूरियप्पडिहीओ बहिया अभिणिससिताहिं लेसाहिं ताडिज्जमाणीहिं इमीसे रयणप्प-भाए पुढवीए बहुसमरमणिज्जाओ भूमिभागाओ जावतियं सूरिए उड्ढं उच्चतेणं एवतियाहिं दोहिं अट्टाहिं दोहिं छायाणुमाणप्पमाणेहिं ओमाए एत्थ णं से सूरिए दुपोरिसियं छायं निव्वत्तेति एवं एक्केक्काए पडिवत्तीए नेयव्वं जाव छण्णउत्तिमा पडिवत्ति-वयं पुण एवं वदामो-ता सातिरेग-

अउणद्विपोरिसीणं सूरिए पोरिसिच्छायं निव्यत्तेति ता अवड्ढपोरिसी णं छाया दिवसस्स किं गते वा सेसे वा ता तिभागे गते वा सेसे वा ता पोरिसी णं छाया दिवसस्स किं गते वा सेसे वा ता चउम्भागे गते वा सेसे वा ता दिवड्ढपोरिसी णं छाया दिवसस्स किं गते वा सेसे वा ता पंचमभागे गते वा सेसे वा एवं अद्धपोरिसिं छोदुं-छोदुं पुच्छा दिवसस्स भागं छोदुं-छोदुं वागरणं जाव ता अद्धअउणद्विपोरिसीणं छाया दिवसस्स किं गते वा सेसे वा ता एगुणवीससतभागे गते वा सेसे वा ता अउणद्विपोरिसीणं छाया दिवसस्स किं गते वा सेसे वा ता बावीससहस्रभागे गते वा सेसे वा ता सातिरेगअउणद्विपोरिसी णं छाया दिवसस्स किं गते वा सेसे वा ता नत्थि किंचि गते वा सेसे वा तत्थ खलु इमा पणवीसतिविधा छाया पन्नता तं जहा-खंभच्छया रज्जुच्छया पागारच्छया पासादच्छया उदग्गच्छया उच्चत्तच्छया अनुलोमच्छया पडिलोमच्छया आरुभिता उवहिता समा पडिहता खीलच्छया पन्ध्रच्छया पुर-ओदग्गा पिड्डओउदग्गा पुरमकंठभाओवगता पच्छिमकंठभाओवगता छायाणुवादिणी कंठाणु-वादिणी छाया छायच्छया छायायिकंपे वेहासकडच्छया गोलच्छया तत्थ खलु इमा अद्वविहा गोल-च्छया पन्नता तं जहा-गोलच्छया अवड्ढगोलच्छया गोलगोलच्छया अवड्ढगोलगोलच्छया गोलावलिच्छया अवड्ढगोलावलिच्छया गोलपुंजच्छया अवड्ढगोलपुंजच्छया।३१।-३१

● नवमं पाहुडं समत्तं ●

दसमं पाहुडं

—: प ढ मं पा हु ड पा हु डं :-

(४२) ता जोगेति वत्थुस्स आवलियाणिवाते आहितेति वदेजा -कहं० पुच्छा तत्थ खलु इमा-ओ पंच पडिवतीओ पन्नताओ तत्थेगे एवमाहंसु-त्ता सव्वेसि णं नक्खत्ता कत्तिवादिद्या भरणिपज्ज-वसाणा पन्नता-एगे पुण एवमाहंसु-त्ता सव्वेवि णं नक्खत्ता महादिद्या अस्सेसपज्जवसाणा एगे पुण एवमाहंसु-त्ता सव्वेवि णं नक्खत्ता धणिद्दादिद्या सवणपज्जवसाणा एगे पुण एवमाहंसु-त्ता सव्वेवि णं नक्खत्ता अस्सिणीआदिद्या रेवड्पज्जवसाणा एगे पुण एवमाहंसु-त्ता सव्वेवि णं नक्खत्ता भरणी-आदिद्या अस्सिणीपज्जवसाणा धवं पुण एवं वदामो-त्ता सव्वेवि णं नक्खत्ता अभिईआदिद्या उत्तरासा-ढापज्जवसाणा पन्नता तं जहा-अभिई सवणो जाव उत्तरासाढा।३२।-३२

● दसमे पाहुडे पढमं पाहुडपाहुडं समत्तं ●

—: बी यं पा हु ड पा हु डं :-

(४३) ता कहं ते मुहुत्तगे आहितेति वदेजा ता एतेसि णं अद्दावीसाए नक्खत्ताणं अत्थि नक्खत्ते जे णं नव मुहुत्ते सत्तावीसं च सत्तद्विभागे मुहुत्तस्स चंदेण सद्धिं जोयं जोएति अत्थि नक्खत्ता जे णं पन्नरस मुहुत्ते चंदेण सद्धिं जोयं जोएति अत्थि नक्खत्ता जे णं तीसं मुहुत्ते चंदेण सद्धिं जोयं जोएति अत्थि नक्खत्ता जे णं पणयालीसे मुहुत्ते चंदेण सद्धिं जोयं जोएति ता एतेसि णं अद्दावीसाए नक्खत्ताणं कयरे नक्खत्ते जे णं नवमुहुत्ते सत्तावीसं च सत्तद्विभागे मुहुत्तस्स चंदेणं सद्धिं जोयं जोएति कयरे नक्खत्ता जे णं पन्नरसमुहुत्ते चंदेणं सद्धिं जोयं जोएति कयरे नक्खत्ता जे णं तीसं मुहुत्ते चंदेणं सद्धिं जोयं जोएति कयरे नक्खत्ता जे णं पणयालीसं मुहुत्ते चंदेणं सद्धिं जोयं जोएति ता एतेसि णं अद्दावीसाए नक्खत्ताणं तत्थ जेसे नक्खत्ते जे णं नव मुहुत्ते सत्तावीसं च सत्तद्विभागे मुहुत्तस्स चंदेणं सद्धिं जोयं जोएति से णं एगे अभीई तत्थ जेते नक्खत्ता जे णं पन्नरसमुहुत्ते चंदेणं सद्धिं जोयं जोएति ते णं छ तं जहा-सत्ताभिसया भरणी अद्दा अस्सेसा साती जेद्दा तत्थ जेते नक्खत्ता जे णं तीसं मुहुत्तं

चंदेणं सद्धिं जोयं जोएति ते णं पन्नरस तं जहा-सवणे धणिद्धा पुव्वाभद्दवया रेवती अस्सिणी कत्तिया मिगसिरं पूरसो महा पुव्वाफगुणी हत्थो चित्ता अनुराहा मूलो पुव्वासादा तत्थ जेते नक्खत्ता जे णं पणयालीसं मुहुत्ते चंदेणं सद्धिं जोयं जोएति ते णं छ तं जहा-उत्तराभद्दपदा रोहिणी पुनव्वसू उत्तराफगुणी विसाहा उत्तरासादा।३३।-३३

(४४) ता एतेसि णं अट्ठावीसाए नक्खत्ताणं अत्थि नक्खत्ते जे णं चत्तारि अहोरत्ते छच्च मुहुत्ते सूरुणं सद्धिं जोयं जोएति अत्थि नक्खत्ता जे णं छ अहोरत्ते एककवीसं च मुहुत्ते सूरुणं सद्धिं जोयं जोएति अत्थि नक्खत्ता जे णं तेरस अहोरत्ते दुयालस य मुहुत्ते सूरुणं सद्धिं जोयं जोएति अत्थि नक्खत्ता जे णं वीसं अहोरत्ते तिण्णि च मुहुत्ते सूरुणं सद्धिं ता एतेसि णं अट्ठावीसाए नक्खत्ताणं कयरे नक्खत्ते जे णं चत्तारि अहोरत्ते छच्च मुहुत्ते सूरुणं सद्धिं जोयं जोएति कयरे नक्खत्ता जे णं छ अहोरत्ते एककवीसं मुहुत्ते सूरुणं सद्धिं जोयं जोएति कयरे नक्खत्ता जे णं तेरस अहोरत्ते बारस मुहुत्ते सूरुणं सद्धिं जोयं जोएति कयरे नक्खत्ता जे णं वीसं अहोरत्ते तिण्णि य मुहुत्ते सूरुणं सद्धिं जोयं जोएति ता एतेसि णं अट्ठावीसाए नक्खत्ताणं तत्थ जेसे नक्खत्ते जे णं चत्तारि अहोरत्ते छच्च मुहुत्ते सूरुणं सद्धिं जोयं जोएति से णं एगे अभीई तत्थ जेते नक्खत्ता जे णं छ अहोरत्ते एककवीसं च मुहुत्ते सूरुणं सद्धिं जोयं जोएति ते णं छ, सतभिसया भरणी अट्ठा अस्सेसा साती जेद्धा तत्थ जेते नक्खत्ता जे णं तेरस अहोरत्ते दुयालस य मुहुत्ते सूरुणं सद्धिं जोयं जोएति ते णं पन्नरस सवणो धणिद्धा पुव्वाभद्दवया रेवती अस्सिणी कत्तिया मिगसिरं पूसो महा पुव्वाफगुणी हत्थो चित्ता अनुराहा मूलो पुव्वासादा तत्थ जेते नक्खत्ता जे णं वीसं अहोरत्ते तिण्णि य मुहुत्ते सूरुणं सद्धिं जोयं जोएति ते णं छ, उत्तराभद्दवया रोहिणी पुनव्वसू उत्तराफगुणी विसाहा उत्तरासादा।३४।-३४

● दसमे पाहुंडे वीयं पाहुंडपाहुंडं समत्तं ●

—: त चं पा हु ड पा हु डं :—

(४५) ता कहं ते एवंभागा आहिताति वदेआ ता एतेसि णं अट्ठावीसाए नक्खत्ताणं अत्थि नक्खत्ता पुव्वंभागा समक्खेत्ता तीसइमुहुत्ता पन्नत्ता अत्थि नक्खत्ता पच्छंभागा समक्खेत्ता तीसइमुहुत्ता पन्नत्ता अत्थि नक्खत्ता नत्तंभागा अवड्ढक्खेत्ता पन्नरसमुहुत्ता पन्नत्ता अत्थि नक्खत्ता उभयंभागा दिवड्ढक्खेत्ता पणयालीसइमुहुत्ता पन्नत्ता ता एतेसि णं अट्ठावीसाए नक्खत्ताणं कयरे नक्खत्ता पुव्वंभागा समक्खेत्ता तीसइमुहुत्ता पन्नत्ता कयरे नक्खत्ता पच्छंभागा समक्खेत्ता तीसउ-मुहुत्ता पन्नत्ता कयरे नक्खत्ता नत्तंभागा अवड्ढक्खेत्ता पन्नरसमुहुत्ता पन्नत्ता कयरे नक्खत्ता उभयंभागा दिवड्ढक्खेत्ता पणयालीसइमुहुत्ता पन्नत्ता ता एतेसि णं अट्ठावीसाए नक्खत्ताणं तत्थ पुव्वंभागा समक्खेत्ता तीसइमुहुत्ता पन्नत्ता ते णं छ तं जहा-पुव्वापोड्ववया कत्तिया महा पुव्वाफगुणी मूलो पुव्वासादा तत्थ जेते नक्खत्ता पच्छंभागा समक्खेत्ता तीसइमुहुत्ता पन्नत्ता ते णं दस तं जहा-अभिई सवणो धणिद्धा रेवती अस्सिणी मिगसिरं पूसो हत्थो चित्ता अनुराहा तत्थ जेते नक्खत्ता नत्तंभागा अवड्ढक्खेत्ता पन्नरसमुहुत्ता पन्नत्ता ते णं छ तं जहा-संतभिसया भरणी अट्ठा अस्सेसा साती जेद्धा तत्थ जेते नक्खत्ता उभयंभागा दिवड्ढक्खेत्ता पणयालीसइमुहुत्ता पन्नत्ता ते णं छ तं जहा-उत्तराभद्दवया रोहिणी पुनव्वसू उत्तराफगुणी विसाहा उत्तरासादा।३५।-३५

● दसमे पाहुंडे तचं पाहुंडपाहुंडं समत्तं ●

—: च उ त्थं पा हु ड पा हु डं :—

(४६) ता कहं ते जोगस आदी आहितेति वदेआ ता अभीई-सवणा खलु दुवे नक्खत्ता

पच्छभागा समकखेत्ता सातिरेगऊतालीसइमुहुत्ता तप्पढमवाए सायं चंदेणं सद्धिं जोयं जोएति ततो पच्छा नवरं सातिरेगं दिवसं-एवं खलु अभीई-सवणा दुवे नकखत्ता एगं रातिं एगं च सातिरेगं दिवसं चंदेणं सद्धिं जोयं जोएति जोएत्ता जोयं अनुपरियट्टति अनुपरियट्टिता सायं चंदं धणिट्टाणं समप्येति ता धणिट्टा खलु नकखत्ते पच्छभागे समकखेत्ते तीसइमुहुत्ते तप्पढमयाए सायं चंदेण सद्धिं जोयं जोएति जोएत्ता ततो पच्छा रातिं अवरं च दिवसं-एवं खलु धणिट्टा नकखत्ते एगं रातिं एगं च दिवसं चंदेण सद्धिं जोयं जोएति जोएत्ता जोयं अनुपरियट्टति अनुपरियट्टिता सायं चंदं सतभिसयाणं समप्येति ता सतभिसया खलु नकखत्ते नत्तभागे अवइडकखेत्ते पन्नरसमुहुत्ते तप्पढमयाए सायं चंदेणं सद्धिं जोयं जोएति नो लभति अवरं दिवसं-एवं खलु सतभिसया नकखत्ते एगं रातिं चंदेणं सद्धिं जोयं जोएति जोएत्ता जोयं अनुपरियट्टति अनुपरियट्टिता पातो चंदं पुव्वाणं पोड्ववयाणं सप्येति ता पुव्वापोड्ववया खलु नकखत्ते पुव्वंभागे समकखेत्ते तीसइमुहुत्ते तप्पढमयाए पातो चंदेणं सद्धिं जोयं जोएति तओ पच्छा अवरं रातिं -एवं खलु पुव्वापोड्ववया नकखत्ते एगं दिवसं एगं च रातिं चंदेणं सद्धिं जोयं जोएति जोएत्ता जोयं अनुपरियट्टति अनुपरियट्टिता पातो चंदं उत्तराणं पोड्ववयाणं समप्येति ता उत्तरापोड्ववया खलु नकखत्ते उभयंभागे दिवइडकखेत्ते पणयालीसइमुहुत्ते तप्पढमवाए पातो चंदेण सद्धिं जोयं जोएति अवरं च रातिं ततो पच्छा अवरं दिवसं-एवं खलु उत्तरापोड्ववया नकखत्ते दो दिवसे एगं च रातिं चंदेणं सद्धिं जोयं जोएति जोएत्ता जोयं अनुपरियट्टति अनुपरियट्टिता सायं चंदं रेवतीणं समप्येति ता रेवती खलु नकखत्ते पच्छभागे समकखेत्ते तीसइमुहुत्ते तप्पढमवाए सायं चंदेण सद्धिं जोयं जोएति ततो पच्छा अवरं दिवसं-एवं खलु रेवती नकखत्ते एगं रातिं एगं च दिवसं चंदेणं सद्धिं जोयं जोएति जोएत्ता जोयं अनुपरियट्टति अनुपरियट्टिता सायं चंदं अस्सिणीणं समप्येति ता अस्सिणी खलु नकखत्ते पच्छभागे समकखेत्ते तीसइमुहुत्ते तप्पढमयाए सायं चंदेण सद्धिं जोयं जोएति ततो पच्छा अवरं दिवसं एवं खलु अस्सिणी नकखत्ते एगं रातिं एगं च दिवसं चंदेणं सद्धिं जोयं जोएति जोएत्ता जोयं अनुपरियट्टति अनुपरियट्टिता सायं चंदं मरणीणं समप्येति ता मरणी खलु नकखत्ते नत्तभागे अवइडकखेत्ते पन्नरसमुहुत्ते तप्पढमवाए सायं चंदेण सद्धिं जोयं जोएति नो लभति अवरं दिवसं-एवं खलु मरणी नकखत्ते एगं रातिं चंदेण सद्धिं जोयं जोएति जोएत्ता जोयं अनुपरियट्टति अनुपरियट्टिता पातो चंदं कत्तियाणं समप्येति ता कत्तिया खलु नकखत्ते पुव्वंभागे समकखेत्ते तीसइमुहुत्ते तप्पढमयाए पातो चंदेण सद्धिं जोयं जोएति ततो पच्छा रातिं-एवं खलु कत्तिया नकखत्ते एगं दिवसं एगं च रातिं चंदेण सद्धिं जोयं जोएति जोएत्ता जोयं अनुपरियट्टति अनुपरियट्टिता पातो चंदं रोहिणीणं समप्येति रोहिणी जहा उत्तरभद्ववया मिगसिरं जहा धणिट्टा अद्दा जहा सतभिसया पुणव्वसू जहा उत्तरभद्ववया मिगसिरं जहा धणिट्टा अद्दा जहा सतभिसया पुणव्वसू जहा उत्तर-भद्ववया पुस्सो जहा धणिट्टा अस्सेसा जहा सतभिसया मधा जहा पुव्वाफग्गुणी पुव्वाफग्गुणी जहा पुव्वाभद्ववया उत्तराफग्गुणी जहा उत्तरभद्ववया हत्थो चित्ता य जहा धणिट्टा साती जहा सतभिसया विसाहा जहा उत्तरभद्ववया अनुराहा जहा धणिट्टा जेद्दा जहा सतभिसया मूलो पुव्वासाढा य जहा पुव्वमद्ववया उत्तरसाढा जहा उत्तरभद्ववया ।३६।-३६

● दसमे पाहुडे चउत्तरे पाहुडपाहुडं समत्तं ●

—: पं च मं पा हु ड पा हु डं :-

(४०) ता कहं ते कुला आहिताति वदेजा तत्य खलु इमे बारस कुला बारस उवकुला चत्तारि

कुलोवकुला पत्रता बारस कुला तं जहा-धणिङ्गाकुलं उत्तराभद्वयया कुलं अस्सिणी कुलं कत्तिया कुलं संठाणा कुलं पुस्सो कुलं महा कुलं उत्तराफग्गुणी कुलं चित्ता कुलं विसाहा कुलं मूलो कुलं उत्तरासाढा कुलं बारस उवकुला तं जहा-सवणो उवकुलं पुव्वभद्वयया उवकुलं रेवती उवकुलं भरणी उवकुलं रोहिणी उवकुलं पुत्रवसू उवकुलं अस्सेसा उवकुलं पुव्वाफग्गुणी उवकुलं इत्थो उवकुलं साती उवकुलं जेटअठा उवकुलं पुव्वासाढा उवकुलं चत्तारि कुलोवकुला तं जहा-अभीई कुलोवकुलं सतभिसया कुलोवकुलं अद्दा कुलोवकुलं अनुराहा कुलोवकुलं।३७। -३७

● इसमे पाहुडे पंचमं पाहुडपाहुडं षष्ठमं ●

—: छ ई पा हु ड पा हु डं :-

(४८) ता कहं ते पुण्णिमासिणी आहितेति वदेजा तस्य खलु इमाओ बारस पुण्णिमासिणीओ बारस अमावासाओ साविट्ठी पोड्वली आसोई कत्तिया मग्गसिरी पोसी माहीफग्गुणी चेती वइसाही जेड्ढामूली आसाढी ता साविट्ठिणं पुण्णिमासिं कति नक्खत्ता जोएति ता तिण्णि नक्खत्ता जोएति तं जहा-अभीई सवणो धणिङ्गा ता पोड्ववतिण्णं पुण्णिमं तिण्णि नक्खत्ता जोएति सत्तभिसय पुव्वा पोड्ववत्ता उत्तरा पोड्ववया ता आसोइण्णं पुण्णिमं दोण्णि नक्खत्ता जोएति रेवती अस्सिणी य ता कत्तियण्णं पुण्णिमं दोण्णि नक्खत्ता जोएति तं जहा-भरणी कत्तिया य ता मग्गसिरण्णं पुण्णिमं दोण्णि नक्खत्ता जोएति तं जहा-रोहिणी मिगसिरो य ता पोसिण्णं पुण्णिमं तिण्णि नक्खत्ता जोएति तं जहा-अद्दा पुण्णवसू पुस्सो ता माहिण्णं पुण्णिमं दोण्णि नक्खत्ता जोएति तं जहा-अस्सेसा महा य ता फग्गुणिण्णं पुण्णिमं दुण्णि नक्खत्ता जोएति तं जहा-पुव्वाफग्गुणी उत्तराफग्गुणी य ता वेत्तिण्णं पुण्णिमं दोण्णि नक्खत्ता जोएति तं जहा-इत्थो चित्ता य ता वइसाहिण्णं पुण्णिमं दोण्णि नक्खत्ता जोएति तं जहा-साती विसाहा य ता जेड्ढामत्तिण्णं पुण्णिमासिणिं तिण्णि नक्खत्ता ओएति तं जहा-अनुराहा जेड्ढा मूलो ता आसदिण्णं पुण्णिमं दो नक्खत्ता जोएति तं जहा-पुव्वासाढा उत्तरासाढा

।३८।-३८

(४९) ता साविट्ठिण्णं पुण्णिमासिणिं किं कुलं जोएति उवकुलं वा जोएति कुलोवकुलं वा जोएति ता कुलं वा जोएति उवकुलं वा जोएति कुलोवकुलं वा जोएति कुलं जोएमाणे धणिङ्गा नक्खत्ते जोएति उवकुलं जोएमाणे सवणे नक्खत्ते जोएति कुलोवकुलं जोएमाणे अभीई नक्खत्ते जोएति साविट्ठिण्णं पुण्णिमं कुलं वा जोएति उवकुलं वा जुत्ता कुलोवकुलेण वा जुत्ता साविट्ठी पुण्णिमा जुत्ताति वत्तव्वं सिया ता पोड्ववतिण्णं पुण्णिमं कुलं वा जोएति उवकुलं वा जोएति कुलोवकुलं वा जोएति कुलं जोएमाणे उत्तरापोड्ववया नक्खत्ते जोएति उवकुलं जोएमाणे पुव्वापोड्ववया नक्खत्ते जोएति कुलोवकुलं जोएमाणे सत्तभिसया नक्खत्ते जोएति पोड्ववतिण्णं पुण्णमासिणिं कुलं वा जोएति उवकुलं वा जोएति कुलोवकुलं वा जोएति कुलेण वा जुत्ता उवकुलेण वा जुत्ता कुलोवकुलेण वा जुत्ता पोड्ववती पुण्णिमा जुत्ताति वत्तव्वं सिया, ता आसोइण्णं पुण्णिमासिणिं कुलंपि जोएति उवकुलंपि जोएति नो लभति कुलोवकुलं कुलं जोएमाणे अस्सिणी नक्खत्ते जोएति उवकुलं जोएमाणे रेवती नक्खत्ते जोएति आसोइण्णं पुण्णिमं कुलं वा जोएति उवकुलं वा जोएति कुलेण वा जुत्ता उवकुलेण वा जुत्ता आसोइ णं पुण्णिमा जुत्ताति वत्तव्वं सिया एवं नेयव्वाओ-पोसिं पुण्णिमं जेड्ढामूलिं पुण्णिमं च कुलोवकुलंपि जोएति अवसेसासु नत्थि कुलोवकुलं जाव आसाढी पुण्णिमा जुत्ताति वत्तव्वं सिया, ता साविट्ठिण्णं अमावासं कति नक्खत्ता

जोएति ता दुष्णि नक्खत्ता जोएति तं जहा-अस्सेसा महा च एवं एतेणं अभिलावेणं नेतव्वं पोडुवति दो नक्खत्ता जोएति तं जहा-पुव्वाफग्गुणी उत्तराफग्गुणी अस्सेसोइ हत्ये चित्ता य कत्तियं साती विसाहा य मग्गसिरिं अनुराधा जेद्दा मूलो पोसि पुव्वासाढा उत्तरासाढा माहिं अभीई सवणो घणिद्धा फग्गुणिं सतभिसया पुव्वापोडुवया चेत्तिं उत्तरापोडुवया रेवती अस्सिणी य विसाहिं भरणी कत्तिया य जेद्दामूलिं रोहिणी मिंगसिरं च ता आसादिण्णं अमावासिं तिण्णि नक्खत्ता जोएति तं जहा-अद्दा पुनव्वसू पुस्सो ता सावट्ठिण्णं अमावासं कुलं वा जोएति उवकुलं वा जोएति नो लभति कुलोवकुलं कुलं जोएमाणे महा नक्खत्ते जोएति उवकुलं जोएमाणे अस्सेसा नक्खत्ते जोएति कुलेण वा जुत्ता उवकुलेण वा जुत्ता साविट्ठी अमावासा जुत्ताति वत्तव्वं सिया एवं नेतव्वं नवरं-मग्गसिरीए माहीए फग्गुणीए आसादीए य अमावासाए कुलोवकुलं पि जोएति सेसेसु अत्थि ।३९।-३९

● दसमे पाहडे छट्ठं पाहडपाहडं समत्तं ●

—: स त्त मं पा हु ड पा हु डं :-

(५०) ता कहं ते सण्णिवाते आहितेति वदेज्जा ता जया णं साविट्ठी पुण्णिमा भवति तथा णं माही अमावासा भवति जया णं माही पुण्णिमा भवइ तथा णं साविट्ठी अमावासा भवइ जया णं पोडुवती पुण्णिमा भवति तथा णं फग्गुणी अमावासा भवति जया णं फग्गुणी पुण्णिमा भवति तथा णं पोडुवती अमावासा भवति जया णं आसोई पुण्णिमा भवति तथा णं चेती अमावासा भवति जया णं चेती पुण्णिमा भवति तथा णं वइसाही अमावासा भवति जया णं वइसाही पुण्णिमा भवति तथा णं कत्तिई अमावासा भवति जया णं मग्गसिरी पुण्णिमा भवति तथा णं जेद्दामूली अमावासा भवति जया णं जेद्दामूली पुण्णिमा तथा णं मग्गसिरी अमावासा जया णं पोसी पुण्णिमा तथा णं आसादी अमावासा जया णं आसादी पुण्णिमा भवति तथा णं पोसी अमावासा भवति ।४०।-४०

● दसमे पाहडे सत्तमं पाहडपाहडं समत्तं ●

—: अ द्द मं पा हु ड पा हु डं :-

(५१) ता कहं ते नक्खत्तसंठिती आहितेति वदेज्जा ता एतेसि णं अद्दावीसाए नक्खत्ताणं अभीई नक्खत्ते किसंठिते पन्नत्ते ता गोसीसावलिंसंठिते पन्नत्ते ता सवणे नक्खत्ते काहारसंठिते पन्नत्ते ता धणिद्धा नक्खत्ते सउणिपलीणगसंठिते पन्नत्ते ता सतभिसया नक्खत्ते पुप्फोवयारसंठिते पन्नत्ते ता पुव्वापोडुवया नक्खत्ते अवइद्धवविसंठिते पन्नत्ते एवं उत्तरावि ता रेवति नक्खत्ते नावासंठिते पन्नत्ते ता अस्सिणी नक्खत्ते आसक्खंधसंठिते पन्नत्ते ता भरणी नक्खत्तो भगसंठिते पन्नत्ते ता कत्तिया नक्खत्ते छुरयरगसंठिते पन्नत्ते ता रोहिणी नक्खत्ते सगडुद्धिसंठिते पन्नत्ते ता मिंगसिरा नक्खत्ते मग्गसीसावलिंसंठिते पन्नत्ते ता अद्दा नक्खत्ते रुहिरविदुसंठिते पन्नत्ते ता पुणव्वसू नक्खत्ते तुलासंठिते पन्नत्ते ता पुस्से नक्खत्ते चट्ठमाणगसंठिते पन्नत्ते ता अस्सेसा नक्खत्ते पडागसंठिते पन्नत्ते ता महा नक्खत्ते पागारसंठिते पन्नत्ते ता पुव्वाफग्गुणी नक्खत्ते अद्धपलियंकसंठिते पन्नत्ते एवं उत्तरावि ता हत्ये नक्खत्ते हत्यसंठिते पन्नत्ते ता चित्ता नक्खत्ते मुहफुल्लसंठिते पन्नत्ते ता साती नक्खत्ते खीलगसंठिते पन्नत्ते विसाहानक्खत्ते दापणिसंठिते पन्नत्ते ता अनुराधा नक्खत्ते एगावलिंसंठिते पन्नत्ते ता जेद्दा नक्खत्ते गयदंतसंठिते पन्नत्ते ता मूले नक्खत्ते विच्छुयनंगोलसंठिते पन्नत्ते ता पुव्वासाढा नक्खत्ते गयविक्कमसंठिते पन्नत्ते ता उत्तरासाढा नक्खत्ते सीहनिसाइसंठिते पन्नत्ता ।४१।-४१

● दसमे पाहडे अद्दमं पाहडपाहडं समत्तं ●

—: न च मं पा हु ड पा हु डं :-

(५२) ता कहं ते तारणे आहितेति वदेजा ता एतेसि णं अट्टावीसाए नक्खत्ताणं अभीई नक्खत्ते तितारे पत्रत्ते ता सवणे नक्खत्ते तितारे पत्रत्ते ता धणिट्ठा नक्खत्ते पणतारे पत्रत्ते ता सत्तभिसया नक्खत्ते सत्ततारे पत्रत्ते ता पुब्बापोड्ढवत्ता नक्खत्ते दुतारे पत्रत्ते एवं उत्तरावि ता रेवती नक्खत्ते बत्तीसतितारे पत्रत्ते ता अस्सिणी नक्खत्ते तितारे पत्रत्ते एवं सव्ये पुच्छिञ्जंति-भरणी तितारे पत्रत्ते अद्दा एगतारे पत्रत्ते पुणव्वसू पंचतारे पन्नत्ते पुस्से तितारे पत्रत्ते अस्सेसा छतारे पत्रत्ते मघा सत्ततारे पत्रत्ते पुब्बाफगुणी दुतारे पत्रत्ते एवं उत्तरावि हत्थे पंचतारे पत्रत्ते चित्ता एगतारे पत्रत्ते सात्ती एगतारे पत्रत्ते विसाहा पंचतारे पत्रत्ते अनुराहा चउतारे पत्रत्ते जेड्ढा तितारे पत्रत्ते मूले एगतारे पत्रत्ते पुब्बासाढा चउतारे पत्रत्ते उत्तरासाढा चउतारे पत्रत्ते ।४२।-४२

● इसमे पाहुडे नवमं पाहुडपाहुडं सप्तं ●

—: द स म पा हु ड पा हु डं :-

(५३) ता कहं ते नेता आहितेति वदेजा ता वासाणं पढमं मासं कति नक्खत्ता णेति ता चत्तारि नक्खत्ता णेति तं जहा-उत्तरासाढा अभीई सवणे धणिट्ठा उत्तरासाढा चोदस अहोरत्ते नेति अभीई सत्त अहोरत्ते नेति सवणे अट्ट अहोरत्ते नेति धणिट्ठा एगं अहोरत्तं नेति तंसि च णं मासंसि चउरंगुल-पोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाइं चत्तारि अंगुलाइं पोरिसी भवति, ता वासाणं दोच्चं मासं चत्तारि नक्खत्ता णेति तं जहा-धणिट्ठा सत्तभिसत्ता पुब्बो-पोड्ढवया उत्तरपोड्ढवया धणिट्ठा चोदस अहोरत्ते नेति सत्तभिसत्ता सत्त अहोरत्ते नेति पुब्बापोड्ढवया अट्ट अहोरत्ते नेति उत्तरपोड्ढवया एगं अहोरत्तं नेति तंसि च णं मासंसि अट्टंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाइं अट्ट अंगुलाइं पोरिसी भवति, ता वासाणं ततियं मासं तिण्णि नक्खत्ता णेति तं जहा-उत्तरापोड्ढवया रेवती अस्सिणी उत्तरापोड्ढवया चोदस अहोरत्ते नेति रेवती पत्ररस अहोरत्ते नेति अस्सिणी एगं अहोरत्तं नेति तंसि च णं मासंसि दुवालसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे लेहड्ढाइं तिण्णि पदाइं पोरिसी भवति, ता वासाणं चउत्थं मासं तिण्णि नक्खत्ता णेति तं जहा अस्सिणी भरणी करिया अस्सिणी चउदस्स अहोरत्ते नेति भरणी पत्ररस अहोरत्ते नेति कत्तिया एगं अहोरत्तं नेति तंसि च णं मासंसि सोलसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे तिण्णि पदाइं चत्तारिअंगुलाइं पोरिसी भवति, ता हेमंताणं पढमं मासं तिण्णि नक्खत्ता णेति तं जहा-कत्तिया रोहिणी संठाणा कत्तिया चोदस अहोरत्ते णेति रोहिणी पत्ररस अहोरत्ते णेति संठाणा एगं अहोरत्तं णेति तंसि च णं मासंसि वीसंगुलपोरिसीए छायाए सूरिए अणुपरियट्ठति तस्स णं मासस्स चरिमे दिवसे तिण्णि पदाइं अट्ट अंगुलाइं पोरिसी भवइ, ता हेमंताणं दोच्चं मासं चत्तारि नक्खत्ता णेति तं जहा-संठाणं अद्दा पुणव्वसू पुस्सो संठाणा चोदस अहोरत्ते नेति अद्दा सत्त अहोरत्ते नेति पुणव्वसू अट्ट अहोरत्ते नेति पुस्से एगं अहोरत्तं नेति तंसि च णं मासंसि चउवीसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे लेहड्ढाइं चत्तारि पदाइं पोरिसी भवति, ता हेमंताणं ततियं मासं तिण्णि नक्खत्ता णेति तं जहा-पुस्से अस्सेस्ता महा पुस्से चोदस अहोरत्ते नेति अस्सेसा पंचदस अहोरत्ते नेति महा एगं अहोरत्तं नेति तंसि च णं मासंसि वीसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे तिण्णि पदाइं अट्टंगुलाइं पोरिसी भवति, ता हेमंताणं

चउत्वं मासं तिष्ठिणं नक्खत्ता णेति तं जहा-महा पुब्बाफग्गुणी उत्तराफग्गुणी महा चोद्दस अहोरत्ते नेति पुब्बाफग्गुणी पन्नरस अहोरत्ते नेति उत्तराफग्गुणी एणं अहोरत्तं नेति तंसि च णं मासंसि सोलसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे तिष्ठिणं पदाइं चत्तारि अंगुलाइं पोरिसी भवति, ता गिम्हाणं पढमं मासं तिष्ठिणं नक्खत्ता णेति तं जहा-उत्तराफग्गुणी हत्थो चित्ता उत्तराफग्गुणी चोद्दस अहोरत्ते नेति हत्थो पन्नरस अहोरत्ते नेति चित्ता एणं अहोरत्तं नेति तंसि च णं मासंसि दुबालसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे लेह्हाइं तिष्ठिणं पदाइं पोरिसी भवति, ता गिम्हाणं वितियं मासं तिष्ठिणं नक्खत्ता णेति तं जहा-चित्ता साती विसाहा चित्ता चोद्दस अहोरत्ते नेति साती पन्नरस अहोरत्ते नेति विसाहा एणं अहोरत्तं नेति तंसि च णं मासंसि अट्ठंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाइं अट्ठ अंगुलाइं पोरिसी भवति, ता गिम्हाणं ततियं मासं चत्तारि नक्खत्ता णेति तं जहा-विसाहा अनुराहा जेद्दा मूलो विसाहा चोद्दस अहोरत्ते नेति अनुराहा सत्तअहोरत्ते नेति जेद्दा अट्ठ अहोरत्ते नेति मूलो एणं अहोरत्तं नेति तंसि च णं मासंसि चउरंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाणि चत्तारि अंगुलाइं पोरिसी भवति, ता गिम्हाणं चउत्वं मासं तिष्ठिणं नक्खत्ता णेति तं जहा-मूलो पुब्बासाढा उत्तरासाढा मूलो चोद्दस अहोरत्ते नेति पुब्बासाढा पन्नरस अहोरत्ते नेति उत्तरासाढा एणं अहोरत्तं नेति तंसि च णं मासंसि चट्ठाए समचउरंससंठिताए नग्गोहपरिमंडलाए सकायमणुरंगिणीए छायाए सूरिए अनुपरियट्ठति तस्स णं मासस्स चरिमे दिवसे लेह्हाइं दो पदाइं पोरिसी भवति।४३-४३

● दसमे पाहुडे दसमं पाहुड्याहुडं समत्तं ●

—: ए क्का र स षं पा हु उ पा हु उं :-

(५४) ता क्कं ते चंदमग्गा आहितेति वदेज्जा ता एतेसि णं अट्ठावीसाए नक्खत्ताणं अत्थि नक्खत्ता जे णं सया चंदस्स दाहिणेणं जोयं जोएति अत्थि नक्खत्ता जे णं सया चंदस्स उत्तरेणं जोयं जोएति अत्थि नक्खत्ता जे णं चंदस्स दाहिणेणवि उत्तरेणवि पमद्दं पि जोयं जोएति अत्थि नक्खत्ता जे णं चंदस्स दाहिणेणवि पमद्दं पि जोयं जोएति अत्थि नक्खत्ता जे णं सया चंदस्स पमद्दं जोयं जोएति ता एतेसि णं अट्ठावीसाए नक्खत्ताणं कयरे नक्खत्ता जे णं सया चंदस्स दाहिणेणं जोयं जोएति तहेव जाव कयरे नक्खत्ते जे णं सया चंदस्स पमद्दं जोयं जोएति ता एतेसि णं अट्ठावीसाए नक्खत्ताणं जे णं नक्खत्ता सया चंदस्स दाहिणेणं जोयं जोएति ते णं छ तं जहा-संठाणा अहा पुस्सो अस्सेसा हत्थो मूलो तत्थ जेते नक्खत्ता जे णं सया चंदस्स उत्तरेणं जोयं जोएति ते णं बारस तं जहा-अभिई सबणो धणिट्ठा सत्तभिसया पुब्बाभद्वया उत्तरापोट्टवया रेवती अस्सिणी भरणी पुब्बाफग्गुणी उत्तराफग्गुणी साती तत्थ जेते नक्खत्ता जे णं चंदस्स दाहिणेणवि उत्तरेणवि पमद्दं पि जोयं जोएति ते णं सत्त तं जहा-कत्तिया रोहिणी पुणव्वसू महा चित्ता विसाहा अनुराहा तत्थ जेते नक्खत्ता जे णं चंदस्स दाहिणेणवि पमद्दं पि जोयं जोएति ताओ णं दो आसाढाओ सब्बाहिरे मंडले जोयं जोएंसु वा जोएति वा जोएस्संति वा तत्थ जेसे नक्खत्ते जे णं सया चंदस्स पमद्दं जोयं जोएति सा णं एणा जेद्दा।४४-४४

(५५) ता कति ते चंदमंडला पन्नता ता पन्नरस चंदमंडला पन्नता ता एतेसि णं पन्नरसणं चंदमंडलाणं अत्थि चंदमंडलाणं अत्थि चंदमंडला जे णं सया नक्खत्तेहिं अविरहिया अत्थि चंदमंडला जे णं सया नक्खत्तेहिं विरहिया अत्थि चंदमंडला जे णं रविसिसिनक्खत्ताणं शपण्णा भवंति अत्थि

चंदमंडला जे णं सया आदिद्येहिं विरहिया ता एतेसि णं पन्नरसण्हं चंदमंडलाणं कयरे चंदमंडला जे णं सया नक्खत्तेहिं अविरहिया जाव कयरे चंदमंडला जे णं सया आदिद्येहिं विरहिया ता एतेसि णं पन्नरसण्हं चंदमंडलाणं तत्थ जेते चंदमंडला जे णं सया नक्खत्तेहिं अविरहिया ते णं अट्ट तं जहा-पढमे चंदमंडले ततिए चंदमंडले छट्टे चंदमंडले सत्तमे चंदमंडले अट्टमे चंदमंडले दसमे चंदमंडले एककारसमे चंदमंडले पन्नरसमे चंदमंडले तत्थ जेते चंदमंडला जे णं सया नक्खत्तेहिं विरहिया ते णं सत्त तं जहा-वितिए जचंदमंडले चउत्थे चंदमंडले पंचमे चंदमंडले नवमे चंदमंडले बारसमे चंदमंडले तेरसमे चंदमंडले चउत्समे चंदमंडले तत्थ जेते चंदमंडला जे णं रविससिनक्खत्ताणं सामण्णा भवति ते णं घत्तारि तं जहा-पढमे चंदमंडले वीए चंदमंडले इक्कारसमे चंदमंडले पन्नरसमे चंदमंडले तत्थ जेते चंदमंडला जे णं सया आदिद्येहिं विरहिया ते णं पंच तं जहा-छट्टे चंदमंडले सत्तमे चंदमंडले अट्टमे चंदमंडले नवमे चंदमंडले दसमे चंदमंडले।४५।-४५

● **दसमे पाहडे एककारसमं पाहडपाहडं सपत्तं ●**

—: बा र स मं पा हु ड पा हु डं :—

(५६) ता कंहं ते देवयाणं अण्डायणा आहिताति वदेज्जा ता एतेसि णं अट्टावीसाए नक्खत्ताणं अभिई नक्खत्ते वण्हदेवयाए पन्नते ता सवणे नक्खत्ते विण्हुदेवयाए पन्नते ता धण्णिडा नक्खत्ते वसुदेवयाए पन्नते ता सतभिसया नक्खत्ते वरुणदेवयाए पन्नते ता पुब्बापोट्टवया नक्खत्ते अचदेवयाए पन्नते ता उत्तरापोट्टवया नक्खत्ते अभिवड्ढिदेवयाए पन्नते एवं सव्वेवि पुच्छिञ्जति-रेवती-पुससदेवया अस्तिणीअस्सदेवयाए भरणीजमदेवयाए कत्तियाअग्गिदेवया रोहिणीपयावड्ढेवयाए संठाणासोमदेवयाए अट्टारुड्ढेवयाए पुणव्वसूअदितिदेवयाए पुससोवहस्सड्ढेवयाए अस्सेसासण्ण-देवयाए महापिड्ढेवयाए पुब्बाफग्गुणीभगदेवयाए उत्तराफग्गुणीअज्जमदेवयाए हत्थेसवियादेवयाए चित्तातट्टेवयाए सातीवायुदेवयाए विसाहा इंद्रग्गिदेवयाए अनुराहामित्तदेवयाए जेड्डाइंद-देवयाए मूलेनिरड्ढेवयाए पुब्बासाढाआउदेवयाए उत्तरासाढाविस्सदेवयाए पन्नते।४६।-४६

● **दसमे पाहडे बारसमं पाहडपाहडं सपत्तं ●**

—: ते र स मं पा हु ड पा हु डं :—

(५७) ता कंहं ते मुहुत्ताणं नामधेज्जा आहिताति वदेज्जा ता एगमेगस्स णं अहोरत्तस्स तीसं मुहुत्ता पन्नता [तं जहा]-।४७।-४७

- (५८) रोद्धे सेते मित्ते वाउ सुपीए तहैव अभिचंदे
माहिंद बलव वंभे बहुसच्चे चेव ईसाणे ॥१६॥-१
- (५९) तट्टे य भावियण्णा वेसमणे वारुणे य आपंदे
विजए य वीससेणे पायावच्चे चेव उवसमे ॥१७॥-२
- (६०) गंधव्व अग्गिवेसे सयरिसहे आयवं च अममे य
अणवं य भोमे रिसहे सव्वट्टे रक्खसे चेव ॥१८॥-३

● **दसमे पाहडे तेरसमं पाहडपाहडं सपत्तं ●**

—: च उ ह स मं पा हु ड पा हु डं :—

(६१) ता कंहं ते दिवसा आहिताति वदेज्जा ता एगमेगस्स णं पक्खस्स पन्नरस दिवसा पन्नता तं जहा-पडियादिवसे वितियादिवसे जाव पन्नरसीदिवसे ता एतेसि णं पन्नरसण्हं दिवसाणं पन्नरस नामधेज्जा पन्नता [तं जहा]-।४८-१।-४८-१

- (६२) पुव्वंगे सिद्धमणोरमे य तत्तो मणोहरे चैव
जसभदे य जसोधरे सब्बकामसभिल्ले ॥१९॥-१
- (६३) इंदमुद्धाभिसित्ते य सोमणस धणंजए च बोद्धव्वे
अत्यसिद्धे अभिजाते अच्चसणे य सर्वंजए ॥२०॥-२
- (६४) अग्गिवेसे उच्चसमे दिवसाणं नामधेज्जाइं ता कहं ते रातीओ आहिताति वदेज्जा ता
एगमेगस्स णं पक्खस्स पन्नरस रातीओ पन्नत्ताओ तं जहा-पडिवाराती यित्तिवाराती जाव
पन्नरसीराती ता एतासि णं पन्नरसण्हं रातीणं पन्नरस नामधेजा पन्नत्ता [तं जहा]- ४८-३-४८-२
- (६५) उत्तमा य सुनक्खत्ता एलावच्चा जसोधरा
सोमणसा चैव तथा सिरिसंभूया य बोद्धव्वा ॥२१॥-१
- (६६) विजया य वेजयंति जयंति अपराजिया य इच्छा य
समाहारा चैव तथा तेया च तथा य अतितेया ॥२२॥-२
- (६७) देवाणंदा राती रयणीणं नामधेज्जाइं ४८-४८

● दसमे पाहडे चउइसमं पाहडपाहडं समत्तं ●

—: पन्नरसमं पाहुडपाहुडं —:

(६८) ता कहं ते तिही आहितेति वदेज्जा तत्थ खलु इमा दुविहा तिही पन्नत्ता तं जहा-
दिवसतिही य रातीतिही य ता कहं ते दिवसतिही ता एगमेगस्स णं पक्खस्स पन्नरस-पन्नरस
दिवसतिही तं जहा-नंदे भदे जए तुच्छे पुण्णे पक्खस्स पंचमी पुणरविणंदे भदे जए तुच्छे पुत्रे पक्खस्स
दसमी पुणरवि-णंदे भदे जए तुच्छे पुत्रे पक्खस्स पन्नरसी एवं एते तिगुणा तिहीओ सब्बेसिं दिवसाणं
ता कहं ते रातीतिही ता एगमेगस्स णं पक्खस्स पन्नरस-पन्नरस रातीतिही तं जहा-उग्गवई भोगवई
जसवई सब्बसिद्धा सुहनामा पुणरवि-उग्गवई भोगवई जाव सुहणाणा पुणरवि-उग्गवई भोगवई
जाव सुहनामा एवं एते तिगुणा तिहीओ सब्बेसिं रातीणं ४९-१-४९

● दसमे पाहडे पन्नरसमं पाहडपाहडं समत्तं ●

—: सोलसमं पाहुडपाहुडं —:

(६९) ता कहं ते गोत्ता आहिताति वदेज्जा ता एतेसि णं अट्ठावीसाए नक्खत्ताणं अभीई
नक्खत्ते किंगोत्ते पन्नत्ते ता मोगलायणसगोत्ते पन्नत्ते ता सब्बे नक्खत्ते संखायणसगोत्ते पन्नत्ते ता
धणिट्ठा नक्खत्ते अणभावसगोत्ते पन्नत्ते ता सत्ताभिसया नक्खत्ते कण्णिलायणसगोत्ते पन्नत्ते ता पुव्वा-
पोट्टववा नक्खत्ते जाउकण्णियसगोत्ते पन्नत्ते ता उत्तरापोट्टववा नक्खत्ते धणंजयसगोत्ते पन्नत्ते ता
रेवती नक्खत्ते पुस्सायणसगोत्ते पन्नत्ते ता अस्सिणी नक्खत्ते अस्सायणसगोत्ते पन्नत्ते ता भरणी
नक्खत्ते भागवेससगोत्ते पन्नत्ते ता कत्तिया नक्खत्ते अग्गिवेससगोत्ते पन्नत्ते ता रोहिणी नक्खत्ते गोच-
मस-गोत्ते पन्नत्ते ता संठाणा नक्खत्ते भारद्वायसगोत्ते पन्नत्ते ता अट्ठा नक्खत्ते लोहिच्चायणसगोत्ते
पन्नत्ते ता पुणव्वसू नक्खत्ते यासिद्धसगोत्ते पन्नत्ते ता पुस्से नक्खत्ते ओमज्जायणसगोत्ते पन्नत्ते ता
अस्सेसा नक्खत्ते मंडव्वयणसगोत्ते पन्नत्ते ता महा नक्खत्ते पिंगायणसगोत्ते पन्नत्ते ता पुव्वाफग्गुणी
नक्खत्ते गोवज्जायणसगोत्ते पन्नत्ते ता उत्तराफग्गुणी नक्खत्ते कासवसगोत्ते पन्नत्ते ता हत्थे नक्खत्ते
कोसियसगोत्ते पन्नत्ते ता विता नक्खत्ते दम्भियायणसगोत्ते पन्नत्ते ता साती नक्खत्ते चामरच्छायण-
सगोत्ते पन्नत्ते ता बिसाहा नक्खत्ते सुंगायणसगोत्ते पन्नत्ते ता अणुराहा नक्खत्ते गोलव्वायणसगोत्ते
पन्नत्ते ता जेड्ढा नक्खत्ते तिगिच्छायणसगोत्ते पन्नत्ते ता मूले नक्खत्ते कच्चायणसगोत्ते पन्नत्ते ता पुव्वा-

साढा नक्खते वज्जियायणसगोते पन्नते ता उत्तरासाढा नक्खते वग्घावच्चसगोते पन्नते।५०।-५०

● दसमे पाहूडे सोलसमं पाहूडपाहूडं समत्तं ●

—: स च र स मं पा हु ड पा हु डं :-

(७०) ता कहं ते भोयणा आहिताहि वदेज्जा ता एतेसि णं अद्वावीसाए नक्खत्ताणं कत्तियाहिं दधिणा भोच्चा कज्जं साधेति रोहिणीहिं वसममंसं भोच्चा कज्जं साधेति संठाणाहिं मिग्गमंसं भोच्चा कज्जं साधेति अद्दाहिं नवणीतेण भोच्चा कज्जं साधेति पुणव्वसुणा धतेण भोच्चा कज्जं साधेति पुस्सेण खीरेण भोच्चा कज्जं साधेति अस्सेसाहिं दीवगमंसं भोच्चा कज्जं साधेति महाहिं कसारीं भोच्चा कज्जं साधेति पुव्व्याहिं फग्गुणीहिं मेट्ठकमंसं भोच्चा कज्जं साधेति उत्तराहिं फग्गुणीहिं नखीमंसं भोच्चा कज्जं साधेति हत्थेणं वच्छाणीएण भोच्चा कज्जं साधेति चित्ताहिं मुग्गसूवेणं भोच्चा कज्जं साधेति सादिणा फलाइं भोच्चा कज्जं साधेति विसाहाहिं असिति याओ अगत्थियाओ भोच्चा कज्जं साधेति अनुराहाहिं मिसाकूरं भोच्चा कज्जं साधेति जेद्दाहिं कोलद्धिएणं भोच्चा कज्जं साधेति मूलेणं मूलापत्रेणं भोच्चा कज्जं साधेति पुव्व्याहिं आसाढाहिं आमलगसारिएणं भोच्चा कज्जं साधेति उत्तराहिं आसाढाहिं विद्धेहिं भोच्चा कज्जं साधेति अभीड्ढा पुण्हेहिं भोच्चा कज्जं साधेति सवणेणं खीरेणं भोच्चा कज्जं साधेति धग्गिद्दाहिं जूसेणं भोच्चा कज्जं साधेति सत्तभिसयाए तुवरीओ भोच्चा कज्जं साधेति पुव्व्याहिं पोद्धवयाहिं कारिल्लएहिं भोच्चा कज्जं साधेति उत्तराहिं पोद्धवयाहिं वराहमंसं भोच्चा कज्जं साधेति रेवतीहिं जलयरमंसं भोच्चा कज्जं साधेति अस्सिणीहिं तित्तिरमंसं भोच्चा कज्जं साधेति अहवा वड्ढमंसं भरणीहिं तिलतंदुलगं भोच्चा कज्जं साधेति।५१।-५१

● दसमे पाहूडे सत्तरामं पाहूडपाहूडं समत्तं ●

—: अ द्वा र स मं पा हु ड पा हु डं :-

(७१) ता कहं ते चारा आहिताति वदेज्जा तत्थ खलु इमे दुविहा चारा पन्नता तं जहा-आदिच्चारा य चंदचारा य ता कहं ते चंदचारा आहिताति वदेज्जा ता पंच संवच्छरिए णं जुगे अभीई नक्खते सत्तसद्धिचारे चंदेणं सद्धिं जोयं जोएति सवणे णं नक्खते सत्तसद्धिचारे चंदेणं सद्धिं जोयं जोएति एवं जाव उत्तरासाढा नक्खते सत्तसद्धिचारे चंदेणं सद्धिं जोयं जोएति ता कहं ते आदिच्चारा आहिताति वदेज्जा ता पंच संवच्छरिए णं जुगे अभीई नक्खते पंचचारे सूरेण सद्धिं जोयं जोएति एवं जाव उत्तरासाढा नक्खते पंचचारे सूरेण सद्धिं जोयं जोएति।५२।-५२

● दसमे पाहूडे अद्दारसमं पाहूडपाहूडं समत्तं ●

—: ए गू ण वी स इ मं पा हु ड पा हु डं :-

(७२) ता कहं ते मासा आहिताति वदेज्जा ता एग्गेगस णं संपच्छरत्स बारस मासा तेसिं च दुविहा नामधेज्जा-लोइया लोउत्तरिया च तत्थ लोइया नामा इमे तं जहा-सावणे भद्दवते असोए कत्तिए मग्गसिरे पोसे म्हाहे फग्गुणे चित्ते वइसाहे जेद्दामूले आसाढे लोउत्तरिया नामा इमे।५३।-५३

(७३) अभिनदे सुपइडे य विजए पीतिवद्धण
सेज्जसे य सिवे याविये सिंसिरे य स हेमवं ॥२३॥-१

(७४) नवमे वसंतमासे दसमे कुसुमसंभवे
एकादसमे निदाहे वणचिरोही य बारसे ॥२४॥-२

● दसमे पाहूडे एग्गुणीसइमं पाहूडपाहूडं समत्तं ●

—: वी स इ मं पा हु ड पा हु डं :—

(७५) ता कति णं संवच्छरा आहिताति वदेज्जा ता पंच संवच्छरा आहिताति वदेज्जा तं जहा-
नकखत्तसंवच्छरे जुगसंवच्छरे पमाणसंवच्छरे लक्खणसंवच्छरे सणिच्छरसंवच्छरे ।५४।-54

(७६) ता नकखत्तसंवच्छरे णं दुवालसविहे पन्नत्ते तं जहा-सावणे भद्दवए जाव आसाढे जं वा
वहस्सतीमहग्गहे दुवालसहिं संवच्छरेहिं सव्वं नकखत्त- मंडलं समाणेति ।५५।-55

(७७) ता जुगसंवच्छरे णं पंचविहे पन्नत्ते तं जहा-चंदे चंदे अभिवड्ढिए चंदे अभिवड्ढिए
चेव ता पढमस्स णं चंदसंवच्छरस्स चउब्बीसं पव्वा पन्नत्ता दोघस्स णं चंदसंवच्छरस्स चउब्बीसं
पव्वा पन्नत्ता तद्यस्स णं अभिवड्ढियसंछरस्स छव्वीसं पव्वा पन्नत्ता चउत्थस्स णं चंदसंवच्छरस्स
चउब्बीसं पव्वा पन्नत्ता पंचमस्स णं अभिवड्ढिय संवच्छरस्स छव्वीसं पव्वा पन्नत्ता एवामेव
सपुव्वावरेणं पंचसंवच्छरिए जुगे एगे चउवीसे पव्वसत्ते भवतीति मक्खायं ।५६।-56

(७८) ता पमाणसंवच्छरे णं पंचविहे नकखत्ते चंदे उडू आइच्चे अभिवड्ढिते ।५७।-57

(७९) ता लक्खणसंवच्छरे णं पंचविहे पन्नत्ते तं जहा-नकखत्ते चंदे उडू आइच्चे अभिवड्ढिते
ता नकखत्तसंवच्छरे पंचविहे पन्नत्ते [तं जहा] ।५८-१।-58-1

(८०) समयं नकखत्ता जोयं जोएंति समयं उडू परिणमंति
नद्युण्हं नात्तिसीते बहूदओ होति नकखत्ते ।।२५।।-1

(८१) ससि समय पुत्तिमासि जोएंति विसमचारिणक्खत्ता
कडुओ बहूदओ य तमाहुं संवच्छरं चंदं ।।२६।।-2

(८२) विसमं पवाल्लिणो परिणमंति अनुज्जुसु दिति पुप्फफलं
वासं न सम्म वात्तति तमाहुं संवच्छरं कम्मं ।।२७।।-3

(८३) पुढविदगाणं च रसं पुप्फफलाणं च देइ आइच्चे
अप्पेणवि वासेणं सम्मं निप्फज्जए सस्सं ।।२८।।-4

(८४) आइच्चेतेयतविया खणलवदिवसा उडू परिणमंति
पूरेति निष्णथलए तमाहु अभिवड्ढिय जाण ।।२९।।-5

(८५) ता सणिच्छरसंवच्छरे णं अट्ठावीसइविहे पन्नत्ते तं जहा-अभिई सवणे जाव उत्तरासाढा
जं वा सणिच्छरे मङ्गग्गहे तीसाए संवच्छरेहिं सव्वं नकखत्तामंडलं समाणेइ ।५८।-58

● दसमे पाहुडे वीसइमं पाहुडपाहुडं सप्तं ●

—: ए क्क वी स इ मं पा हु ड पा हु डं :—

(८६) ता क्हं ते जोत्तिस्सत्त दारा आहिताति वदेज्जा तत्थ खलु इमाओ पंच पडिवत्तीओ
पन्नत्ताओ तत्थेगे एवमाहंसु-त्ता कत्तियादिया णं सत्त नकखत्ता पुव्वादारिया पन्नत्ते-एगे पुण
एवमाहंसु-त्ता महादिया णं सत्त नकखत्ता पुव्वदारिया पन्नत्ता-एगे पुण एवमाहंसु-त्ता धणिट्ठादिया णं
सत्त नकखत्ता पुव्वदाहिचा पन्नत्ता-एगे पुण एवमाहंसुत्ता अस्सिणीयादिया णं सत्त नकखत्ता
पुव्वदारिया पन्नत्ता-एगे पुण एवमाहंसुत्ता भरणीयादिया णं सत्त नकखत्ता पुव्वदारिया पन्नत्ता-तत्थ
जेते एवमाहंसुत्ता कत्तियादिया णं सत्त नकखत्ता पुव्वदारिया पन्नत्ता ते एवमाहंसु तं जहा-कत्तिया
रोहिणी संटाणा अद्दा पुणव्वसु पुसो अस्सेसा महादिया णं सत्त नकखत्ता दाहियदारिया पन्नत्ता तं
जहा-महा पुव्वाफणुणी उत्तराफणुमी हत्थो चित्ता साती विसाहा, अनुराधादिया णं सत्त नकखत्ता
पच्छिमदारिया पन्नत्ता तं जहा-अनुराधा जेड्ढा मूलो पुव्वाराढा उत्तरासाढा अभिई सवणो धणिट्ठा-

दिया णं सत्त नक्खत्ता उत्तरदारिया पत्रत्ता तं जहा-धणिद्धा सतभिसया पुव्वापोद्धवया उत्तरापोद्धवया रेवती अस्सिणी भरणी तत्थ जेते एवमाहंसु-ता महादिया णं सत्त नक्खत्ता पुव्वदारिया पत्रत्ता तं जहा-महा पुव्वाफग्गुणी उत्तराफग्गुणी हत्थो चित्ता साती विसाहा अनुराधादिया णं सत्त नक्खत्ता दाहिनदारिया पत्रत्ता तं जहा-अनुराधा जेद्धा मूलो पुव्वासाढा उत्तरासाढा अभिई सवणो धणिद्धादिया णं सत्त नक्खत्ता पच्छिमदारिया पत्रत्ता तं जहा-धणिद्धा सतभिसया पुव्वापोद्धवया उत्तरापोद्धवया रेवती अस्सिणी भरणी, कत्तियादिया णं सत्त नक्खत्ता उत्तरदारिया पत्रत्ता तं जहा-कत्तिया रोहिणी संठाणा अद्दा पुणव्वसू पुस्सो अस्सेसा तत्थ जेते एवमाहंसु-ता धणिद्धादिया णं सत्त नक्खत्ता पुव्वदारिया पत्रत्ता ते एवमाहंसु तं जहा-धणिद्धा सतभिसया पुव्वाभद्दवया उत्तराभद्दवया रेवती अस्सिणी भरणी, कत्तियादिया णं सत्त नक्खत्ता दाहिनदारिया पत्रत्ता तं जहा-कत्तिया रोहिणी संठाणा अद्दा पुणव्वसू पुस्सो अस्सेसा महादिया णं सत्त नक्खत्ता पच्छिमदारिया पत्रत्ता तं जहा-महा पुव्वाफग्गुणी उत्तराफग्गुणी हत्थो चित्ता साती विसाहा, अनुराधादिया णं सत्त नक्खत्ता उत्तर-दारिया पत्रत्ता तं जहा-अनुराधा जेद्धा मूलो पुव्वासाढा उत्तरासाढा अभीई सवणो तत्थ जेते एवमाहंसु-ता अस्सिणीयादिया णं सत्त नक्खत्ता पुव्वदारिया पत्रत्ता ते एवमाहंसु तं जहा-अस्सिणी भरणी कत्तिया रोहिणी संठाणा अद्दा पुणव्वसू पुस्सादिया णं सत्त नक्खत्ता दाहिनदारिया पत्रत्ता तं जहा-पुस्सो अस्सेसा महा पुव्वाफग्गुणी उत्तराफग्गुणी हत्थो चित्ता सातियादिया णं सत्त नक्खत्ता पच्छिमदारिया पत्रत्ता तं जहा-साती विसाहा अनुराधा जेद्धा मूलो पुव्वासाढा उत्तरासाढा अभीइयादिया णं सत्त नक्खत्ता उत्तरदारिया पत्रत्ता तं जहा-अभीई सवणो धणिद्धा सतभिसया पुव्वाभद्दवया उत्तराभद्दवया रेवती तत्थ जेते एवमाहंसु-ता भरणीयादिया णं सत्त नक्खत्ता पुव्वा-दारिया पत्रत्ता ते एवमाहंसु तं जहा-भरणी कत्तिया रोहिणी संठाणा अद्दा पुणव्वसू पुस्सो अस्से-सादिया णं सत्त नक्खत्ता दाहिनदारिया पत्रत्ता तं जहा-अस्सेसा महा पुव्वाफग्गुणी उत्तराफग्गुणी हत्थो चित्ता साती, विसाहादिया णं सत्त नक्खत्ता पच्छिमदारिया पत्रत्ता तं जहा-विसाहा अनुराहा जेद्धा मूलो पुव्वासाढा उत्तरासाढा अभीई सवणादिया णं सत्त नक्खत्ता उत्तरदारिया पत्रत्ता तं जहा-सवणो धणिद्धा सतभिसया पुव्वापोद्धवया उत्तरापोद्धवया रेवती अस्सिमी-एणे एवमाहंसु वयं पुण एवं वदामो-त्ता अभीइयादिया णं सत्त नक्खत्ता पुव्वादारिया पत्रत्ता तं जहा-अभीई सवणो धणिद्धा सतभिसया पुव्वापोद्धवया उत्तरापोद्धवया रेवती अस्सि-णीदिया णं सत्त नक्खत्ता दाहिनदारिया पत्रत्ता तं जहा-अस्सिणी भरणी कत्तिया रोहिणी संठाणा अद्दा पुणव्वसू पुस्सादिया णं सत्त नक्खत्ता पच्छिमदारिया पत्रत्ता तं जहा-पुस्सो अस्सेसा महा पुव्वाफग्गुणी उत्तराफग्गुणी हत्थो चित्ता सातियादिया णं सत्त नक्खत्ता उत्तरदारिया पत्रत्ता तं जहा-साती विसाहा अनुराहा जेद्धा मूलो पुव्वासाढा उत्तरासाढा ॥५१-५७

● इसमे पाहुंडे एककवीलडं पाहुंडपाहुंड सपत्तं ●

—: वा वी स इ षं पा हु ड पा हु डं :—

(८७) ता क्हं ते नक्खत्तविजए आहितेति वदेज्जा ता अयण्णं जंबुदीवे दीवे सब्बदीवस-मुद्धानं सब्बब्भंतराए जाव परिक्खेवेणं ता जंबुदीवे णं दीवे दो चंदा पभासेंसु वा पभासेंति वा पभासिस्संति वा दो सूरिया तविंसु वा तवेति वा तविस्संति वा छप्पत्रं नक्खत्ता जोयं जोएंसु वा जोएंति वा जोइस्संति वा तं जहा-दो अभीई दो सवणा दो धणिद्धा दो सतभिसया दो पुव्वापोद्धवया दो

उत्तरापोद्भवया दो रेवती दो अस्सिणी दो भरणी दो कतिया दो रोहिणी दो संठाणा दो अद्दा दो पुनव्वसू दो पुस्सा दो अस्सेसाओ दो महा दो पुव्वाफग्गुणी दो उत्तराफग्गुणी दो हत्या दो चित्ता दो साती दो विसाहा दो अनुराधा दो जेद्दा दो मूला दो पुव्वासाढा दो उत्तरासाढा ता एतेसि णं छप्पण्णाए नक्खत्ताणं-अत्थि नक्खत्ता जे णं नव मुहुत्ते सत्तावीसं च सत्तद्धिभागे मुहुत्तस्स चंदेण सद्धिं जोयं जोएंति अत्थि नक्खत्ता जे णं पन्नरस मुहुत्ते चंदेणं सद्धिं जोयं जोएंति अत्थि नक्खत्ता जे णं तीसं मुहुत्ते चंदेणं सद्धिं जोयं जोएंति अत्थि नक्खत्ता जे णं पणयालीसं मुहुत्ते चंदेणं सद्धिं जोयं जोएंति ता एतेसि णं छप्पण्णाए नक्खत्ताणं कयरे नक्खत्ताओ जे णं नव मुहुत्ते सत्तावीसं च सत्तद्धिभागे मुहुत्तस्स चंदेण सद्धिं जोयं जोएंति कयरे नक्खत्ता जे णं पन्नरस मुहुत्ते चंदेणं सद्धिं जोयं जोएंति कयरे नक्खत्ता जे णं तीसं मुहुत्ते चंदेणं सद्धिं जोयं जोएंति कयरे नक्खत्ता जे णं पणयालीसं मुहुत्ते चंदेणं सद्धिं जोयं जोएंति ता एतेसि णं छप्पण्णाए नक्खत्ताणं तत्थ जेते नक्खत्ता जे णं नव मुहुत्ते सत्तावीसं च सत्तद्धिभागे मुहुत्तस्स चंदेणं सद्धिं जोयं जोएंति ते णं दो अभीई तत्थ जेते नक्खत्ता जे णं पन्नरस मुहुत्ते चंदेणं सद्धिं जोयं जोएंति ते णं बारस तं जहा-दो सतभिसया दो भरणी दो अद्दा दो अस्सेसा दो साती दो जेद्दा तत्थ जेते नक्खत्ता जे णं तीसं मुहुत्ते चंदेणं सद्धिं जोयं जोएंति ते णं तीसं तं जहा- दो सवणा दो धणिद्धा दो पुव्वाभद्भवया दो रेवती दो अस्सिणी दो कतिया दो संठाणा दो पुस्सा दो महा दो पुव्वाफग्गुणी दो हत्या दो चित्ता दो अनुराधा दो मूला दो पुव्वासाढा तत्थ जेते नक्खत्ता जे णं पणयालीसं मुहुत्ते चंदेणं सद्धिं जोयं जोएंति ते णं बारस तं जहा-दो उत्तरापोद्भवया दो रोहिणी दो पुनव्वसू दो उत्तराफग्गुणी दो विसाहा दो उत्तरासाढा ता एतेसि णं छप्पण्णाए नक्खत्ताणं-अत्थि नक्खत्ता जे णं चत्तारि अहोरत्ते छच्च मुहुत्ते सूरिणं सद्धिं जोयं जोएंति अत्थि नक्खत्ता जे णं छ अहोरत्ते एककवीसं च मुहुत्ते सूरिणं सद्धिं जोयं जोएंति अत्थि नक्खत्ता जे णं तेरस अहोरत्ते वारस मुहुत्ते सूरिणं सद्धिं जोयं जोएंति अत्थि नक्खत्ता जे णं वीसं अहोरत्ते तिण्णि य मुहुत्ते सूरिणं सद्धिं जोयं जोएंति ता एतेसि णं छप्पण्णाए नक्खत्ताणं कयरे नक्खत्ता जे णं तं चैव उच्चारयत्वं ता एतेसि णं छप्पण्णाए नक्खत्ताणं तत्थ जेते नक्खत्ता जे णं चत्तारि अहोरत्ते छच्च मुहुत्ते सूरिणं सद्धिं जोयं जोएंति ते णं दो अभीई तत्थ जेते नक्खत्ता जे णं छ अहोरत्ते एककवीसं च मुहुत्ते सूरिणं सद्धिं जोयं जोएंति ते णं बारस तं जहा-दो सतभिसया दो भरणी दो अद्दा दो अस्सेसा दो साती दो जेद्दा तत्थ जेते नक्खत्ता जे णं तेरस अहोरत्ते बारस मुहुत्ते सूरिणं सद्धिं जोयं जोएंति ते णं तीसं तं जहा-दो सवणा जाव दो पुव्वासाढा तत्थ जेते नक्खत्ता जे णं वीसं अहोरत्ते तिण्णि य मुहुत्ते सूरिणं सद्धिं जोयं जोएंति ते णं बारस तं जहा-दो उत्तरापोद्भवया जाव दो उत्तरासाढा। ६०।-६०

(८८) ता कहंते सीमाविक्खंभे आहितेति वदेज्जा ता एतेसि णं छप्पण्णाए नक्खत्ताणं-अत्थि नक्खत्ता जेसि णं छ सत्ता तीसा सत्तद्धिभागतीसतिभागणं सीमाविक्खंभो अत्थि नक्खत्ता जेसि णं सहस्सं पंचोत्तरं सत्तद्धिभागतीसतिभागणं सीमाविक्खंभो अत्थि नक्खत्ता जेसि णं तिण्णि सहस्सा पन्नरसुत्तरा सत्तद्धिभागतीसतिभागणं सीमाविक्खंभो ता एतेसि णं छप्पण्णाए नक्खत्ताणं कयरे नक्खत्ता जेसि णं छ सत्ता तीसा तं चैव उच्चारयत्वं कयरे नक्खत्ता जेसि णं तिण्णि सहस्सा पन्नरसुत्तरा सत्तद्धिभागतीसतिभागणं सीमाविक्खंभो ता एतेसि णं छप्पण्णाए नक्खत्ताणं तत्थ जेते नक्खत्ता जेसि णं छ सत्ता तीसा सत्तद्धिभागतीसतिभागणं सीमाविक्खंभो ते णं दो अभीई तत्थ जेते नक्खत्ता जेसि णं सहस्सं पंचोत्तरं सत्तद्धिभागतीसतिभागणं सीमाविक्खंभो ते णं बारस तं जहा-दो

सतभिसया जाय दो जेह्वा तत्य जेते नक्खत्ता जेसि णं दो सहस्सा दसुतरा सत्तद्धिभागतीसतिभागणं सीमाविकखंभो ते णं तीसं तं जहा-दो सवणा जाव दो पुव्वासादा तत्य जेते नक्खत्ता जेसि णं तिण्णि सहस्सा पन्नरसुतरा सत्तद्धिभागतीसतिभागणं सीमाविकखंभो ते णं बारस तं जहा-दो उत्तरापोद्ववया जाव दो उत्तरासादा ।६१।-६१

(८९) ता एतेसि णं छप्पण्णाए नक्खत्ताणं-किं सया पातो चंदेण सद्धिं जोयं जोएति किं सया सायं चंदेण सद्धिं जोयं जोएति किं सया दुहओ पविद्धिता-पविद्धिता चंदेण सद्धिं जोयं जोएति ता एतेसि णं छप्पण्णाए नक्खत्ताणं किमपि तं जं सया पातो चंदेणं सद्धिं जोयं जोएति नो सया सायं चंदेणं सद्धिं जोयं जोएति नो सया दुहओ पविद्धिता-पविद्धिता चंदेणं सद्धिं जोयं जोएति नन्नत्थ दोहिं अभीईहिं ता एतेणं दो अभीई पायंचिय-पायंचिय चोतालीसं-चोतालीसं अमावासं जोएति नो चेव णं पुत्रिमासिणि ।६२।-६२

(९०) तत्य खलु इमाओ बावद्धिं पुत्रिमासिणीओ बावद्धिं अमावासाओ पन्नत्ताओ ता एतेसि णं पंचण्हं संवच्छरणं पढमं पुण्णिमासिणि चंदे कंसि देसंसि जोएति ता जंसि णं देसंसि चंदे चरिमं बावद्धिं पुत्रिमासिणि जोएति ताओ पुत्रिमासिणिट्ठाणाओ मंडलं चउव्वीसेणं सएणं छेत्ता दुबतीसं भागे उवाइणावेत्ता एत्थ णं से चंदे पढमं पुत्रिमासिणि जोएति ता एतेसि णं पंचण्हं संवच्छरणं दोच्चं पुत्रिमासिणि चंदे कंसि देसंसि जोएति ता जंसि णं देसंसि चंदे पढमं पुत्रिमासिणि जोएति ताओ पुत्रिमासिणिट्ठाणाओ मंडलं चउव्वीसेणं सएणं छेत्ता दुबतीसं भागे उवाइणावेत्ता एत्थ णं से चंदे दोच्चं पुत्रिमासिणि जोएति ता एतेसि णं पंचण्हं संवच्छरणं तच्चं पुत्रिमासिणि चंदे कंसि देसंसि जोएति ता जंसि णं देसंसि चंदे दोच्चं पुत्रिमासिणि जोएति ताओ पुत्रिमासिणिट्ठाणाओ मंडलं चउव्वीसेणं सएणं छेत्ता दोष्णि अट्ठासीए भागसए उवाइणावेत्ता एत्थ णं से चंदे दुवालसमं पुत्रिमासिणि जोएति एवं खलु एतेणुयाएणं ताओ-ताओ पुत्रिमासिणिट्ठाणाओ मंडलं चउव्वीसेणं सएणं छेत्ता दुबतीसं-दुबतीसं भागे उवाइणावेत्ता तंसि-तंसि देसंसि तं-तं पुत्रिमासिणि चंदे जोएति, ता एतेसि णं पंचण्हं संवच्छरणं चरिमं बावद्धिं पुत्रिमासिणि चंदे कंसि देसंसि जोएति ता जंबुद्दीवस्स णं दीवस्स पाईणपडीणायताए उदीणदा-हिणयताए जीवाए मंडलं चउव्वीसेणं सएणं छेत्ता दाहिणिइंसि चउव्वमगमंडलंसि सत्तावीसं भागे उवाइणावेत्ता अट्ठावीसइभागे वीसहा छेत्ता अट्ठारसभागे उवाइणावेत्ता तिहिं भागेहिं दोहिं य कलाहिं पच्चत्थिभिच्चं चउव्वामंडलं असंपत्ते एत्थ णं से चंदे चरिमं बावद्धिं पुत्रिमासिणि जोएति ।६३।-६३

(९१) ता एतेसि णं पंचण्हं संवच्छरणं पढमं पुण्णिमासिणि सूरं कंसि देसंसि जोएति ता जंसि णं देसंसि सूरं चरिमं बावद्धिं पुत्रिमासिणि जोएति ताओ पुत्रिमासिणिट्ठाणाओ मंडलं चउव्वीसेणं सएणं छेत्ता दो चउणवत्तिं भागे उवाइणावेत्ता एत्थ णं से सूरं पढमं पुण्णिमासिणीं जोएति ता एतेसि णं पंचण्हं संवच्छरणं दोच्चं पुण्णिमासिणीं पुच्छा ता जंसि देसंसि सूरं पढमं पुत्रिमासिणि जोएति ताओ पुत्रिमासिणिट्ठाणाओ मंडलं चउव्वीसेणं सएणं छेत्ता दो चउणवत्तिं भागे उवाइणा-वेत्ता एत्थ णं से सूरं दोच्चं पुत्रिमासिणि जोएति ता एतेसि णं पंचण्हं संवच्छरणं तच्चं पुत्रिमासिणि सूरं कंसि देसंसि जोएति ता जंसि णं देसंसि सूरं दोच्चं पुत्रिमासिणि जोएति ताओ पुत्रिमा-

सिणिद्धाणाओ मंडलं चउव्वीसेणं सएणं छेत्ता चउणउत्तिं भागे उवाइणावेत्ता एत्थ णं से सूरं तच्चं पुत्रिमासिणिं जोएति ता एतेसि णं पंचण्हं संवच्छराणं दुवालसमं पुत्रिमासिणिं सूरं कंसि देसंसि जोएति ता जंसि णं देसंसि सूरं तच्चं पुत्रिमासिणिं जोएति ताओ पुत्रिमासिणिद्धाणाओ मंडलं चउव्वीसेणं सएणं छेत्ता अट्टछत्ताले भागसए उवाइणावेत्ता एत्थ णं से सूरं दुवालसमं पुत्रिमासिणिं जोएति एवं खलु एतेणुवाएणं ताओ-ताओ पुत्रिमा-सिणिद्धाणाओ मंडलं चउव्वीसेणं सएणं छेत्ता चउणउत्तिं-चउणउत्तिं भागे उवाइणावेत्ता तंसि-तंसि देसंसि तं-तं पुत्रिमासिणिं सूरं जोएति ता एतेसि णं पंचण्हं संवच्छराणं चरिमं यावद्धि पुण्णिमासिणिं सूरं कंसि देसंसि जोएति ता जंबुद्वीवस्स णं दीवस्स पाईणपडीणायताए उदीणदाहिणायताए जीवाए मंडलं चउव्वीसेणं सएणं छेत्ता पुरत्थि-मिळंसि चउभागमंडलंसि सत्तावीसं भागे उवाइणावेत्ता अट्टावीसइभागे वीसहा छेत्ता अट्टारसभागे उवाइणावेत्ता तिहं भागेहिं दोहि य कलाहिं दाहिणिळं चउभागमंडलं असंपते एत्थ णं से सूरं चरिमं बावद्धि पुत्रिमासिणिं जोएति ।६४।-६४

(१२) ता एतेसि णं पंचण्हं संवच्छराणं पढमं अमावासं चंदे कंसि देसंसि जोएति ता जंसि णं देसंसि चंदे चरिमवावद्धिं अमावासं जोएति ताओ अमावासद्दाणाओ मंडलं चउव्वीसेणं सएणं छेत्ता दुवरीसं भागे उवाइणावेत्ता एत्थ णं से चंदे पढमं अमावासं जोएति एवं जेणेव अभिलावेणं चंदस्स पुत्रिमासिणीओ भणिताओ तेणेव अभिलावेणं अमावासओचि भणितव्वाओ तं जहा-बिइया तइया दुवालसमी एवं खलु एतेणुवाएणं ताओ-ताओ अमावासद्दाणाओ मंडलं चउव्वीसेणं सएणं छेत्ता दुवत्तीसं-दुवत्तीसं भागे उवाइणावेत्ता तंसि-तंसि देसंसि तं-तं अमावासं चंदे जोएति ता एतेसि णं पंचण्हं संवच्छराणं चरिमं यावद्धिं अमावासं चंदे कंसि देसंसि जोएति ता जंसि णं देसंसि चंदे चरिमं बावद्धि पुत्रिमासिणिं जोएति ताओ-ताओ पुत्रिमासिणिद्धाणाओ मंडलं चउव्वीसेणं सएणं छेत्ता सोलसभागे ओसक्कइत्ता एत्थ णं से चंदे चरिमं बावद्धिं अमावासं जोएति ।६५।-६५

(१३) ता एतेसि णं पंचण्हं संवच्छराणं पढमं अमावासं सूरं कंसि देसंसि जोएति ता जंसि णं देसंसि सूरं चरिमं बावद्धिं अमावासं जोएति ताओ अमावासद्दाणाओ मंडलं चउव्वीसेणं सएणं छेत्ता चउणउत्तिं भागे उवाइणावेत्ता एत्थ णं से सूरं पढमं अमावासं जोएति एवं जेणेव अभिलावेणं सूरस्स पुत्रिमासिणीओ भणियाओ तेणेव अभिलावेणं अमावासओचि भणितव्वाओ तं जहा-बिइया तइया दुवालसमी एवं खलु एतेणुवाएणं ताओ अमावासद्दाणाओ मंडलं चउव्वीसेणं सएणं छेत्ता चउणउत्तिं-चउणउत्तिं भागे उवाइणावेत्ता तंसि-तंसि देसंसि तं-तं अमावासं सूरं जोएति ता एतेसि णं पंचण्हं संवच्छराणं चरिमं यावद्धिं अमावासं पुच्छा ता जंसि णं देसंसि सूरं चरिमं बावद्धि पुत्रिमासिणिं जोएति ताओ पुत्रिमासिणिद्धाणाओ मंडलं चउव्वीसेणं सएणं छेत्ता सत्तालीसं भागे ओसक्कइत्ता एत्थ णं से सूरं चरिमं बावद्धिं अमावासं जोएति ।६६।-६६

(१४) ता एतेसि णं पंचण्हं संवच्छराणं पढमं पुत्रिमासिणिं चंदे केणं नक्खत्तेणं जोएति ता धणिद्धाहिं धणिद्धाहिं तिण्णिं मुहुत्ता एगूणवीसं च बावद्धिभागा मुहुत्तस्स बावद्धिभागं च सत्तद्धिधा छेत्ता पत्तद्धिं चुण्णिया भागा सेसा तं समयं च णं सूरं केणं नक्खत्तेणं जोएति ता पुव्वाफगुणीहिं पुव्वाफगुणीणं अट्टावीसं मुहुत्ता अट्टतीसं च बावद्धिभागा मुहुत्तस्स बावद्धिभागं च सत्तद्धिधा छेत्ता दुवत्तीसं चुण्णिया भागा सेसा ता एतेसि णं पंचण्हं संवच्छराणं दोच्चं पुत्रिमासिणिं चंदे केणं नक्खत्तेणं जोएति ता उत्तराहिं पोडुवयाहिं उत्तराणं पोडुवयाणं सत्तावीसं मुहुत्ता चौइस य बावद्धिभागे मुहुत्तस्स

बावड्डि- भागं च सत्तड्डिधा छेत्ता बावड्डि चुण्णिया भागा सेसा तं समयं च णं सूरै केणं नक्खत्तेणं जोएति ता चित्ताहिं चित्ताणं एक्को मुहुत्तो अड्ढावीसं च बावड्डिभागा मुहुत्तस्स बावड्डिभागं च सत्तड्डिधा छेत्ता तीसं चुण्णिया भागा सेसा ता एतेसि णं पंचण्हं संबच्छराणं दुवालसमं पुत्रिमासिणिं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं छवीसं मुहुत्ता छवीसं च बावड्डि- भागा मुहुत्तस्स बावड्डिभागं च सत्तड्डिधा छेत्ता चउप्यत्रं चुण्णियाभागा सेसा तं समयं च णं सूरै केणं नक्खत्तेणं जोएति ता पुणव्वसुणा पुणव्वसुस्स सोलस मुहुत्ता अट्ठ य बावड्डिभागा मुहुत्तस्स बावड्डिभागं च सत्तड्डिधा छेत्ता वीसं चुण्णिया भागा सेसा ता एतेसि णं पंचण्हं संबच्छराणं चरिमं बावड्डि पुनिमासिणिं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं चरमसमए तं समयं च णं सूरै केणं नक्खत्तेणं जोएति ता पुस्सेणं पुस्सस्स एगुणवीसं मुहुत्ता तेयालीसं च बावड्डिभागा मुहुत्तस्स बावड्डिभागं च सत्तड्डिधा छेत्ता तेतीसं चुण्णिया भागा सेसा । ६७-67

(१५) ता एतेसि णं पंचण्हं संबच्छराणं पढमं अमावासं चंदे केणं नक्खत्तेणं जोएति ता अस्सेसाहिं अस्सेसाणं एक्के मुहुत्ते चत्तालीसं च बावड्डिभागा मुहुत्तस्स बावड्डिभागं च सत्तड्डिधा छेत्ता बावड्डि चुण्णिया भागा सेसा तं समयं च णं सूरै केणं नक्खत्तेणं जोएति ता अस्सेसाहिं चैव अस्सेसाणं एक्को मुहुत्तो चत्तालीसं च बावड्डिभागा मुहुत्तस्स बावड्डिभागं च सत्तड्डिधा छेत्ता बावड्डि चुण्णिया भागा सेसा ता एतेसि णं पंचण्हं संबच्छराणं दोद्यं अमावासं चंदे केणं नक्खत्तेणं जोएति ता उत्तराहिं फग्गुणीहिं उत्तराणं फग्गुणीणं चत्तालीसं मुहुत्ता पणतीसं बावड्डिभागा मुहुत्तस्स बावड्डिभागं च सत्तड्डिधा छेत्ता पत्रड्डि चुण्णिया भागा सेसा तं समयं च णं सूरै केणं नक्खत्तेणं जोएति ता उत्तराहिं चैव फग्गुणीहिं उत्तराणं फग्गुणीणं जहेव चंदस्स ता एतेसि णं पंचण्हं संबच्छराणं तद्यं अमावासं चंदे केणं नक्खत्तेणं जोएति ता हत्थेणं चैव हत्थस्स जहा चंदस्स ता एतेसि णं पंचण्हं संबच्छराणं दुवालसमं अमावासं चंदे केणं नक्खत्तेणं जोएति ता अट्ठाहिं अट्ठाणं चत्तारि मुहुत्ता दस य बावड्डिभागा मुहुत्तस्स बावड्डिभागं च सत्तड्डिधा छेत्ता चउप्यत्रं चुण्णिया भागा सेसा तं समयं च णं सूरै केणं नक्खत्तेणं जोएति ता अट्ठाहिं चैव अट्ठाणं जहा चंदस्स ता एतेसि णं पंचण्हं संबच्छराणं चरिमं बावड्डि अमावासं चंदे केणं नक्खत्तेणं जोएति ता पुनव्वसुणा पुणव्वसुस्स बावीसं मुहुत्ता बायालीसं च वासड्डिभागा मुहुत्तस्स सेसा तं समयं च णं सूरै केणं नक्खत्तेणं जोएति ता पुनव्वसुणा चैव पुनव्वसुस्स णं जहा चंदस्स । ६८-68

(१६) ता जेणं अज्ज नक्खत्तेणं चंदे जोयं जोएति जंसि देसंसि से णं इमाइं अट्ठ एगुणवीसाइं मुहुत्तसयाइं चउव्वीसं च बावड्डिभागे मुहुत्तस्स बावड्डिभागं च सत्तड्डिधा छेत्ता बावड्डि चुण्णिया भागे उवाइणावेत्ता पुणरवि से चंदे अण्णेणं सरिसएणं चैव नक्खत्तेणं जोयं जोएति अण्णं देसंसि ता जेणं अज्ज नक्खत्तेणं चंदे जोयं जोएति जंसि देसंसि से णं इमाइं सोलस अट्ठतीसं मुहुत्तसयाइं अउणपत्रं च बावड्डिभागे मुहुत्तस्स बावड्डिभागं च सत्तड्डिधा छेत्ता पत्रड्डि चुण्णिया भागे उवाइणावेत्ता पुणरवि से चंदे तेणं चैव नक्खत्तेणं जोयं जोएति अण्णंसि देसंसि ता जेणं अज्ज नक्खत्तेणं चंदे जोयं जोएति जंसि देसंसि से णं इमाइं चउप्यत्रं मुहुत्तसहस्साइं नव य मुहुत्तसयाइं उवाइणावेत्ता पुणरवि से चंदे अण्णेणं तारिसएणं चैव नक्खत्तेणं जोयं जोएति तंसि देसंसि ता जेणं अज्ज नक्खत्तेणं चंदे जोयं जोएति जंसि देसंसि से णं इमं एणं मुहुत्तसयहस्सं अट्ठाणउत्तिं च मुहुत्तसयाइं उवाइणावेत्ता पुणरवि से चंदे तेणंचैव नक्खत्तेणं जोयं जोएति तंसि देसंसि ता जेणं अज्ज नक्खत्तेणं सूरै जोयं जोएति जंसि देसंसि से णं

इमाइं तिण्णि छावद्धाइं राइंदियसयाइं उवाइणावेत्ता पुणरवि से सूरु अण्णेणं तारिसएणं चैव नक्खत्तेणं जोयं जोएति तंसि देसंसि ता जेणं अज्ज नक्खत्तेणं सूरु जोयं जोएति तंसि देसंसि से णं इमाइं सत्तदुवतीसं राइंदियसयाइं उवाइणावेत्ता पुणरवि से सूरु तेणं चैव नक्खत्ते जोयं जोएति तंसि देसंसि ता जेणं नक्खत्तेणं सूरु जोयं जोएति तंसि देसंसि से णं इमाइं अट्टारस वोसाइं राइंदियसयाइं उवाइणावेत्ता पुणरवि से सूरु अण्णेणं तारिसएणं चैव नक्खत्तेणं जयं जोएति तंसि देसंसि ता जेणं अज्ज नक्खत्तेणं सूरु जोयं जोएति तंसि देसंसि से णं इमाइं छत्तीसं सट्ठाइं राइंदियसाइं उवाइणावेत्ता पुणरवि से सूरु तेणं चैव नक्खत्तेणं जोयं जोएति तंसि देसंसि । ६९१-७७

(१७) ता जया णं इमे चंदे गतिसमावण्णाए भवइ तथा णं इयेरेवि चंदे गतिसमावण्णाए भवइ जया णं इयेरे चंदे गतिसमावण्णाए भवइ तथा णं इमेवि चंदे गतिसमावण्णाए भवइ ता जया णं इमे सूरिए गतिसमावण्णे भवइ तथा णं इयेरेवि सूरिए गतिसमावण्णे भवइ जया णं इयेरे सूरिए गतिसमावण्णे भवइ तथा णं इमेवि सूरिए गतिसमावण्णे भवइ एवं गहेवि नक्खत्तेवि ता जया णं इमे चंदे जुत्ते जोगेणं भवइ तथा णं इयेरेवि चंदे जुत्ते जोगेणं भवइ जया णं इयेरे चंदे जुत्ते जोगेणं भवइ तथा णं इमेवि चंदे जुत्ते जोगेणं भवइ एवं सूरुवि गहेवि नक्खत्तेवि, सयावि णं चंदा जुत्ता जोगेहिं सयावि णं सूरु जुत्ता जोगेहिं सयावी णं गहा जुत्ता जोगेहिं सयावि णं नक्खत्ता जुत्ता जोगेहिं दुहत्तोवि णं चंदा जुत्ता जोगेहिं दुहत्तोवि णं सूरु जुत्ता जोगेहिं दुहत्तोवि णं गहा जुत्ता जोगेहिं दुहत्तोवि णं नक्खत्ता जुत्ता जोगेहिं मंडलं सवसहस्सेणं अट्ठाणउयाए सएहिं छेत्ता इच्छेस नक्खत्ते खेतपरिभागे नक्खत्तविजाए पाहुडे आहितेति वेमि । ७७१-७०

● दसमे पाहुडे बावीसद्वयं पाहुडं समत्तं ● दसमं पाहुडं समत्तं ●

एक्कारसमं पाहुडं

(१८) ता कहं ते संवच्छराणादी आहितेति वदेज्जा तस्य खलु इमे पंच संवच्छरा पत्रता तं जहा-चंदे चंदे अभिवड्ढिते चंदे अभिवड्ढिते ता एतेसि णं पंचमहं संवच्छराणं पढमस्स चंदसंवच्छरस्स से आदी आहितेति वदेज्जा ता जे णं पंचमस्स अभिवड्ढितसंवच्छरस्स पज्जवसाणे से णं पढमस्स चंदसंवच्छरस्स आदी अनंतरपुरक्खडे समए ता से णं किं पज्जवसिते आहितेति वदेज्जा ता जे णं दोच्चस्स चंदसंवच्छरस्स आदी से णं पढमस्स चंदसंवच्छरस्स पज्जवसाणे अनंतरपच्छकडे समए तं समयं च णं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं छदुवीसं मुहुत्ता छदुवीसं च बावट्ठिभागा मुहुत्तस्स बावट्ठिभागा च सत्तट्ठिधा छेत्ता चउप्पत्रं चुण्णिया भागा सेसा तं समयं च णं सूरु केणं नक्खत्तेणं जोएति ता पुणव्वसुणा पुणव्वसुस्स सोलस मुहुत्ता अट्ठ य बावट्ठिभागा मुहुत्तस्स बावट्ठिभागं च सत्तट्ठिहा छेत्ता वीसं चुण्णिया भागा सेसा ता एतेसि णं पंचमहं संवच्छराणं दोच्चस्स चंदसंवच्छरस्स के आदी आहितेति वदेज्जा ता जे णं पढमस्स चंदसंवच्छरस्स पज्जवसाणे से णं दोच्चस्स चंदसंवच्छरस्स आदी अनंतरपुरक्खडे समए ता से णं किं पज्जवसिते आहितेति वदेज्जा ता जे णं तच्चस्स अभिवड्ढितसंवच्छरस्स आदी से णं दोच्चस्स चंदसंवच्छरस्स पज्जवसाणे अनंतरपच्छकडे समए तं समयं च णं चंदे केणं नक्खत्तेणं जोएति ता पुव्वाहिं आसाढाहिं पुव्वाणं आसाढाणं सत्त मुहुत्ता तेवण्णं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता इगतलीसं चुण्णिया भागा सेसा तं समयं च णं सूरु केणं नक्खत्तेणं जोएति ता पुणव्वसुणा पुणव्वसुस्स णं बायालीसं मुहुत्ता पणतीसं च बावट्ठिभागा मुहुत्तस्स बावट्ठिभागं च

सत्तद्धिधा छेत्ता सत्त चुण्णिया भागा सेसा, ता एतेसि णं पंचण्हं संवच्छराणं तच्चस्स अभिवड्ढितसंवच्छरस्स के आदि आहितेति वदेज्जा ता जे णं दोद्यस्स चंदसंवच्छरस्स पञ्जवसाणे से णं तच्चस्स अभिवड्ढितसंवच्छरस्स आदी अनंतरपुरक्खडे समए ता से णं किं पञ्जवसिते आहितेति वदेज्जा ता जे णं चउत्थस्स चंदसंवच्छरस्स आदी से णं तच्चस्स अभिवड्ढितसंवच्छरस्स पञ्जवसाणे अनंतरपच्छकडे समए तं समयं णं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं तेरस्स मुहुत्ता तेरस्स य बावड्ढिभागा मुहुत्तस्स बावड्ढिभागं च सत्तद्धिधा छेत्ता सत्तावीसं चुण्णिया भागा सेसा तं समयं च णं सूरु केणं नक्खत्तेणं जोएति ता पुणव्वसुणा पुणव्वसुस्स दो मुहुत्ता छप्पन्नं च बावड्ढिभागा मुहुत्तस्स बावड्ढिभागं च सत्तद्धिधा छेत्ता सत्ती चुण्णिया भागा सेसा ता एतेसि णं पंचण्हं संवच्छराणं चउत्थस्स चंदसंवच्छरस्स के आदी आहितेति वदेज्जा ता जे णं तच्चस्स अभिवड्ढितसंवच्छरस्स पञ्जवसाणे से णं चउत्थस्स चंदसंवच्छरस्स आदी अनंतरपुरक्खडे समए ता से णं किं पञ्जवसिते आहितेति वदेज्जा ता जे णं चरिमस्स अभिवड्ढितसंवच्छरस्स आदी से णं चउत्थस्स चंदसंवच्छरस्स पञ्जवसाणे अनंतरपच्छकडे समए तं समयं च णं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं ऊत्तालीसं मुहुत्ता चत्तालीसं च बावड्ढिभागा मुहुत्तस्स बावड्ढिभागं च सत्तद्धिधा छेत्ता चउदस चुण्णिया भागा सेसा तं समयं च णं सूरु केणं नक्खत्तेणं जोएति ता पुणव्वसुणा पुणव्वसुस्स अउणतीसं मुहुत्ता एककवीसं बावड्ढिभागां मुहुत्तस्स बावड्ढिभागं च सत्तद्धिधा छेत्ता सीतालीसं चुण्णिया भागा सेसा ता एतेसि णं पंचण्हं संवच्छराणं पंचमस्स अभिवड्ढितसंवच्छरस्स के आदी आहितेति वदेज्जा ता जे णं चउत्थस्स चंदसंवच्छरस्स पञ्जवसाणे से णं पंचमस्स अभिवड्ढितसंवच्छरस्स आदी अनंतरपुरक्खडे समए ता से णं किं पञ्जवसिते आहितेति वदेज्जा ता जे णं पढमस्स चंदसंवच्छरस्स आदी से णं पंचमस्स अभिवड्ढितसंवच्छरस्स पञ्जवसाणे अनंतरपच्छकडे समए तं समयं च णं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं चरिमसमए तं समयं च णं सूरु केणं नक्खत्तेणं जोएति ता पुस्सेणं पुस्सस्स णं एककवीसं मुहुत्ता तेतालीसं च बावड्ढिभागा मुहुत्तस्स बावड्ढिभागं च सत्तद्धिधा छेत्ता तेत्तीसं चुण्णिया भागा सेसा ॥७१-७१

● एककारसमं पाहुंडं समत्तं ●

बारसमं पाहुंडं

(११) ता कति णं संवच्छरा आहितेति वदेज्जा तत्थ खलु इमे पंच संवच्छरा पन्नत्ता तं जहा-नक्खत्ते चंदे उडू आदिच्चे अभिवड्ढिते ता एतेसि णं पंचण्हं संवच्छराणं पढमस्स नक्खत्तसंवच्छरस्स नक्खत्तमासे तीसइमुहुरेणं अहोरत्तेणं मिज्जमाणे केवतिए राइंदियगेणं आहितेति वएज्जा ता सत्तावीसं राइंदियाई एककवीसं च सत्तद्धिभागा राइंदियस्स राइंदियगेणं आहितेति वदेज्जा ता से णं केवतिए मुहुत्तागणं आहितेति वदेज्जा ता अडुसए एगूणवीसे मुहुत्ताणं सत्तावीसं च सत्तद्धिभागे मुहुत्तस्स मुहुत्तागणेणं आहितेति वदेज्जा ता एस णं अद्धा दुवालसक्खुराकडा नक्खत्ते संवच्छरे, ता से णं केवतिए राइंदियगेणं० ता तिण्णि सत्तावीसे राइंदियसत्तं एककावणं च सत्तद्धिभागे राइंदियस्स राइंदियगेणं आहितेति वदेज्जा ता से णं केवतिए मुहुत्तागणेणं० ता नव मुहुत्तसहस्साई अडु य बत्तीसे मुहुत्तसए छप्पन्नं च सत्तद्धिभागे मुहुत्तस्स मुहुत्तागणेणं आहितेति वदेज्जा ता एतेसि णं पंचण्हं संवच्छराणं दोद्यस्स चंदसंवच्छरस्स चंदे मासे तीसतिमुहुरेणं अहोरत्तेणं गणिज्जमाणे केवतिए राइंदि-

यगेणं० ता एगूणतीसं राईदियाई बत्तीसं बावड्डिभागा राईदियस्स राईदियगेणं आहितेति वदेजा ता से णं केवतिए मुहुत्तागेणं० ता अट्टपंचासते मुहुत्ते तेत्तीसं च छावड्डिभागे मुहुत्तागेणं आहितेति वदेजा ता एस णं अट्टा दुवालसक्खुत्तकडा चंदे संवच्छरे ता से णं केवतिए राईदियगेणं० ता तिण्णि चउत्थरे राईदियसते दुवालस य बावड्डिभागा राईदियगेणं आहितेति वदेजा तासे णं केवतिए मुहुत्तागेणं० ता दस मुहुत्तसहस्साइं छद्द पणवीसे मुहुत्तसते पत्रासं च बावड्डिभागे मुहुत्तागेणं आहितेति वदेजा ता एतेसि णं पंचण्हं संवच्छराणं तच्चस्स उडुसंवच्छरस्स उडुमासे तीसतिमुहुत्तेणं अहोरोत्तेणं गणिज्जमाणे केवतिए राईदियगेणं० ता तीसं राईदियाणं राईदियगेणं आहितेति वदेजा ता से णं केवतिए मुहुत्तागेणं ता नव मुहुत्तसताइं मुहुत्तागेणं आहितेति वदेजा ता एस णं अट्टा दुवालसक्खुत्तकडा उडू संवच्छरे ता से णं केवतिए राईदियगेणं० ता तिण्णि सट्ठे राईदियसते राईदियगेणं आहितेति वदेजा ता से णं केवतिए मुहुत्तागेणं० ता दस मुहुत्तसहस्साइं अट्ट मुहुत्तसताइं मुहुत्तागेणं आहितेति वदेजा ता एतेसि णं पंचण्हं संवच्छराणं चउत्थस्स आदिच्चसंवच्छरस्स आदिच्चे मासे तीसतिमुहुत्तेणं अहोरोत्तेणं गणिज्जमाणे केवतिए राईदियगेणं० ता तीसं राईदियाइं अवड्डमार्गं च राईदियस्स राईदियगेणं आहितेति वदेजा ता सेणं केवतिए मुहुत्तागेणं ता नव पत्रास मुहुत्तसए मुहुत्तागेणं आहितेति वदेजा ता एस णं अट्टा दुवालसक्खुत्तकडा आदिच्चे संवच्छरे ता से णं केवतिए राईदियगेणं० ता तिण्णि छावड्डे राईदियसए राईदियगेणं आहितेति वदेजा ता से णं केवतिए मुहुत्तागेणं आहितेति वदेजा ता दस मुहुत्तस्स सहस्साइं नव असीते मुहुत्तसते मुहुत्तागेणं आहितेति वदेजा ता एतेसि णं पंचण्हं संवच्छराणं पंचमस्स अभिवड्डिढतसंवच्छरस्स अभिवड्डिढते मासे तीसतिमुहुत्तेणं गणिज्जमाणे केवतिए राईदियगेणं ता एककतीसं राईदियाइं एगूणतीसं च मुहुत्ता सत्तरस बावड्डिभागे मुहुत्तस्स राईदियगेणं आहितेति वदेजा ता से णं केवतिए मुहुत्तागेणं आहितेति वदेजा ता नव एगूणसट्ठे मुहुत्तसते सत्तरस बावड्डिभागे मुहुत्तस्स मुहुत्तागेणं आहितेति वदेजा ता एस णं अट्टा दुवालसक्खुत्तकडा अभिवड्डिढतसंवच्छरे ता से णं केवतिए राईदियगेणं ता तिण्णि तेसीते राईदियसते एककवीसं च मुहुत्ता अट्टारस बावड्डिभागे मुहुत्तस्स राईदियगेणं आहितेति वदेजा ता से णं केवतिए मुहुत्तागेणं आहितेति वदेजा ता एक्कारस मुहुत्तसहस्साइं पंच य एक्कारस मुहुत्तसते अट्टारस बावड्डिभागे मुहुत्तस्स मुहुत्तागेणं आहितेति वदेजा ।७२।-७२

(१००) ता केवतियं ते नोजुगे राईदियगेणं आहितेति वदेजा ता सत्तरस एककाणउते राईदियसते एगूणवीसं च मुहुत्ते सत्तावण्णे बावड्डिभागे मुहुत्तस्स बावड्डिभागं च सत्तड्डिधा छेत्ता पणपत्रं चुण्णिया भागा राईदियगेणं आहितेति वदेजा ता से णं केवतिए मुहुत्तागेणं आहितेति वदेजा ता तेपण्णमुहुत्तसहस्साइं सत्ताय अउणापत्रे मुहुत्तसते सत्तावण्णं बावड्डिभागे मुहुत्तस्स बावड्डिभागं च सत्तड्डिधा छेत्ता पणपत्रं चुण्णिया भागा मुहुत्तेणं आहितेति वदेजा ता केवतिए णं ते जुगप्पते राईदियगेणं आहितेति वदेजा ता अट्टतीसं राईदियाइं दस य मुहुत्ता चत्तारि य बावड्डिभागे मुहुत्तस्स बावड्डिभागं च सत्तड्डिधा छेत्ता दुवालस चुण्णिया भागा राईदियगेणं आहितेति वदेजा ता से णं केवतिए मुहुत्तागेणं आहितेति वदेजा ता एक्कारस पत्रासे मुहुत्तसते चत्तारि य बावड्डिभागे बावड्डिभागं च सत्तड्डिधा छेत्ता दुवालस चुण्णिया भागा मुहुत्तागेणं आहितेति वदेजा ता केवतियं जुगे राईदियगेणं आहितेति वदेजा ता अट्टारसतीसे राईदियसते राईदियगेणं आहितेति वदेजा ता से णं

केवति ए मुहुत्तगणेणं आहितेति वदेजा ता चउप्पत्रं मुहुत्तसहसाई नव य मुहुत्तसताई मुहुत्तगणेणं आहितेति वदेजा ता से णं केवति ए बावड्ढिभागमुहुत्तगणेणं आहितेति वदेजा ता चउत्तीसं सयसहसाई अट्टवतीसं च बावड्ढिभागमुहुत्तसते बावड्ढिभागमुहुत्तगणेणं आहितेति वदेजा १७३।-७३

(१०१) ता कया णं एते आदिच्चचंदा संवच्छरा समादीया समपज्जवसिया आहितेति वदेजा ता सट्ठिं एते आदिच्चमासा बावड्ढिं एते चंदमासा एस णं अद्दा छक्खुत्तकडा दुवासभइता तीसं एते आदिच्चसंवच्छरा एक्कतीसं एते चंदसंवच्छरा तथा णं एते आदिच्चचंदसंवच्छरा समादीया समपज्जवसिया आहिताति वदेजा ता कया णं एते आदिच्चउडुचंदनक्खत्ता संवच्छरा समादीया समपज्जवसिया आहिताति वदेजा ता सट्ठिं एते आदिच्चा मासा एणट्ठिं एते उडू मासा बावड्ढि एते चंदा मासा सत्तट्ठिं एते नक्खत्ता मासा एस णं अद्दा दुवालसक्खुत्तकडा दुवालसभइता सट्ठिं एते आदिच्च संवच्छरा एणट्ठिं एते उडू संवच्छरा बावड्ढि एते चंदा संवच्छरा सत्तट्ठिं एते नक्खत्ता संवच्छरा तथा णं एते आदिच्चउडुचंदनक्खत्ता संवच्छरा समादीया समपज्जवसिया आहिताति वदेजा ता कया णं एते अभिवड्ढितआदिच्चउडुचंदनक्खत्ता संवच्छरा समादीया समपज्जवसिया आहितातिवदेजा ता सत्ता- बण्णं मासा सत्त य अहोराता एक्कारस य मूहुरा तेवीसं बावड्ढिभागा मुहुत्तस एते अभिवड्ढिता मासा सट्ठिं एते आदिच्चा मासा एणट्ठिं एते उडू मासा बावड्ढि एते चंदमासा सत्तट्ठिं एते नक्खत्तमासा एस णं अद्दा छप्पन्नसत्तक्खुत्तकडा दुवालसभइता सत्त सत्ता चोताला एते णं अभिवड्ढिता संवच्छरा सत्त सत्ता असीता एते णं आदिच्चा संवच्छरा सत्त सत्ता तेणउता एते णं उडू संवच्छरा अट्ट सत्ता छलुत्तरा एते णं चंदा संवच्छरा अट्ट सत्ता एणसत्तरा एते णं नक्खत्ता संवच्छरा तथा णं एते अभिवड्ढिता आदिच्चउडुचंदनक्खत्ता संवच्छरा समादीया समपज्जवसिया आहिताति वदेजा ता नयडुयाए णं चंदे संवच्छरे तिण्णि चउप्पत्रे राईदियसते दुवालस य बावड्ढिभागे राईदियस आहितेति वदेजा ता अघातच्चेणं चंदे संवच्छरे तिण्णि चउप्पत्रे रायंदियसते पंच य मुहुत्ते च बावड्ढिभागे मुहुत्तस आहितेति वदेच्चा १७४।-७४

(१०२) तत्थ खलु इमे छ उडू पन्नत्ता तं जहा-पाउसे वरिसारते सरदे हेमंते वसंते गिन्हे ता सव्येवि णं एते चंदउडू दुवे-दुवे मासाति चउप्पण्णेणं-चउप्पण्णेणं आदाणेणं गण्णिज्जाणा सातिरेगाई एण्णसट्ठिं-एण्णसट्ठिं राईदियाई राईदियगणेणं आहितेति वदेजा तत्थ खलु इमे छ ओमरत्ता पन्नत्ता तं जहा-ततिएपव्ये सत्तमेपव्ये एक्कारसमेपव्ये पन्नरसमेपव्ये एण्णवीसतिमेपव्ये तेवीसतिमेपव्ये तत्थ खलु इमे छ अइरत्ता तं जहा-चउत्त्येपव्ये अट्टमेपव्ये धारसमेपव्ये सोलसमेपव्ये वीसतिमेपव्ये चउवीसतिमेपव्ये १७५।-७५

(१०३) छच्चेव य अइरत्ता आदिच्चाओ हवंति पाणाहिं

छच्चेव ओमरत्ता चंदाओ हवंति माणाहिं

॥३०॥१

(१०४) तत्थ खलु इमाओ पंच वासिकीओ पंच हेमंतीओ आउट्टीओ पन्नत्ताओ ता एतेसि णं पंचहं संवच्छराणं पढमं वासिकिं आउट्ठिं चंदे केणं नक्खत्तेणं जोएति ता अभीइणा अभीइस पढमसमए तं समवंच णं सूरे केणं नक्खत्तेणं जोएति ता पूसेणं पूसस एण्णवीसं मुहुत्ता तेत्तालीसं च बावड्ढिभागा मुहुत्तस बावड्ढिभागं च सत्तट्ठिधा छेत्ता तेत्तीसं चुण्णिया भागा सेसा ता एतेसि णं पंचहं संवच्छराणं दोहं वासिकिं आउट्ठिं चंदे केणं नक्खत्तेणं जोएति ता संठाणाहिं संठाणाणं एक्कारस मुहुत्ता ऊत्तालीसं च बावड्ढिभागा मुहुत्तस बावड्ढिभागं च सत्तट्ठिधा छेत्ता तेपत्रं चुण्णिया

भागा सेसा तं समयं च णं सूरै केणं नक्खत्तेणं जोएति ता पूसेणं पूसस्स णं तं चैव जं पढमाए ता एतेसि णं पंचण्हं संबच्छराणं तच्चं वासिकिं आउट्टिं चंदे केणं नक्खत्तेणं जोएति ता विसाहाहिं विसाहाणं तेरस मुहुत्ता चउप्पत्रं च वावड्ढिभागा मुहुत्तस्स वावड्ढिभागं च सत्तड्ढिधा छेत्ता चत्तालीसं चुण्णिया भागा सेसा तं समयं च णं सूरै केणं नक्खत्तेणं जोएति ता पूसेणं पूसस्स तं चैव ता एतेसि णं पंचण्हं संबच्छराणं चउत्थिं वासिकिं आउट्टिं चंदे केणं नक्खत्तेणं जोएति ता रेवतीहिं रेवतीणं पणवीसं मुहुत्ता दुयत्तीसं च वावड्ढिभागा सेसा मुहुत्तस्स वावड्ढिभागं च सत्तड्ढिभागा छेत्ता छव्वीसं चुण्णिया भागा सेसा तं समयं च णं सूरै केणं नक्खत्तेणं जोएति ता पूसेणं पूसस्स तं चैव ता एतेसि णं पंचण्हं संबच्छराणं पंचमं वासिकिं आउट्टिं चंदे केणं नक्खत्तेणं जोएति ता पुव्वाहिं फग्गुणीहिं पुव्वाणं फग्गुणीणं बारस मुहुत्ता सत्तालीसं च वावड्ढिभागा मुहुत्तस्स वावड्ढिभागं च सत्तड्ढिधा छेत्ता तेरस चुण्णिया भागा सेसा तं समयं च णं सूरै केणं नक्खत्तेणं जोएति ता पूसेणं पूसस्स तं चैव ॥७६॥-७४

(१०५) ता एतेसि णं पंचण्हं संबच्छराणं पढमं हेमंति आउट्टिं चंदे केणं नक्खत्तेणं जोएति ता हत्थेणं हत्थस्स णं पंच मुहुत्ता पत्रासं च वावड्ढिभागा मुहुत्तस्स वावड्ढिभागं सत्तड्ढिधा छेत्ता सट्ठिं चुण्णिया भागा सेसा तं समयं च णं सूरै केणं नक्खत्तेणं जोएति ता उत्तराहिं आसाढाहिं उत्तराणं आसाढाणं चरिमसमए ता एतेसि णं पंचण्हं संबच्छराणं दोच्चं हेमंति आउट्टिं चंदे केणं नक्खत्तेणं जोएति ता सत्तभिसयाहिं सत्तभिसयाणं दुण्णि मुहुत्ता अट्ठावीसं च वावड्ढिभागा मुहुत्तस्स वावड्ढिभागं च सत्तड्ढिधा छेत्ता छत्तालीसं चुण्णिया भागा सेसा तं समयं च णं सूरै केणं नक्खत्तेणं जोएति ता उत्तराहिं आसाढाहिं उत्तराणं आसाढाणं चरिमसमए ता एतेसि णं पंचण्हं संबच्छराणं तच्चं हेमंति आउट्टिं चंदे केणं नक्खत्तेणं जोएति ता पूसेणं पूसस्स एगुणवीसं मुहुत्ता तेतालीसं च वावड्ढिभागा मुहुत्तस्स वावड्ढिभागं च सत्तड्ढिधा छेत्ता तेत्तीसं चुण्णिया भागा सेसा तं समयं च णं सूरै केणं नक्खत्तेणं जोएति ता उत्तराहिं आसाढाहिं उत्तराणं आसाढाणं चरिमसमए ता एतेसि णं पंचण्हं संबच्छराणं चउत्थिं हेमंति आउट्टिं चंदे केणं नक्खत्तेणं जोएति ता मूलेणं गूलस्स छ मुहुत्ता अट्ठावण्णं च वावड्ढिभागा मुहुत्तस्स वावड्ढिभागं च सत्तड्ढिधा छेत्ता वीसं चुण्णिया भागा सेसा तं समयं च णं सूरै केणं नक्खत्तेणं जोएति ता उत्तराहिं आसाढाहिं उत्तराणं आसाढाणं चरिमसमए ता एतेसि णं पंचण्हं संबच्छराणं पंचमिं हेमंति जाव जोएति पुच्छा ता कत्तियाहिं कत्तियाणं अट्ठारस मुहुत्ता छत्तीसं च वावड्ढिभागा मुहुत्तस्स वावड्ढिभागं च सत्तड्ढिधा छेत्ता छ चुण्णिया भागा, सेसा तं समयं च णं सूरै जाव जोएति ता उत्तराहिं आसाढाहिं उत्तराणं आसाढाणं चरिमसमए ॥७७॥-७७

(१०६) तत्थ खलु इमे दसविधे जोए० वसभाणुजाते वेणुयाणुजाते षंघे षंघातिमंघे छते छत्तातिछत्ते जुयणद्धे घणसंमद्दे पीणिते मंडूकप्पुत्ते नाम दसमे ता एतेसि णं पंचण्हं संबच्छराणं छत्तातिछत्तं जोयं चंदे कंसि देसंसि जोएति ता जंबुद्दीवस्स दीवस्स पाईणपडीणायताए उदीणदा-हिष्णायताए जीवाए मंडलं घउव्वीसेणं सतेणं छेत्ता दाहिणपुरत्थिमिळंसि चउभागमंडलंसि सत्ता-वीसं भागे उवाइणावेत्ता अट्ठावीसतिभागं वीसधा छेत्ता अट्ठारसभागे उवाइणावेत्ता तिहिं भागेहिं दोहिं कलाहिं दाहिणपुरत्थिमिळं चउभागमंडलं असंपत्ते एत्थ णं से चंदे छत्तातिछत्तं जोयं जोएति तं जहा-उत्थिं चंदे मज्झे नक्खत्ते हेट्ठा आदिच्चे तं समयं च णं चंदे चित्ताहिं चित्ताणं चमिसमए ॥७८॥-७८

● वात्समं पाहुडं समत्तं ●

तेरसमं पाहुडं

(१०७) ता कहं ते चंदमासो यड्ढोवइद्दी० ता अट्ठ पंचासीते मुहुत्तराते तीसं च वावड्ढिभागे

मुहुत्तस्स ता दोसिणापक्खओ अंधकारपक्खमयमाणे चंदे चत्तारि बातालसते छतालीसं च बावड्ढिभागे मुहुत्तस्स जाइं चंदे रज्जति तं जहा-पढमाए पढमं भागं बितियाए बितियं भागं जाव पन्नरसीए पन्नरसमं भागं चरिमसमए चंदे रत्ते भवति अवसेसे समए चंदे रत्ते य विरत्ते य भवति इयण्णं अमावासा एत्थ णं पढमे पव्वे अमावासा ता अंधकारपक्खो तो णं दोसिणापक्खं अयमाणे चंदे चत्तारे बाताले मुहुत्तस्स छतालीसं च बावड्ढिभागे मुहुत्तस्स जाइं चंदे विरज्जति पढमाए पढमं भागं बितियाए बितियं भागं जाव पन्नरसीए पन्नरसमं भागं चरिमे समए चंदे विरत्ते भवति अवसेस-मए चंदे रत्ते य विरत्ते य भवति इयण्णं पुत्रिमासिणी एत्थ णं दोद्ये पव्वे पुत्रिमासिणी ७१-७१

(१०८) तस्य खलु इमाओ बावड्ढिं पुत्रिमासिणीओ बावड्ढिं अमावासाओ पन्नताओ बावड्ढिं एते कसिणा रागा बावड्ढिं एते कसिणा विरागा एते चउव्वीसे पव्वसते एते चउव्वीसे कसिण-रागविरागसते जावतिया णं पंचहं संबच्छराणं समया एणेणं चउव्वीसेणं समयसतेणूणका एवतिथा परित्ता असंखेजा देसरागविरागसता भवंतीति मक्खाता, ता अमावासाओ णं पुत्रिमासिणीं चत्तारि बाताले मुहुत्तसते छतालीसं च बावड्ढिभागे मुहुत्तस्स आहितेति यदेजा ता पुत्रिमासिणीओ अमा-वासा चत्तारि बाताले मुहुत्तसते छतालीसं च बावड्ढिभागे मुहुत्तस्स आहितेति यदेजा ता अमा-वासाओ णं अमावासा अट्टपंचासीते मुहुत्तसते तीसं च बावड्ढिभागे मुहुत्तस्स आहितेति यदेजा ता पुत्रिमासिणीओ णं पुत्रिमासिणी अट्टपंचासीते मुहुत्तसते तीसं च बावड्ढिभागे मुहुत्तस्स आहितेति यदेजा एस णं एवतिए चंदे मासे एस णं एवतिए सगले जुगे १८०-८०

(१०९) ता चंदेणं अद्धमासेणं चंदे कति मंडलाइं चरति ता चोद्दस चउव्वीमण्डलाइं चरति एणं च चउव्वीससयभाणं मंडलस्स ता आदिच्चेणं अद्धमासेणं चंदे कति मंडलाइं चरति ता सोलस मंडलाइं चरति सोलसमंडलचारी तदा अवराइं खलु दुवे अट्टकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति कतराइं खलु ताइं दुवे अट्टकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति ता इमाइं खलु ते बे अट्टकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति तं जहा-निक्खममाणे चेव अमावासातेणं पविसमाणे चेव पुत्रिमासितेणं एताइं खलु दुवे अट्टकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति ता पढमायणगते चंदे दाहिणाते भागाते पविसमाणे सत्त अद्धमंड-लाइं जाइं चंदे दाहिणाते भागाते पविसमाणे चारं चरति ता पढमायणगते चंदे दाहिणाते भागाते पविसमाणे सत्त अद्धमंडलाइं जाइं चंदे दाहिणाते भागाते पविसमाणे चारं चरति कतराइं खलु ताइं सत्त अद्धमंडलाइं जाइं चंदे दाहिणाते भागाते पविसमाणे चारं चरति इमाइं खलु ताइं सत्त अद्धमंडलाइं जाइं चंदे दाहिणाते भागाते पविसमाणे चारं चरति तं जहा-वित्तिए अद्धमंडले चउत्थे अद्धमंडले छट्ठे अद्धमंडले अट्ठमे अद्धमंडले दसमे अद्धमंडले बारसमे अद्धमंडले चउदसमे अद्धमंडले एताइं खलु ताइं सत्त अद्धमंडलाइं जाइं चंदे दाहिणाते भागाते पविसमाणे चारं चरति ता पढमायणगते चंदे उत्तराते भागाते पविसमाणे छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उत्तराते भागाते पविसमाणे चारं चरति कतराइं खलु ताइं छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उत्तराते भागाते पविसमाणे चारं चरति इमाइं खलु ताइं छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उत्तराते भागाते पविसमाणे चारं चरति तं जहा- ततिए अद्धमंडले पंचमे अद्धमंडले सत्तमे अद्धमंडले नवमे अद्धमंडले एककारसमे

अद्धमंडले तेरसमे अद्धमंडले पत्ररसमस्स अद्धमंडलस्स तेरस सत्तड्ढिभागाई एताई खलु ताई छ अद्धमंडलाई तेरस य सत्तड्ढिभागाई अद्धमंडलस्स जाई चंदे उत्तराते भागाते पविसमाणे चारं चरति एतावता च पढमे चंदायणे समत्ते भवति ता नक्खते अद्धमासे नो चंदे अद्धमासे चंदे अद्धमासे नो नक्खते अद्धमासे ता नक्खत्ताओ अद्धमासाओ ते चंदे चंदेणं अद्धमासेणं किमधियं चरति ता एणं अद्धमंडलं चरति चत्तारि य सत्तड्ढिभागाई अद्धमंडलस्स सत्तड्ढिभागं एगतीसाए छेत्ता नव भागाई ता दोच्चायणगते चंदे पुरत्थिमाते भागाते निक्खममाणे सत्त चउप्पत्राई जाई चंदे परस्स चिण्णं पडिचरति सत्त तेरसकाई जाई चंदे अप्पणो चिण्णं पडिचरति ता दोच्चायणगते चंदे पच्चत्थिमाते भागाते निक्खममाणे छ चउप्पण्णाई जाई चंदे परस्स चिण्णं पडिचरति चि छ तेरसकाई जाई चंदे अप्पणो चिण्णं पडिचरति अवरकाई खलु दुवे तेरसकाई जाई चंदे केणइ असामण्णकाई सयमेव पविट्ठिता-पविट्ठिता चारं चरति कतराई खलु ताई दुवे तेरसकाई जाई चंदे केणइ असामण्णकाई सयमेव पविट्ठिता-पविट्ठिता चारं चरति इमाई खलु ताई दुवे तेरसकाई जाई चंदे केणइ असामण्णकाई सयमेव पविट्ठिता-पविट्ठिता चारं चरति तं जहा-सव्वय्मंतरे चेव मंडले सव्वबाहिरे चेव मंडले एताणि खलु ताणि दुवे तेरसकाई जाई चंदे केणइ असामण्णकाई सयमेव पविट्ठिता-पविट्ठिता चारं चरति एतावता च दोच्चे चंदायणे समत्ते भवति ता नक्खते मासे नो चंदे मासे चंदे मासे नो नक्खते मासे ता नक्खत्ताओ मासाओ चंदे चंदेणं मासेणं किमधियं चरति ता दो अद्धमंडलाई चरति अट्ट य सत्तड्ढिभागाई अद्धमंडलस्स सत्तड्ढिभागं च एककतीसथा छेत्ता अट्टारस भागाई ता तच्चायणगते चंदे पच्चत्थिमाते भागाते पविसमाणे बाहिराणंतरस्स पच्चत्थिमिलस्स अद्धमंडलस्स ईतालीसं सत्तड्ढिभागाई जाई चंदे अप्पणो परस्स य चिण्णं पडिचरति तेरस सत्तड्ढिभागाई जाई चंदे परस्स चिण्णं पडिचरति तेरस सत्तड्ढिभागाई जाई चंदे अप्पणो परस्स य चिण्णं पडिचरति एतावता च बाहिराणंतरे पच्चत्थिमिल्ले अद्धमंडले समत्ते भवति ता तच्चायणगते चंदे पुरत्थिमाते भागाते पविसमाणे वाहिरतच्चस्स पुरत्थिमिल्लस्स अद्धमंडलस्स ईतालीसं सत्तड्ढिभागाई जाई चंदे अप्पणो परस्स य चिण्णं पडिचरति तेरस सत्तड्ढिभागाई जाई चंदे परस्स चिण्णं पडिचरति तेरस सत्तड्ढिभागाई जाई चंदे अप्पणो परस्स य चिण्णं पडिचरति एतावता च बाहिरतच्चे पुरत्थिमिल्ले अद्धमंडले समत्ते भवति ता तच्चायणगते चंदे पच्चत्थिमाते भागाते पविसमाणे बाहिरचउत्थस्स पच्चत्थिमिल्लस्स अद्धमंडलस्स अट्ट सत्तड्ढिभागाई सत्तड्ढिभागं च एककतीसथा छेत्ता अट्टारस भागाई जाई चंदे अप्पणो परस्स य चिण्णं पडिचरति एतावता च बाहिरचउत्थे पच्चत्थिमिल्ले अद्धमंडले समत्ते भवति एवं खलु चंदेणं मासेणं चंदे तेरस चउप्पत्रगाई दुवे तेरसकाई जाई चंदे परस्स चिण्णं पडिचरति तेरस तेरसकाई जाई चंदे अप्पणो चिण्णं पडिचरति दुवे ईतालीसकाई दुवे तेरसकाई अट्ट सत्तड्ढिभागाई सत्तड्ढिभागं च एककतीसथा छेत्ता अट्टारसभागाई जाई चंदे अप्पणो परस्स य चिण्णं पडिचरति इच्चेसा चंदमसोऽभिगमण-निक्खमण-वुड्ढि-निवुड्ढि-अणवट्ठितसंठाणसंठिती विउ-व्यणगिड्ढिपत्ते रूवी चंदे देवे आहितेति वदेजा ।८१।-८१

● तेरसमं पाहुं समत्तं ●

चउद्दसमं पाहुं

(११०) ता कया ते दोसिणा बहू आहितेति वदेजा ता दोसिणापक्खे णं दोसिणा बहू आहितेति वदेजा ता कइं ते दोसिणापक्खे दोसिणा बहू आहितेति वदेजा ता अंधकारपक्खातो णं

दोसिणापक्खे० ता कंहं ते अंधकारपक्खातो दोसिणापक्खे दोसिणा बहू आहिताति वदेज्जा ता अंधकारपक्खाओ णं दोसिणापक्खं अयमाणे चंदे चत्तारि याताले मुहुत्तसए छत्तालीसं च बावद्धिभागे मुहुत्तस्स जाई चंदे विरञ्जति तं जहा-पढमाए पढमं भागं वित्तियाए वित्तियं भागं जाव पन्नरसीए पन्नरसमं भागं एवं खलु अंधकारपक्खताओ दोसिणापक्खे दोसिणा बहू आहिताति वदेज्जा, ता केवत्तिया णं दोसिणापक्खे दोसिणा बहू आहिताति वदेज्जा ता परित्ता असंखेज्जा भागा, ता कया ते अंधकारे बहू आहितेति वदेज्जा ता अंधकारपक्खे णं अंधकारे बहू आहितेति वदेज्जा ता कंहं ते अंधकारपक्खे अंधकारे बहू आहितेति वदेज्जा ता दोसिणापक्खातो णं अंधकारपक्खे अंधकारे बहू आहितेति वदेज्जा ता कंहं ते दोसिणापक्खातो अंधकारपक्खे अंधकारे बहू आहितेति वदेज्जा ता दोसिणापक्खातो णं अंधकारपक्खं अयमाणे चंदे चत्तारि याताले मुहुत्तसते छायालीसं च बावद्धिभागे मुहुत्तस्स जाई चंदे रञ्जति तं जहा-पढमाए पढमं भागं वित्तियाए वित्तियं भागं जाव पन्नरसीए पन्नरसमं भागं एवं खलु दोसिणापक्खातो अंधकारपक्खे० अंधकारे ता केवत्तिए णं अंधकारपक्खे अंधकारे बहू आहितेति वदेज्जा ता परित्ता असंखेज्जा भागा ।८२।-८२

● चउरसमं पाहुंडं समत्तं ●

पन्नरसमं पाहुंडं

(१११) ता कंहं ते सिग्घगती वय्यू आहितेति वदेज्जा ता एतेसि णं चंदिम-सूरिय-गह-नक्खत्त-तारारूवाणं चंदेहितो सूरु सिग्घगती सूरुहितो गहा सिग्घगती गहेहितो नक्खत्ता सिग्घगती नक्खत्तेहितो तारा सिग्घगती सव्वप्पगती चंदा सव्वसिग्घगती तारा, ता एगमेगेणं मुहुत्तेणं चंदे केवत्तियाई भागसताई गच्छति ता जं-जं मंडलं उवसंकमिप्ता चारं चरति तस्स-तस्स मंडलपरिक्खेवस्स सत्तरस अडसट्ठिं भागसते गच्छति मंडलं सतसहस्सेणं अट्टाणउतीए सतेहिं छेत्ता ता एगमेगेणं मुहुत्तेणं सूरिए जं-जं मंडलं उवसंकमिप्ता चारं चरति तस्स-तस्स मंडलपरिक्खेवस्स अट्टारस तीसे भागसते गच्छति मंडलं सतसहस्सेणं अट्टाणउतीए सतेहिं छेत्ता ता एगमेगेणं मुहुत्तेमं नक्खत्ते जं-जं मंडलं उवसंकमिप्ता चारं चरति तस्स-तस्स मंडलपरिक्खेवस्स अट्टारस पणतीसे भागसते गच्छति मंडलं सतसहस्सेणं अट्टाणउतीए सतेहिं छेत्ता ।८३।-८३

(११२) ता जया णं चंदं गतिसमावण्णं सूरु गतिसमावण्णे भवति से णं गतिमाताए केवत्तियं विसेसेति ता बावद्धिभागे विसेसेति ता जया णं चंदं गतिसमावण्णं नक्खत्ते गतिसमावण्णे भवति से णं गतिमाताए केवत्तियं विसेसेति ता जया णं सत्तद्धिभागे विसेसेति ता जया णं सूरु गतिसमावण्णं नक्खत्ते गतिसमावण्णे भवति से णं गतिमाताए केवत्तियं विसेसेति ता पंच भागे विसेसेति ता जया णं चंदं गतिसमावण्णं अभीई नक्खत्ते गतिसमावण्णे पुरत्थिमाते भागाते समासादेति समासादेत्ता नव मुहुत्ते सतीवासं च सत्तद्धिभागे मुहुत्तस्स चंदेणं सद्धिं जोयं जोएति जोएत्ता जोयं अनुपरियइत्ति अनुपरियाइत्ता विजहति विप्पजहति विगतजोई यावि भवति ता जया णं चंदं गतिसमावण्णं सवणे नक्खत्ते गतिसमावण्णे पुरत्थिमाते भागाते समासादेति समासादेत्ता तीसं मुहुत्ते चंदेणं सद्धिं जोयं जोएति जोएत्ता जोयं अनुपरियइत्ति अनुपरियाइत्ता विजहति विप्पजहति विगतजोई यावि भवति एवं एतेणं अभिलावेणं नेतव्वं-पन्नरसमुहुत्ताई तीसइमुहुत्ताई पणयालीसमुहुत्ताई मणितव्वाइ जाव उत्तरासादा ता जया णं चंदं गतिसमावण्णं गहे गतिसमावण्णे पुरत्थिमाते भागाते समासादेति समासादेत्ता चंदेणं सद्धिं अधाजोगं जुंजति जुंजित्ता अधाजोगं अनुपरियइत्ति जाव विगतजोई यावि

भवति ता जया षं सूरं गतिसमावर्णं अभीर्दं नक्खत्ते गतिसमावर्णणे पुरित्थिमाते भागाते समासादेति समासादेत्ता चत्तारि अहोरत्ते छच्च मुहुत्ते सूर्येणं सद्धिं जोयं जोएति जोएत्ता जोयं अनुपरियट्ठति जाव विगतजोई यावि भवति एवं छ अहोरत्ता एककवीसं मुहुत्ता य तेरस अहोरत्ता बारस मुहुत्ता य वीसं अहोरत्ता तिण्णि मुहुत्ता य सब्बे भाणितव्वा जाव-जया षं सूरं गतिसमावर्णं उत्तरासाद्धा नक्खत्ते गतिसमावर्णणे पुरित्थिमाते भागाते समासादेति समासादेत्ता वीसं अहोरत्ते तिण्णि य मुहुत्ते सूर्येणं सद्धिं जोयं जोएति जोएत्ता जोयं अनुपरियट्ठति जाव यावि भवति ता जया षं सूरं गतिसमावर्णं गहे गतिसमावर्णणे पुरित्थिमाते भागाते समासादेति समासादेत्ता सूर्येणं सद्धिं अधाजोयं जुज्जति जुज्जित्ता जोयं अनुपरियट्ठति जाव विगतजोई यावि भवति। ८४।-८४

(११३) ता नक्खत्तेणं मासेणं चंदे कति मंडलाइं चरति ता तेरस मंडलाइं चरति तेरस य सत्तद्धिभागे मंडलस्स ता नक्खत्तेणं मासेणं सूरं कति मंडलाइं चरति ता तेरस मंडलाइं चरति चोत्तालीसं च सत्तद्धिभागे मंडलस्स ता नक्खत्तेणं मासेणं नक्खत्ते कति मंडलाइं चरति ता तेरस मंडलाइं चरति अद्धसीतालीसं च सत्तद्धिभागे मंडलस्स ता चंदेणं मासेणं चंदे कति मंडलाइं चरति ता चोद्दस सवउमागाइं मंडलाइं चरति एणं च चउव्वीससतभागं मंडलस्स ता चंदेणं मासेणं सूरं कति मंडलाइं चरति ता पत्ररस चउभागूणाइं मंडलाइं चरति एणं च चउवीससतभागं मंडलस्स ता चंदेणं मासेणं नक्खत्ते कति मंडलाइं चरति ता पत्ररस चउभागूणाइं मंडलाइं चरति छच्च चउवीससतभागे मंडलस्स ता उडुणा मासेणं चंदे कति मंडलाइं चरति ता चोद्दस मंडलाइं चरति तीसं च एणद्धिभागं मंडलस्स ता उडुणा मासेणं सूरं कति मंडलाइं चरति ता पत्ररस मंडलाइं चरति ता उडुणा मासेणं नक्खत्ते कति मंडलाइं चरति ता पत्ररस मंडलाइं चरति पंच य बावीससतभागे मंडलस्स ता आदिच्चेणं मासेणं चंदे चोद्दस मंडलाइं चरति एककारस य पत्ररसभागे मंडलस्स ता आदिच्चेणं मासेणं सूरं पत्ररस चउभागाहिगाइं मंडलाइं चरति ता आदिच्चेणं मासेणं नक्खत्ते पत्ररस चउभागाहिगाइं मंडलाइं चरति पंचतीसं च वीससतभागे मंडलस्स चरति ता अभिवड्ढित्तेणं मासेणं चंदे पत्ररस मंडलाइं चरति तेसीति य छलसीयसतभागे मंडलस्स ता अभिवड्ढित्तेणं मासेणं सूरं कति मंडलाइं चरति ता सोलस मंडलाइं चरति तिहिं भागेहिं ऊणगाइं दोहिं अडयात्तेसिं सत्तेहिं मंडलं छेत्ता ता अभिवड्ढित्तेणं मासेणं नक्खत्ते कति मंडलाइं चरति ता सोलस मंडलाइं चरति सीतालीसएहिं भागेहिं आहियाइं चोद्दसहिं अद्धासीएहिं सत्तेहिं मंडलं छेत्ता। ८५।-८५

(११४) ता एगमेगेणं अहोरत्तेणं चंदे कति मंडलाइं चरति ता एणं अद्धमंडलं चरति एककतीसाए भागेहिं ऊणं नवहिं पत्ररसेहिं सत्तेहिं अद्धमंडलं छेत्ता ता एगमेगेणं अहोरत्तेणं सूरं कति मंडलाइं चरति ता एणं अद्धमंडलं चरति ता एगमेगेणं अहोरत्तेणं सूरं कति मंडलाइं चरति ता एणं अद्धमंडलं चरति ता एगमेगेणं अहोरत्तेणं नक्खत्ते कति मंडलाइं चरति ता एणं अद्धमंडलं चरति दोहिं भागेहिं अहियं सत्तेहिं दुवतीसेहिं सत्तेहिं अद्धमंडलं छेत्ता ता एगमेगं मंडलं चंदे कतिहिं अहोरत्तेहिं चरति ता दोहिं अहोरत्तेहिं चरति एककतीसाए भागेहिं अहिएहिं चउहिं बातालेहिं सत्तेहिं राइंदियं छेत्ता ता एगमेगं मंडलं सूरं दोहिं अहोरत्तेहिं चरति ता एगमेगं मंडलं नक्खत्ते दोहिं अहोरत्तेहिं चरति दोहिं भागेहिं ऊणेहिं तिहिं सत्तसड्ढेहिं सत्तेहिं राइंदियं छेत्ता ता जुगेणं चंदे अद्ध चुलसीते मंडलसत्ते चरति ता जुगेणं सूरं नव पत्ररसमंडलसत्ते चरति ता जुगेणं नक्खत्ते कति मंडलाइं चरति ता अद्धारस पणतीसे दुभागमंडलसत्ते चरति इच्चोसा मुहुत्तगती रिक्खातिमास-राइंदिय-जुग-

मंडलपविष्यती सिग्घगती वल्यू आहितेति बेमि ।८६।-८६

● पत्रसमं पाहुंडं समतं ●

सोलसमं पाहुंडं

(११५) ता कहं ते दोसिणालकखणे आहितेति वदेजा ता चंदलेस्सा इ य दोसिणा इ य दोसिणा इ य चंदलेस्सा इ य के अट्टे किं लकखणे ता एगट्टे एगलकखणे ता सूरलेस्सा इ य आतवे इ य आतवे इ य सूरलेस्सा इ य के अट्टे किं लकखणे ता एगट्टे एगलकखणे ता अंधकारे इ य छाया इ य छाया य अंधकारे इ य के अट्टे किं लकखणे ता एगट्टे एगलकखणे ।८७।-८७

● सोलसमं पाहुंडं समतं ●

सत्तरसमं पाहुंडं

(११६) ता कहं ते चयणोववाता आहिताति वदेजा तत्य खलु इमाओ पणवीसं पडिवत्तीओ पत्रताओ तत्य एगे एवमाहंसु-ता अनुसमयमेव चंदिमसूरिया अन्ने चयंति अण्णे उववज्जंति-एगे पुण एवमाहंसु-ता अनुमुहुत्तमेव चंदिमसूरिया अण्णे चयंति अण्णे उववज्जंति एवं जहेव हेड्डा तहेव जाव ता एगे पुण एवमाहंसुता अणुओसप्पिणिउस्सप्पिणिमेव चंदिमसूरिया अण्णे चयंति उव-वज्जंति-चयं पुण एवं वदामो-ता चंदिमसूरिया णं देवा महिड्डिया महाजुतीया महाबला महाजसा महाणुभावा महासोकखा वरवत्थधरा वरमल्लधरा वरगंधधरा वराभरणधरा अब्बोच्छित्तिणचट्टयाए काले अण्णे चयंति अण्णे उववज्जंति आहिताति वदेजा ।८८।-८८

● सत्तरसमं पाहुंडं समतं ●

अट्टारसमं पाहुंडं

(११७) ता कहं ते उच्चते आहितेति वदेजा तत्य खलु इमाओ पणवीसं पडिवत्तीओ पत्रताओ तत्येगे एवमाहंसु-ता एगं जोयणसहस्सं सूर उड्डं उच्चतेणं दिवड्डं चंदे-एगे पुणं एवमाहंसु-ता दो जोयणसहस्साइं सूर उड्डं उच्चतेणं अड्डाइं ज्जाइं चंदे-एगे पुण एवमाहंसु-ता तिण्णि जोयणसहस्साइं सूर उड्डं उच्चतेणं अड्डाइं चंदे-एगे पुणं एवमाहंसु-ता चत्तारि जोयणसहस्साइं सूर उड्डं उच्चतेणं अट्टपंचमाइं चंदे-एगे पुण एवमाहंसु-ता पंच जोयणसहस्साइं सूर उड्डं उच्चतेणं अट्टछट्टाइं चंदे-एगे पुण एवमाहंसु-ता छ जोयणसहस्साइं सूर उड्डं उच्चतेणं अट्टसत्तमाइं चंदे-एगे पुण एवमाहंसु-ता सत्त जोयणसहस्साइं सूर उड्डं उच्चतेणं अट्टाइं चंदे-एगे पुणं एवमाहंसु-ता अट्ट जोयणसहस्साइं सूर उड्डं उच्चतेणं अट्टवणमाइं चंदे-एगे पुण एवमाहंसु-ता नव जोयणसहस्साइं सूर उड्डं उच्चतेणं अट्टएक्कारस चंदे-एगे पुण एवमाहंसु-ता एक्कारस जोयणसहस्साइं सूर उड्डं उच्चतेणं अट्ट-वारस चंदे चोदस सूर अट्टपत्रस चंदे पत्रस सूर अट्टसोलस चंदे सोलस सूर अट्टसत्तरस चंदे सत्तरस सूर अट्टट्टारस चंदे अट्टारस सूर अट्टएकोणवीसं चंदे एकोणवीसं सूर अट्टवीसं चंदे वीसं सूर अट्टएक्कवीसं चंदे एक्कवीसं सूर अट्टबावीसं चंदे बावीसं सूर अट्टतेवीसं चंदे तेवीसं सूर अट्टचउवीसं चंदे चउवीसं सूर अट्टपणवीसं चंदे एगे पुण एवमाहंसु-ता पणवीसं जोयणसहस्साइं सूर उड्डं उच्चतेणं अट्टछवीसं चंदे-चयं पुण एवं वदामो-ता इमीसे रवणप्पभाए पुडवीए बहुसमरपणिज्जाओ भूमिभागओ ।सत्तणउते जोयणसते अबाहाए हिड्डिंहे ताराकूवे चारं चरति अट्टजोयणसए अयाहाए सूरविमाणे चारं चरति अट्टअसीते जोयणसते अबाहाए चंदविमाणे चारं

चरति नवजोयणसए अबाहए उवरिल्ले ताराखे चारं चरति ता हेड्डित्तातो णं ताराखेओ दस जोयणे अबाहाए सूरविमाणे चारं चरति तता णं असीते जोयणे अबाहाए चंदविमाणे चारं चरति एवं जहेव जीवाभिगमे तहेव नेयव्वं-सव्वभंतिरिल्लं चारं संठाणं पमाणं बहति सिहगति इड्डि तारंतरं अग्गमहिंसी ठिति अप्पाबहुयं जाव तारातो संखेज्जगुणातो पा०] सत्तणउतिजोयणसते उड्डं उप्पइत्ता हेड्डिल्ले ताराविमाणे चारं चरति अड्डजोयणसते उड्डं उप्पइत्ता सूरविमाणे चारं चरति अड्डअसीए जोयणसए उड्डं उप्पइत्ता चंदविमाणे चारं चरति नव जोयणसयाइं उड्डं उप्पइत्ता उवरिल्ले ताराविमाणे चारं चरति हेड्डिल्लो ताराविमाणाओ दसजोयणाइं उड्डं उप्पइत्ता सूरविमाणे चारं चरति नउत्तिं जोयणाइं उड्डं उप्पइत्ता चंदविमाणे चारं चरति दसोत्तरं जोयणसयं उड्डं उप्पइत्ता उवरिल्ले ताराखे चारं चरति ता सूरविमाणाओ असीतिं जोयणाइं उड्डं उप्पइत्ता चंदविमाणे चारं चरति जोयणसयं उड्डं उप्पइत्ता उवरिल्ले ताराखे चारं चरति ता चंदविमाणाओ णं वीसं जोयणाइं उड्डं उप्पइत्ता उवरिल्ले ताराखे चारं चरति एयामेव सपुव्वावरेणं दसुत्तारजोयणसयं बाहल्ले तिरियमसंखेजे जोतिसविसए जोतिसं चारं चरति आहितेति वदेज्जा।८९१-७९

(११८) ता अत्थि णं चंदिमसूरियाणं देवाणं हिड्डुपि ताराखेवा अनुपि तुल्लावि समंपि ताराखेवा अनुपि तुल्लावि उप्पिपि ताराखेवा अणुपि तुल्लावि ता अत्थि ता कहं ते चंदिमसूरियाणं देवाणं हिड्डुपि ताराखेवा अणुपि तुल्लावि समंपि ताराखेवा अणुपि तुल्लावि उप्पिपि ताराखेवा अणुपि तुल्लावि ता जहा-जहा णं तेसि णं देवाणं तव-नियम-वंभवेराइं उस्सियाइं भवंति तहा-तहा णं तेसि देवाणं एवं भवति तं जा-अनुत्ते वा तुल्लते वा ता एवं खलु चंदिमसूरियाणं देवाणं हिड्डुपि ताराखेवा अणुपि तुल्लावि तहेव।९०१-७०

(११९) ता एगमेगस्स णं चंदस्स देवस्स केवतिया गहा परिवारो पन्नतो केवतिया नक्खत्ता परिवारो पन्नतो केवतिया तारा परिवारो पन्नतो ता एगमेगस्स णं चंदस्स देवस्स अट्ठासीतिं गहा परिवारो पन्नतो अट्ठावीसं नक्खत्ता परिवारो पन्नतो।९११-७१

(१२०) छावट्ठि सहस्साइं नव चेव सताइं पंचसत्तराइं

एगससी परिवारो तारागणकोडिकोडीण [परिवारो पन्नतो] ॥३५॥-१

(१२१) ता मंदरस्स णं पव्वयस्स केवतियं अबाहए जोतिसे चारं चरति ता एक्कारस एक्कवीसे जोयणसते अबाहाए जोतिसे चारं चरति ता लोयंताओ णं केवतियं अबाहाए जोतिसे पन्नते ता एक्कारस एक्कारे जोयणसते अबाहाए जोतिसे पन्नते।९२१-७२

(१२२) ता जंबुद्वीवे णं दीवे कतरे नक्खत्ते सव्वभंतिरिल्लं चारं चरति कतरे नक्खत्ते सव्वयाहिरिल्लं चारं चरति कतरे नक्खत्ते सव्वपरिल्लं चारं चरति कतरे नक्खत्ते सव्वहिड्डिल्लं चारं चरति ता अमीई नक्खत्तो सव्वभंतिरिल्लं चारं चरति मूले नक्खत्ते सव्ववाहिरिल्लं चारं चरइ सातो नक्खत्ते सव्वपरिल्लं चारं चरति भरणी नक्खत्ते सव्वहेड्डिल्लं चारं चरति।९३१-७३

(१२३) ता चंदविमाणे णं किसंठिते पन्नते ता अड्डकविट्ठगसंठाणसंठिते सव्वफलहामए अब्भुग्गयमूसियपहसिए विविहमणिरयणभत्तिचित्ते जाव पडिखे एवं सूरविमाणे ताराविमाणे ता चंदविमाणे णं केवतियं आयाम-विक्खंभेणं केवतियं परिक्खेवेणं केवतियं बाहल्लेणं पन्नते ता छप्पत्रं एगट्ठिभागे जोयणस्स आयाम-विक्खंभेणं तं तिगुणं सविसेसं परिरएणं अट्ठवीसं एगट्ठिभागे जोयणस्स बाहल्लेणं पन्नते ता सूरविमाणे णं केवतियं आयाम-विक्खंभेणं पुच्छा ता अडयालीसं

एगड्ढिभागे जोयणस्स आयाम-विकखंभेणं तं तिगुणं सविसेसं परिरएणं घउब्बीसं एगड्ढिभागे जोयणस्स बाहल्लेणं पत्रत्ते ता गहविमाणेणं पच्छा ता अद्धजोयणं आयाम-विकखंभेणं तं तिगुणं सविसेसं परिरएणं कोसं बाहल्लेणं पत्रत्ते ता नक्खत्तविमाणेणं केवतियं पुच्छा ता कोसं आयाम-विकखंभेणं तं तिगुणं सविसेसं परिरएणं अद्धकोसं बाहल्लेणं पत्रत्ते ता ताराविमाणेणं केवतियं पुच्छा ता अद्धकोसं आयाम-विकखंभेणं तं तिगुणं सविसेसं परिरएणं पंच धणुसयाइं बाहल्लेणं पत्रत्ते ता चंदविमाणं कति देवसाहस्सीओ परिवहंति ता सोलस देवसाहस्सीओ परिवहंति तं जहा-पुरत्थिमेणं सीहरूवधारीणं चत्तारि देवसाहस्सीओ दाहिणेणं गचरूवधारीणं चत्तारि देवसाहस्सीओ पच्चत्थिमेणं वसहरूवधारीणं चत्तारि देवसाहस्सीओ उत्तरेणं तुरगरूवधारीणं चत्तारि देवसाहस्सीओ परिवहंति एवं सूरविमाणंपि ता गहविमाणं अद्ध देवसाहस्सीओ परिवहंति तं जहा-पुरत्थिमेणं सीहरूवधारीणं देवाणं दो देवसाहस्सीओ परिवहंति एवं जाव उत्तरेणं तुरगरूवधारीणं ता नक्खत्तविमाणं चत्तारि देवसाहस्सीओ परिवहंति तं जहा-पुरत्थिमेणं सीहरूवधारीणं देवाणं एकका देवसाहस्सी परिवहति एवं जाव उत्तरेणं तुरगरूवधारीणं देवाणं ता ताराविमाणं दो देवसाहस्सीओ परिवहंति तं जहा-पुरत्थिमेणंसीहरूवधारीणं देवाणं पंच देवसता परिवहंति एवं जाव उत्तरेणं तुरगरूवधारीणं १९४-१७

(१२४) एतेसि णं चंदिम-सूरिय-गहगण-नक्खत्त-तारारूवाणं कयरे कयरेहिंते सिग्घगती वा मंदगती वा ता चंदेहिंते सूर सिग्घगती सूरैहिंते गहा सिग्घगती गहेहिंते नक्खत्ता सिग्घगती नक्खत्तेहिंते तारा सिग्घगती सब्बप्पगती चंदा सब्बसिग्घगती तारा ता एतेसि णं चंदिम-सूरिय-गहगण-नक्खत्ता-तारारूवाणं कयरे कयरेहिंते अप्पिड्ढिया वा महिड्ढिया वा ता ताराहिंते नक्खत्ता महिड्ढिया नक्खत्तेहिंते गहा महिड्ढिया गहेहिंते सूर महिड्ढिया सूरैहिंते चंदा महिड्ढिया सब्बप्पिड्ढिया तारा सब्बमहिड्ढिया चंदा १९५-१७

(१२५) ता जंबुद्वीये णं दीवे तारारूवस्स य तारारूवस्स य एस णं केवतिए अबाधाए अंतरे पत्रत्ते ता दुविहे अंतरे पत्रत्ते तं जहा-वाघातिमे य निव्वाघातिमे य तत्थ णं जेसे वाघातिमे से णं जहण्णेणं दोण्णि छावट्ठे जोयणसत्ते उक्कोसेणं धारस जोयणसहस्साइं दोण्णि बाताले जोयणसत्ते तारारूवस्स य अबाधाए अंतरे पत्रत्ते तत्थ णं जेसे निव्वाघातिमे से णं जहण्णेणं पंच धणुसताइं उक्कोसेणं अद्धजोयणं तारारूवस्स य तारारूवस्स य अबाधाए अंतरे पत्रत्ते १९६-१७

(१२६) ता चंदस्स णं जोतिसिंदस्स जोतिसरण्णो कति अग्गमहिंसीओ ता चत्तारि अग्गमहिंसीओ पत्रत्ताओ तं जहा-चंदप्पभा दोसिणाभा अच्चिमाली पभंकरा तत्थ णं एगमेगाए देवीए चत्तारि-चत्तारि देवीसाहस्सी परिवारे पत्रत्तो पभू णं ताओ एगमेगा देवी अण्णाइं चत्तारि-चत्तारि देवीसहस्साइं परिवारं विउज्जित्तए एवामेव सपुब्बावरेणं सोलस देवीसहस्सा सेत्तं तुडिए ता पभू णं चंदे जोतिसिंदे जोतिसराया चंदवडिंसए विमाणे सभाए सुहम्माए तुडएणं सद्धिं दिव्वाइं भोगभोगाइं भुंजमाणे विहरित्तए नो इणट्ठे समट्ठे ता कहं ते पुच्छा चंदस्स णं जोतिसिंदस्स जोतिसरण्णो चंदवडिंसए विमाणे सभाए सुधम्माए माणवए चेतियखंभे वइरामएसु गोलवट्टसमुग्गएसु बहवे जिणसकथा सण्णिकिञ्चत्ता विट्ठुंति ताओ णं चंदस्स जोतिसिंदस्स जोतिसरण्णो अण्णेसिं च वहूणं जोतिसियाणं देवाण य देवीण य अच्चणिज्जाओ चंदणिज्जाओ पूवणिज्जाओ सककारणिज्जाओ सम्माणणिज्जाओ कल्लणं मंगलं देयं चेट्थं पज्जुवासणिज्जाओ एवं खलु नो पभू चंदे जोतिसिंदे जोतिसराया चंदवडिंसए विमाणे सभाए सुधम्माए तुडिएणं सद्धिं दिव्वाइं भोगभोगाइं भुंजमाणे विहरित्तए, पभू णं चंदे जोतिसिंदे जोतिसराया चंदवडिंसए विमाणे सभाए सुहम्माए चंदसि सीहासणंसि चउहिं

सामाणियसाहस्तीहिं चउहिं अग्गमहिंसीहिं सपरिवाराहिं तिहिं परिसाहिं सत्तहिं अणिएहिं सत्तहिं अणियाहिंवईहिं सोलसहिं आयरक्खदेवसाहस्तीहिं अण्णेहिं य बहूहिं जोतिसिएहिं देवेहिं देवीहिं च सद्धिं महाचाहयनद्ध-गीय-बाइय-तंती-तल-ताल-तुडिय-धण-पुद्ग-पडुप्पवाइयेवणं दिव्वाइं भोग-मोगाइं भुंजमाणे विहरित्तए केवलं परिवारणिट्ठीए नो चेव णं मेहुणवत्तियं ता सूरस्स णं जोतिसिंदस्स जोतिसरण्णो चत्तारि अग्गमहिंसीओ पन्नत्ताओ तं जहा-सूरप्पभा आतवा अच्चिमाली पभंकरा सेसं जहा चंदस्स नवरं-सूरवडेंसए विमाणे जाव नो चेव णं मेहुणवत्तियाए ।१७।-७७

(१२५) जोतिसिया णं देवाणं केवत्तियं कालं ठिती पन्नत्ता ता जहण्णेणं अट्टभागपलिओवमं उक्कोसेणं पलिओवमं वाससत्तसहस्समब्भहियं ता जोतिसिणीणं देवीणं केवत्तियं कालं ठिती पन्नत्ता ता जहण्णेणं अट्टभागपलिओवमं उक्कोसेणं अट्टपलिओवमं पन्नासाए वाससहस्सेहिं अब्भहियं ता चंदविमाणे णं देवाणं केवत्तियं कालं ठिती पन्नत्ता ता जहण्णेणं चउट्ठभागपलिओवमं उक्कोसेणं पलिओवमं वाससयसहस्समब्भहियं ता चंदविमाणे णं देवीणं केवत्तियं कालं ठिती पन्नत्ता ता जहण्णेणं चउट्ठभागपलिओवमं उक्कोसेणं अट्टपलिओवमं पन्नासाए वाससहस्सेहिं अब्भहियं ता सूरविमाणे णं देवाणं केवत्तियं कालं ठिती पन्नत्ता ता जहण्णेणं चउट्ठभागपलिओवमं उक्कोसेणं पलिओवमं वाससहस्समब्भहियं ता सूरविमाणे णं देवीणं केवत्तियं कालं ठिती पन्नत्ता ता जहण्णेणं चउट्ठभागपलिओवमं उक्कोसेणं अट्टपलिओवमं पंचहिं वाससएहिं अब्भहियं ता गहविमाणे णं देवाणं केवत्तियं कालं ठिती पन्नत्ता ता जहण्णेणं चउट्ठभागपलिओवमं उक्कोसेणं पलिओवमं ता गहविमाणे णं देवीणं केवत्तियं कालं ठिती पन्नत्ता ता जहण्णेणं चउट्ठभागपलिओवमं उक्कोसेणं अट्टपलिओवमं ता नक्खत्तविमाणे णं देवाणं केवत्तियं कालं ठिती पन्नत्ता ता जहण्णेणं चउट्ठभागपलिओवमं उक्कोसेणं अट्टपलिओवमं ता नक्खत्तविमाणे णं देवीणं केवत्तियं कालं ठिती पन्नत्ता ता जहण्णेणं अट्टभागपलिओवमं उक्कोसेणं चउट्ठभागपलिओवमं ता ताराविमाणे णं देवाणं पुच्छा ता जहण्णेणं अट्टभागपलिओवमं उक्कोसेणं चउट्ठभागपलिओवमं ता ताराविमाणे णं देवीणं पुच्छा ता जहण्णेणं अट्टभागपलिओवमं उक्कोसेणं साइरेगअट्टभागपलिओवमं ।१८।-७८

(१२६) ता एएसि णं चंदिम-सूरिय-गह-नक्खत्त-तारारूपाणं कतरं कतरंहिंतो अप्पा वा बहुया वा तुल्ला वा विसेसाहिया वा ता चंदा य सूरा य -एते णं दावि तुल्ला सब्बत्थोवा नक्खत्ता संखेज्जगुणा गहा संखेज्जगुणा तारा संखेज्जगुणा ।१९।-७९

● अट्टासमं पाहुडं समतं ●

एगुणवीसइमं पाहुडं

(१२७) ता कति णं चंदिमसूरिया सब्बलोयं ओभासंति उज्जेणंति तवेति पभासेति आहितेति वएज्जा तत्थ खलु इमाओ दुवालस पडिवत्तीओ पन्नत्ताओ तत्थेगे एवमाहंसु-ता एगे चंदे एगे सूरै सब्बलोयं ओभासति जाव पभासेति-एगे पुण एवमाहंसु-ता तिण्णि चंदा तिण्णि सूरा सब्बलोयं ओभासंति जाव पभासेति-एगे पुण एवमाहंसु-ता आहुट्ठि चंदा आहुट्ठि सूरा सब्बलोयं ओभासंति जाव पभासेति-एगे पुण एवमाहंसु-एतेणं अभिलावेण नेतव्वं-सत्तं चंदा सत्तं सूरा दस चंदा दस सूरा वारस चंदा वारस सूरा बातालीसं चंदा वातालीसं सूरा वावत्तरिं चंदा वावत्तरिं सूरा वातालीसं चंदसत्तं वातालीसं सूरसत्तं वावत्तरं चंदसत्तं वावत्तरं सूरसत्तं वातालीसं चंदसहस्सं वातालीसं सूरसहस्सं वावत्तरं चंदसहस्सं वावत्तरं सूरसहस्सं सब्बलोयं ओभासंति जाव पभासेति-वयं पुण एवं

वदामो-ता अयण्णं जंबुद्वीवे दीवे सव्वदीवसमुद्धानं सव्वब्भंतराए जाव परिकखेवेणं पन्नते ता जंबुद्वीवे दीवे दो चंदा पभासेंसु या पभासेति वा पभासिस्संति वा दो सूरिया तवइंसु वा तवइंति वा तवइस्सति वा छप्पन्नं नक्खत्ता जोयं जोएंसु वा जोएंति वा जोइस्संति वा छावत्तरिं गहसत्तं चारं चरिसु वा चरंति वा चरिस्संति वा एणं सयसहस्सं तेत्तीसं च सहस्सा नव य सया पत्रासा तारागणकोडिकोडीणं सोभं सोभेसुं वा सोभेति वा सोभिस्संति वा 1900-१1-100-1

(१३०) दो चंदा दो सूरान् नक्खत्ता खलु हवंति छप्पणाए

छावत्तरं गहसत्तं जंबुद्वीवे विचारी णं

11३२11-1

(१३१) एणं च सयसहस्सं तेत्तीसं खलु भवे सहस्साइं

नव य सया पत्रासा तारागणकोडिकोडीणं

11३३11-2

(१३२) ता जंबुद्वीवं णं दीवं लवणे नामं समुद्दे वट्टे बलयागारसंठाणसंठिते सव्वतो समंता संपरिकखत्ताणं चिह्णति ता लवणे णं समुद्दे किं समचक्कवालसंठिते विसमचक्कवालसंठिते ता लवणसमुद्दे समचक्कवालसंठिते नो विसमचक्कवालसंठिते ता लवणसमुद्दे केवतियं चक्कवालविकखंभेणं केवतियं परिकखेवेणं आहितेति वदेज्जा ता दो जोयणसत्तसहस्साइं चक्कवालविकखंभेणं पत्ररस जोयणसयसहस्साइं एक्कासीइं च सहस्साइं सत्तं च ऊतालं किंचिविसेसुणं परिकखेवेणं आहितेति वदेज्जा ता लवणसमुद्दे केवतिया चंदा पभासेंसु वा एवं पुच्छा जाव केवतियाओ तारागणकोडिकोडीओ सोभिसु वा सोभेति वा सोभिस्संति वा ता लवणे णं समुद्दे चत्तारि चंदा पभासेंसु वा पभासेति वा पभासिस्संति वा चत्तारि सूरिया तवइंसु वा तवइंति वा तवइस्संति वा वारस नक्खत्तसत्तं जोयं जोएंसु वा जोएंति वा जोइस्संति वा तिण्णि वावण्णा महग्गहसता चारं चरिसु वा चरंति वा चरिस्संति वा दो सत्तसहस्सा सत्तइं च सहस्सा नव य सता तारागणकोडिकोडीणं सोभं सोभिसु वा सोभेति वा सोभिस्संति वा 1900-२1-100-2

(१३३) पत्ररस सत्तसहस्सा एक्कासीतं सत्तं च ऊतालं

किंचिविसेसेणुणो लवणो- दधिणो परिकखेवो

11३४11-1

(१३४) चत्तारि चैव चंदा चत्तारि य सूरिया लवणतोए

वारस नक्खत्तसत्तं गहाण तिण्णेव वावण्णा

11३५11-2

(१३५) दो चैव सत्तसहस्सा सत्तइं खलु भवे सहस्साइं

नव य सता लवणजले तारागणकोडिकोडीणं

11३६11-3

(१३६) ता लवणसमुद्दं धायइंसडे नामं दीवे वट्टे बलयागारसंठाणसंठिते तहेव जाव नो विसमचक्कवालसंठिते धायइंसडे णं दीवे केवतियं चक्कवालविकखंभेणं केवतियं परिकखेवेणं आहितेति वदेज्जा ता चत्तारि जोयणसत्तसहस्साइं चक्कवालविकखंभेणं ईतालीसं जोयणसत्तसहस्साइं दस य सहस्साइं नव य एग्गे जोयणसत्ते किंचिविसेसुणे परिकखेवेणं आहितेति वदेज्जा धायइंसडे दीवे केवतिया चंदा पभासेंसु वा पुच्छा तहेव ता धायइंसडे णं दीवे वारस चंदा पभासेंसु वा पभासेति वा पभासिस्संति वा वारस सूरिया तवेंसु वा तवेति वा तविस्संति वा तिण्णि छत्तीसा नक्खत्तसया जोयं जोएंसु वा जोएंति वा जोइस्संति वा एणं छप्पणं महग्गहसहस्सं चारं चरिसु वा चरंति वा चरिस्संति वा 1900-३1-100-3

(१३७) अट्टेव सयसहस्सा तिण्णि सहस्साइं सत्तयसयाइं

एगससी परिवारो तारागणकोडिकोडीणं

11३७11-1

[सोभं सोभेसु वा सोभेति वा सोभिस्संति वा]

- (१३८) घायईसंडपरिओ ईताल दसुत्तरा सतसहस्सा
नव सया य एगढा किंचिविसेसेण परिहीणा ॥३८॥-२
- (१३९) घउवीसं ससिरविणो नक्खत्तसया य तिण्णि छत्तीसा
एणं च गहसहस्सं छप्पणं घायईसंडे ॥३९॥-३
- (१४०) अट्टेव सतसहस्सा तिण्णि सहस्साइं सत्ता य सताइं
घायईसंडे दीवे तारागणकोडिकोडीणं ॥४०॥-४

(१४१) ता घायईसंडं णं दीवे कालोए नामं समुद्दे वट्टे बलयागारसंठाणसंठिते जाय नो विसमचक्कवालसंठाणसंठिते ता कालोए णं समुद्दे केवतियं चक्कवालविकखंभेणं केवतियं परिकखेवेणं आहितेति वदेजा ता कालोए णं समुद्दे अट्ट जोजणसतसहस्साइं चक्कवालविकखंभेणं पत्रत्ते एक्काणउत्तिं जोजणसतसहस्साइं सत्तारिं च सहस्साइं छच्च पंचुत्तरे जोजणसते किंचिविसेसा-हिए परिकखेवेणं आहितेति वदेजा ता कालोए णं समुद्दे० वातालीसं चंदा पभासेंसु वा पभासेंति वा पभासिस्संति वा वातालीसं सूरिया तवेसु वा तवेति वा तविस्संति वा एक्कारस बावत्तरा नक्खत्त-सया जोयं जोइंसु वा जोएंति वा जोइस्संति वा तिण्णि सहस्सा छच्च छण्णउया महग्गहसया चारं चरिसु वा चरेति वा चरिस्संति वा अट्टावीसं सयसहस्साइं बारसयसहस्साइं नवयसताइं पत्रासा तारागणकोडिकोडीओ सोभं सोभेसु वा सोभंति वा सोभिस्संति वा ।१००-४।-१००-४

- (१४२) एक्काणउत्तिं सतराइं सहस्साइं परिओ तस्स
अहियाइं छच्च पंचुत्तराइं कालोदधिवारस्स ॥४१॥-१
- (१४३) यातालीसं चंदा यातालीसं च दिणकरा दित्ता
कालोदहिंमि एते चरंति संबद्धलेसागा ॥४२॥-२
- (१४४) नक्खत्तसहस्सं एगमेव छावत्तरं च सयमण्णं
छच्च सया छण्णउया महग्गहा तिण्णि य सहस्सा ॥४३॥-३
- (१४५) अट्टावीसं कालोदहिंमि बारस य सहस्साइं
नव य सत्ता पत्रासा तारागणकोडिकोडीणं ॥४४॥-४

(१४६) ता कालोयं णं समुद्दे पुक्खरवरे नामं दीवे वट्टे बलयागारसंठाणसंठिते सच्चतो सपंता संपरिक्खित्ताणं चिट्ठंति पुक्खरवरे णं दीवे किं समचक्कवालसंठिते विसमचक्कवालसंठिते ता समचक्कवालसंठिते नो विसमचक्कवालसंठिते ता पुक्खरवरे णं दीवे केवतियं चक्क-वालविकखंभेणं केवतियं परिकखेवेणं ता सोलस जोजणसयसहस्साइं चक्कवालविकखंभेणं एगा जोजणकोडी वाणउत्तिं च सतसहस्साइं अउणाणउत्तिं च सहस्साइं अट्टचउणउते जोजणसते परिकखेवेणं आहितेति वदेजा ता पुक्खरवरे णं दीवे केवतिया चंदा पभासेंसु वा पुच्छा तहेव ता चोतालं चंदसतं पभासेंसु वा पभासेंति वा पभासिस्संति वा चोतालं सूरियाणं सतं तवइंसु वा तवइंति वा तवइस्संति वा चत्तारि सहस्साइं बत्तीसं च नक्खत्ता जोयं जोएंसु वा जोएंति वा जोइस्संति वा बारस सहस्साइं छच्च बावत्तरा महग्गहसया चारं चरिसु वा चरेति वा चरिस्संति वा छण्णउत्तिं सयसहस्साइं चोयालीसं सहस्साइं चत्तारि य सयाइं तारागणकोडिकोडीणं सोभं सोभेसु वा सोभेति वा सोभिस्संति वा ।१००-५।-१००-५

- (१४७) कोडी बाणउती छलु अउणाणउत्तिं भवे सहस्साइं
अट्टसत्ता चउणउत्ता य परिओ पोक्खरवरस्स ॥४५॥-१

- (१४८) चोतालं चंदसतं चोतालं चैव सूरियाण सतं
पोक्करवरदीवग्नि चरति एते पभासंता ॥४६॥-२
- (१४९) चत्तारि सहस्साइं बत्तीसं चैव हुति नक्खत्ता
छच्च सता बावत्तर महग्गहा बारह सहस्सा ॥४७॥-३
- (१५०) छण्णउति सयसहस्सा चोतालीसं खलु भवे सहस्साइं
चत्तारि य सता खलु तारागण्णकोडिकोडीणं ॥४८॥-४

(१५१) ता पुक्खरवरस्स णं दीवस्स बहुमज्झदेसभाए माणुसुत्तरे नामं पव्वते पन्नते-वट्टे वलयागारसंठणसंठिते जे णं पुक्खरवरं दीवं दुग्घा विभयमाणे-विभयमाणे चिट्ठंति तं जहा-अब्भितरपुक्खरद्धं च वाहिरपुक्खरद्धं च ता अब्भितरपुक्खरद्धे णं किं समचक्कवालसंठिते विसमचक्कवालसंठिते ता समचक्कवालसंठिते नो विसमचक्कवालसंठिते ता अब्भितर-पुक्खरद्धे णं केवतियं चक्कवालविकखंभेणं केवतियं परिकखेवेणं आहितेति वदेज्जा ता अट्ट जोयणसयसहस्साइं चक्कवालविकखंभेणं एकका जोयणकोडी बायालीसं च सयसहस्साइं तीसं च सहस्साइं दो अउणापत्रे जोयणसते परिकखेवेणं आहितेति वदेज्जा ता अब्भितरपुक्खरद्धे णं केवतिया चंदा पभासेंसु वा पभासेति वा पभासिस्संति वा केवतिया सूर्या तविंसु वा पुच्छा ता बावत्तरिं चंदा पभासेंसु वा पभासेति वा पभासिस्संति वा बावत्तरिं सूरिया तवइंसु वा तवइंति वा तवइस्संति वा दोण्णि सोला नक्खत्तसहस्सा जोयं जोएंसु वा जोएंति वा जोइस्संति वा छ महग्गहसहस्सा तिण्णि य सया छत्तीसा चारं चरेंसु वा चरेंति वा चरिस्संति वा अडतालीससतसहस्सा बावीसं च सहस्सा दोण्णि य सता तारागण्णकोडिकोडीणं सोमं सोभिंसु वा सोभेति वा सोभिस्संति वा ता समयक्खेत्ते णं केवतियं आयाम-विकखंभेणं केवतियं परिकखेवेणं आहितेति वदेज्जा ता पणतालीसं जोयण-सयसहस्साइं आयाम-विकखंभेणं एगा जोयणकोडी बायालीसं च सतसहस्साइं तीसं च सहस्साइं दोण्णि य अउणापत्रे जोयणसते परिकखेवेणं आहितेति वदेज्जा ता समयक्खेत्ते णं केवतिया चंदा पभासेंसु वा पुच्छा तहेव ता बत्तीसं चंदसतं पभासेंसु वा पभासेति वा पभासिस्संति वा यत्तीसं सूरियाणं सतं तवइंसु वा तवइंति वा तवइस्संति वा तिण्णि सहस्सा छच्च छण्णउत्ता नक्खत्तासता जोयं जोएंसु वा जोएंति वा जोइस्संति वा एककारस सहस्सा छच्च सोलस महग्गहसता चारं चरिंसु वा चरेंति वा चरिस्संति वा अट्टासीति सतसहस्साइं चत्तालीसं च सहस्सा सत्ता य सया तारागण्ण-कोडिकोडीणं सोभं सोभिंसु वा सोभेति वा सोभिस्संति वा।१००-६।-१००-८

- (१५२) अट्टेव सतसहस्सा अब्भितरपुक्खरस्स विकखंभो
पणयालसयसहस्सा माणुसुत्तस्स विकखंभो ॥४९॥-१
- (१५३) कोडी यातालीसं सहस्सा दो सता अउणपत्रासा
माणुसुत्तपरिरओ एपेव य पुक्खरद्धस्स ॥५०॥-२
- (१५४) बावत्तरिं च चंदा बावत्तरिमेव दिणकरा दिस्सा
पुक्खरवरदीवइद्धे चरति एते पभासेंता ॥५१॥-३
- (१५५) तिण्णि सता छत्तीसा छच्च सहस्सा महग्गगाणं तु
नक्खत्ताणं तु भवे सोलाइं दुवे सहस्साइं ॥५२॥-४

(१५६)	अडयालसयसहस्सा दावीसं खलु भवे सहस्साइं दो य सय पुक्खरद्धे तारागणकोडिकोडीणं	॥५३॥-५
(१५७)	बत्तीसं चंदसतं बत्तीसं चैव सूरियाण सतं सयलं भाणुसलोयं चरंति एते पभासेंता	॥५४॥-६
(१५८)	एक्कारस य सहस्सा छप्पि य सोत्ता महग्गहाणं तु छच्च सत्ता छण्णउया नक्खत्ता तिण्णि य सहस्सा	॥५५॥-७
(१५९)	अट्टासीतिं चत्ताइं सयसहस्साइं मणुयलोयंमि सत्त च सया अपूणा तारागणकोडीकोडीणं	॥५६॥-८
(१६०)	एसो तारापिंडो सव्वसमासेण मणुयलोयंमि बहिया पुण ताराओ जिणेहिं भणिया असंखेज्जा	॥५७॥-९
(१६१)	एवतियं तारगं जं भणियं माणुसंमि लोगंमि चारं कलंबुयापुप्फसंठितं जोइसं चरति	॥५८॥-१०
(१६२)	रविससिगहणक्खत्ता एवतिया आहिता मणुयलोए जेसिं नामागोत्तं न पागता पन्नवेहिंति	॥५९॥-११
(१६३)	छावट्ठिं पिडगाइं चंदादिच्चण मणुयलोयंमि दो चंदा दो सूरा हुंति एककेक्कए पिडए	॥६०॥-१२
(१६४)	छावट्ठिं पिडगाइं नक्खत्ताणं तु मणुयलोयंमि छप्पन्नं नक्खत्ता हुंति एककेक्कए पिडए	॥६१॥-१३
(१६५)	छावट्ठिं पिडगाइं महग्गहाणं तु मणुयलोयंमि छावत्तरं गहसयं होइ एककेक्कए पिडए	॥६२॥-१४
(१६६)	घत्तारि य पंतीओ चंदादिच्चण मणुयलोयंमि छावट्ठिं छावट्ठिं च होंति एककिक्कया पंती	॥६३॥-१५
(१६७)	छप्पन्नं पंतीओ नक्खत्ताणं तु मणुयलोयंमि छावट्ठिं छावट्ठिं हवंति एककेक्कया पंती	॥६४॥-१६
(१६८)	छावत्तरं गहाणं पंतिसयं हवइ मणुयलोयंमि छावट्ठिं छावट्ठिं हवंति य एककेक्कया पंती	॥६५॥-१७
(१६९)	ते मेरुमणुवरंता पदाहिणावत्तमंडला सव्वे अणवट्ठितेहिं जोगेहिं चंदा सूरा गहग्गणा य	॥६६॥-१८
(१७०)	नक्खत्ततारागणं अवट्ठिता मंडला मुणेयव्वा तेवि य पदाहिणावत्तमेय मेरुं अनुचरंति	॥६७॥-१९
(१७१)	रयणिकरदिणकारणं उड्ढं च अहे य संकमो नत्थि मंडलसंकमणं पुणं सव्वंतरबाहिरं तिरिए	॥६८॥-२०

- (१७२) रथणिकरदिणकराणं नक्खत्ताणं महग्गहाणं च
घारविसेसेणं भवे सुहदुक्खविही मणुस्साणं ॥६९॥-२१
- (१७३) तेसिं पविसंताणं तावक्खेतं तु वड्ढते निययं
तेणेव क्रमेणं पुणो परिहायति निक्खमंताणं ॥७०॥-२२
- (१७४) तेसिं कलंबुयापुप्फसंठिता हुंति तावखेत्तपहा
अंतो य संकुडा बाहिं चित्थडा चंदसूराणं ॥७१॥-२३
- (१७५) केणं वड्ढति चंदो परिहाणी केण हीति चंदस्स
कालो वा जोण्हो वा केणणुभावेणं चंदस्स ॥७२॥-२४
- (१७६) किण्हं राहुविमाणं निघं चंदेण होइ अविरहियं
चउरंगुलमप्पत्तं हिड्ढा चंदस्स तं चरति ॥७३॥-२५
- (१७७) वावड्ढिं-बावड्ढिं दिवसे-दिवसे तु सुक्कपक्खस्स
जं परिवड्ढति चंदो खवेइ तं चेव कालेणं ॥७४॥-२६
- (१७८) पन्नरसइभागेण य चंदं पन्नरसमेव तं वरति
पन्नरसइभागेण य पुणोवि तं चेव बक्कमति ॥७५॥-२७
- (१७९) एवं वड्ढति चंदो परिहाणी एव होइ चंदस्स
कालो वा जोण्हो वा एयणुभावेणं चंदस्स ॥७६॥-२८
- (१८०) अंतो मणुस्सखेत्ते हवति चारोवगा तु उववण्णा
पंचविहा जोतिसिया चंदा सूरा गहगणा य ॥७७॥-२९
- (१८१) तेण परं जे सेसा चंदादिच्चगहतारनक्खत्ता
नत्थि गई नवि चारो उवड्ढिता ते मुणेयव्वा ॥७८॥-३०
- (१८२) एवं जंबुदीवे दुग्गुणा लवणे चउग्गुणा हुंति
लावणगा य तिग्गुणिता ससिसूरा घायइसंडे ॥७९॥-३१
- (१८३) दो चंदा इह दीवे चत्तारि य सायरे लवणतोए
घायइसंडे दीवे वारस चंदा य सूरा य ॥८०॥-३२
- (१८४) घायइसंडप्पभित्ति उड्ढिडा तिग्गुणिता भवे चंदा
आदिच्चंदसहितं अनंतराणंतरे खेत्ते ॥८१॥-३३
- (१८५) रिक्खगहतरणं दीवसमुद्दे जत्तिच्छसी नाउं
तस्स ससीहिं गुणितं रिक्खगहतारणं तु ॥८२॥-३४
- (१८६) बहिता तु माणुसणगस्स चंदसूराणवड्ढिता जोआ
चंदा अभीइजुत्ता सूरा पुण हुंति पुस्सेहिं ॥८३॥-३५
- (१८७) चंदातो सूस्स य सूरा चंदस्स अंतरं होइ
पन्नाससहस्साइं तु जोयणाणं अण्णाइं ॥८४॥-३६
- (१८८) सूस्स य सूस्स य ससिणो ससिणो य अंतरं होइ
बाहिं तु माणुसणगस्स जोयणाणं सतसहस्सं ॥८५॥-३७
- (१८९) सूरंतरिया चंदा चंदंतरिया य दिणचरा दित्ता
चित्तंतरलेसागा सुहत्तेसा मंदलेसा य ॥८६॥-३८

- (११०) अट्टासीति च गहा अट्टावीसं च हुति नक्खत्ता
एगससीपरिवारी एत्तो ताराणं वोच्छामि ॥८७॥-३९
- (१११) छावद्धिसहस्साइं नव चेव सताइं पंचसतराइं
एगससीपरिवारी तारागणकोडिकोडीणं ॥८८॥-४०

(११२) अंतो मणुस्सखेत्ते जे चंदिम-सूरिय-गह जाव तारारूवा ते णं देवा किं उड्ढोव-
वण्णगा कप्पोववण्णगा विमाणोववण्णगा चारोववण्णगा चारद्धितिया गतिरतिया गतिसभावण्णगा
ता ते णं देवा नो उड्ढोववण्णगा नो कप्पोववण्णगा विमाणोववण्णगा चारोववण्णगा नो चारद्धितिया
गतिरतिया गतिसभावण्णगा उड्ढीमुहकलंबुयापुष्कसंठाणसंठितेहिं ज्योयणसाहस्सिएहिं तावक्खे-
त्तेहिं साहस्सियाहिं बाहिराहिं वेउच्चियाहिं परिसाहिं महताहसहस्सिएहिं-वाहय-तंती-तल-ताल-
तुडिय-घण-मुइंग-पडुप्पवाइयरवेणं महता उक्कुट्टिसीहनाद-बोलकलकलरवेणं अछं पव्वतरायं
पदाहिणावत्तमंडलचारं मेरुं अनुपरियट्टंति ता तेसि णं देवाणं जाये इंदे चयति से कधमियाणि
पकरोति वा चत्तारि पंच सामाणियदेवा तं ठाणं उवसंपञ्जित्ताणं विहरंति जावण्णे तथ इंदे उववण्णे
भवति ता इंदेउण्णे णं केवतिएणं कालेणं विरहिते पन्नते ता जरुण्णेणं इक्कं समयं उक्कोसेयं उम्मा-
से ता वहिता णं माणुस्सक्खेत्तस्स जे चंदिम-सूरिय-गह गण-नक्खत्त-तारारूवा ते णं देवा किं
उड्ढोववण्णगा कप्पो ववण्णगा विमाणोववण्णगा चारद्धितिया गतिरतिया गतिस-भावण्णगा ता ते
णं देवा नो उड्ढोववण्णगा नो जाव गतिरतिया नो गतिसभावण्णगा पक्किकट्टगसंठाणसंठितेहिं
ज्योयणसयसहस्सिएहिं तावक्खेत्तेहिं सयसाहस्सियाहिं बाहिराहिं वेउच्चियाहिं जाव रवेणं दिव्वाइं
भांगभोगाइं भुंजमाणा विहरंति सुहलेसा मंदलेसा मंदायवलेसा चित्तंतरलेसा अण्णोण्णसभोगाढाहिं
लेसाहिं कूडा इव ठाणठिता ते पदेसे सव्वतो समंता ओभासेति उज्जोवेति तवेति पभासेति ता तेसि णं
देवाणं जाहे इंदे चयति से कहमियाणि पकरोति ता चत्तारि पंच सामाणियदेवा तं ठाणं तहेव जाव
उम्मासे ११००११००

(११३) ता पुक्खरवरं णं दीवं पुक्खरोदे नामं समुदे वट्टे बलयागारसंठाणसंठिते सव्वतो
जाव चिट्ठति ता पुक्खरदे णं समुदे किं समचक्कवालसंठिते नो विसमचक्कवालसंठिते ता
पुक्खरोदे णं समुदे केवतियं चक्कवालविकखंभेणं केवतियं परिक्खेवेणं आहितेति वदेज्जा ता
संखेज्जाइं ज्योयणसहस्साइं आवाम-विकखंभेणं संखेज्जाइं ज्योयणसहस्साइं परिक्खवेणं आहितेति
वदेज्जा ता पुक्खरवरोदे णं समुदे केवतिया चंदा पभासेसु वा पुच्छा तहेव ता पुक्खरोदे णं समुदे
संखेज्जा चंदा पभासेसु वा जाव संखेज्जाओ तारागणकोडिकोडीओ सोभं सोभेसु वा सोभेति वा
सोभिस्संति वा एतेणं अभिलायेणं-वरुणवरेदीवे वरुणोदेसमुदे खीरवरेदीवे खीरवरेसमुदे घतवरे-
दीवे घतोदेसमुदे खोदवरेदीवे खोदोदेसमुदे नंदिस्सरवरे दीवे नंदिस्सरवरे समुदे अरुणोदेदीवे
अरुणोदेसमुदे अरुणवरेदीवे अरुणवरेसमुदे अरुणवरोभासेदीवे अरुणवरोभासेसमुदे कुंडलेदीवे
कुंडलोदेसमुदे कुंडलवरेदीवे कुंडलवरोदेसमुदे कुंडलवरोभासेदीवे कुंडलवरोभासेसमुदे सव्वेसिं
विकखंभपरिक्खवो जोतिसाइं पुक्खरोदसागरसरिसाइं ता कुंडवरोभासणं समुदं रुयए दीवे वट्टे
बलयागारसंठाणसंठिते सव्वतो जाव चिट्ठति ता रुयए णं दीवे समचक्कवालसंठिते नो विसमच-
क्कवालसंठिते ता रुयए णं दीवे केवतियं चक्कवालविकखंभेणं केवतियं परिक्खेवेणं आहितेति
वदेज्जा ता असंखेज्जाइं ज्योयणसहस्साइं चक्कवालविकखंभेणं असंखेज्जाइं ज्योयणसहस्साइं परिक्खे-

वेणं आहितेति वदेज्जा ता रुयगे णं दीवे केवतिया चंदा पभासेसु वा पुच्छा ता रुयगे णं दीवे असंखेज्जा चंदा पभासेसु वा जाव असंखेज्जाओ तारागणकोडिकोडीओ सोमं सोमंसे वा सोभेति वा सोभेस्संति वा एवं रुयगे समुद्दे रुयगवरोदीवे रुयगवरोदे समुद्दे रुयगवरोभासेदीवे रुयगवरोभासेसमुद्दे एवं तिपडोयारा नेतव्या जाव सूरदीवे सूरुदेसमुद्दे सूरवरोदीवे सूरवरोसमुद्दे सूरवरोभासेदीवे सूरवरोभासेसमुद्दे सव्वेसिं विकखंमपरिकखेवजोतिसाइं रुयगरवदीवसरिसाइं ता सूरवरोभासोदण्णं समुद्दं देवे नामं दीवे वट्टे वलयागारसंठाणसंठिते सव्वतो समंता संपरिकखित्ताणं चिद्धति जाव नो विसमचक्क-वालसंठिते ता देवे णं दीवे केवतियं चक्कवालविकखंभेणं केवतियं परिकखेवेणं आहितेति वदेज्जा ता असंखेज्जाइं जोयणसहस्साइं चक्कवालविकखंभेणं असंखेज्जाइं जोयणसहस्साइं परिकखेवेणं आहितेति वदेज्जा ता देवे णं दीवे केवतिया चंदा पभासेसु वा पुच्छा तहेव ता देवे णं दीवे असंखेज्जा चंदा पभासेसु वा जाव असंखेज्जाओ तारागणकोडिकोडीओ सोमं सोमंसे वा सोभेति वा सोभेस्संति वा एवं देवोदे समुद्दे नागेदीवे नागोदेसमुद्दे जक्खेदीवे जक्खोदेसमुद्दे भूतेदीवे भूतोदेसमुद्दे सयंभु-रमणेदीवे सयंभुरमणेसमुद्दे सव्वे देवदीवसरिसा 19091-103

● एगुणवीसइमं पाहुंडं समत्तं ●

वीसइमं पाहुंडं

(१९४) ता कहं ते अनुभावे आहितेति वदेज्जा तत्थ खलु इमाओ दो पडिवत्तीओ पत्रत्ताओ तत्थेगे एवमाहंसु-त्ता चंदिमसूरिया णं नो जीवा अजीवा नो घणा झूसिरा नो वरबोदिधरा कलेवरा नत्थि णं तेसिं उट्ठाणेति वा कम्मति वा बलेति वा वीरिएति वा पुरिसक्कारपरक्कमेति वा ते नो विज्जु लवंति नो असणिं लवंति नो थणितं लवंति अहे णं बादरे वाउकाए संमुच्छति संमुच्छिता विज्जुपि लवंति असणिपि लवंति थणितंपि लवंति-एगे पुण एवमाहंसु-त्ता चंदिमसूरिया णं जीवा नो अजीवा धणा नो झूसिरा वरबोदिधरा नो कलेवरा अत्थि णं तेसिं उट्ठाणेति वा कम्मति वा बलेति वा वीरिएति वा पुरिसक्कारपरक्कमेति वा ते विज्जुपि लवंति असणिपि लवंति थणितंपि लवंति-वयं पुण एवं वदामो-त्ता चंदिमसूरिया णं देवा महिड्ढिया० जाव महाणुमावा वरत्थधरा वरमल्लधरा वरामभरण-धारी अवोच्छित्तियइद्याए अण्णे चयंति अण्णे उववज्जति 19021-104

(१९५) ता कहं ते राहुकम्मे आहितेति वदेज्जा तत्थ खलु इमाओ दो पडिवत्तीओ पत्रत्ताओ तत्थेगे एवमाहंसु-त्ता अत्थि णं से राहू देवे जे णं चंदं वा सूरु वा गेण्हति-एगे पुण एवमाहंसु-त्ता नत्थि णं से राहू देवे जे णं चंदं वा सूरु वा गेण्हति-तत्थ जेते एवमाहंसु-त्ता अत्थि णं से राहू देवे जे णं चंदं वा सूरु वा गेण्हति ते एवमाहंसु-त्ता राहू णं देवे चंदं वा सूरु वा गेण्हमाणे बुद्धंतेणं गिण्हित्ता बुद्धंतेणं मुयति बुद्धंतेणं गिण्हित्ता मुद्धंतेणं मुयति मुद्धंतेणं गिण्हित्ता बुद्धंतेणं मुयति मुद्धंतेणं गिण्हित्ता मुद्धंतेणं मुयति वामभुयंतेणं गिण्हित्ता वामभुयंतेणं मुयति वामभुयंतेणं गिण्हित्ता दाहिणभुयंतेणं मुयति दाहिणभुयंतेणं गिण्हित्ता वामभुयंतेणं मुयति दाहिणभुयंतेणं गिण्हित्ता दाहिणभुयंतेणं मुयति तत्थ जेते एवमाहंसु-त्ता नत्थि णं से राहू देवे जे णं चंदं वा सूरु वा गेण्हति ते एवमाहंसु तत्थ णं इमे पन्नरस कसिणपोग्गला० सिंयाडए जडिलए खरए खतए अंजणे खंजणे सीतले हिमसीतले केलासे अरुणाभे परिज्जए नभसूरए कविलए पिंगलए राहू, ता जया णं एते पन्नरस कसिणा पोग्गला सथा चंदस्स वा सूरस्स वा लेसाणुवद्धचारिणो भवंति तथा णं माणुसलोयंसि माणुसा एवं वदंति-एवं खलु

राहू चंद्रं वा सूरं वा गेष्हति ता जया णं एते पन्नरस कसिणा पोण्गला नो सया चंद्रस्स वा सूरस्स वा लेसाणुबद्धचारिणो भवन्ति नो खलु तथा णं माणुसलोचम्मि मणुस्सा एवं वदन्ति-एवं खलु राहू चंद्रं वा सूरं वा गेष्हति-वयं पुण एवं वदामो ता राहू णं देवे भहिड्ढिए महाजुतीए महाबले महाजसे महाणुभावे वरत्थधरे वरमल्लधरे वरामणधारी राहुस्स णं देवस्स नव नाधेज्जा पन्नत्ता तं जहा-सिंधडए जडिलए खतए खरए ददरे मगरे मच्छे कच्छभे कण्हसप्पे ता राहुस्स णं देयस्स विमाणा पंचवण्णा पन्नत्ता तं जहा-किष्का नीला लोहिता हलिदा सुक्किला अत्थि कालए राहुविमाणे खंजणवण्णाभे पन्नत्ते अत्थि नीलए राहुविमाणे लाउयवण्णाभे पन्नत्ते अत्थि लोहिए राहुविमाणे मंजिद्रावण्णाभे पन्नत्ते अत्थि पीतए राहुविमाणे हलिद्ववण्णाभे पन्नत्ते अत्थि सुक्किलए राहुविमाणे भासरा-सिवण्णाभे पन्नत्ते ता जया णं राहुदेवे आगच्छमाणे वा गच्छमाणे वा विउच्चमाणे वा परिवारेमाणे वा चंद्रस्स वा सूरस्स वा लेस्सं पुरत्थिमेणं आवरित्ता पच्चत्थिमेणं वीतीवयति तथा णं पुरत्थिमेणं चंदे वा सूरं वा उवदंसेति पच्चत्थिमेणं राहू जया णं राहुदेवे आगच्छमाणे वा गच्छमाणे वा विउच्चमाणे वा परिवारेमाणे वा चंद्रस्स वा सूरस्स वा लेसं दाहिणेणं आवरित्ता उत्तरेणं वीतीवयति तथा णं दाहिणेणं चंदे वा सूरं वा उवदंसेति उत्तरेणं राहू एतेणं अभिलावेणं पच्चत्थिमेणं आवरित्ता पुरत्थिमेणं वीतीवयति उत्तरेणं आवरित्ता दाहिणेणं वीतीवयति जया णं राहू देवे आगच्छमाणे वा जाव परिवारेमाणे वा चंद्रस्स वा सूरस्स वा लेसं दाहिणपुरत्थिमेणं वरित्ता उत्तरपच्चत्थिमेणं वीतीवयति तथा णं दाहिणपुरत्थिमेणं चंदे वा सूरं वा उवदंसेति उत्तरपच्चत्थिमेणं राहू जया णं राहू देवे आगच्छमाणे वा जाव परिवारेमाणे वा चंद्रस्स वा सूरस्स वा लेसं दाहिणपच्चत्थिमेणं आवरित्ता उत्तरपुरत्थिमेणं वीतीवयति तथा णं दाहिणपच्चत्थिमेणं चंदे वा सूरं वा उवदंसेति उत्तरपुरत्थिमेणं राहू एतेणं अभिलावेणं उत्तरपच्चत्थिमेणं आवरेत्ता दाहिणपुरत्थिमेणं वीतीवयति उत्तरपुरत्थिमेणं आवरेत्ता दाहिणपच्चत्थिमेणं वीतीवयति ता जया णं राहू देवे आगच्छमाणे वा जाव परिवारेमाणे वा चंद्रस्स वा सूरस्स वा लेसं आवरेत्ता वीतीवयति तथा णं मणुस्सलोए मणुस्सा वदन्ति-एवं खलु राहुणा चंदे वा सूरं वा गहिते-एवं खलु राहुणा चंदे वा सूरं वा गहिते ता जया णं राहू देवे आगच्छमाणे वा जाव परिवारेमाणे वा चंद्रस्स वा सूरस्स वा लेसं आवरेत्ता पासेणं वीतीवयति तथा णं मणुस्सलोचम्मि मणुस्सा वदन्ति-एवं खलु चंदेण वा सूरं वा राहुस्स कुच्छी भिण्णा-एवं खलु चंदेण वा सूरं वा राहुस्स कुच्छी भिण्णा ता जया णं राहुदेवे आगच्छमाणे वा जाव परिवारेमाणे वा चंद्रस्स वा सूरस्स वा लेसं आवरेत्ता पद्योसक्कति तथा णं मणुस्सलोए मणुस्सा वदन्ति-एवं खलु राहुणा चंदे वा सूरं वा वंते-एवं खलु राहुणा चंदे वा सूरं वा वंते ता जया णं राहू देवे आगच्छमाणे वा जाव परिवारेमाणे वा चंद्रस्स वा सूरस्स वा लेसं आवरेत्ता मण्डमण्ड्ढेणं वीतीवयति तथा णं मणुस्सलोए मणुस्सा वदन्ति-एवं खलु राहुणा चंदे वा सूरं वा वड्यरिए-एवं खलु राहुणा चंदे वा सूरं वा वड्यरिए ता जया णं राहू देवे आगच्छमाणे वा जाव परिवारेमाणे वा चंद्रस्स वा सूरस्स वा लेसं आवरेत्ताणं अहे सपक्खि सपड्ढिदिंसि चिहुति तथा णं मणुस्सलोचम्मि मणुस्सा वदन्ति-एवं खलु राहुणा चंदे वा सूरं वा धत्थे-एवं खलु राहुणा चंदे वा सूरं वा धत्थे ता कतिविहे णं राहू पन्नत्ते ता दुविहे पन्नत्ते तं जहा-धूवराहू य पव्वराहू य तत्थ णं जेसे धुवराहू से णं बहुलपक्खस्स पाडिवए पन्नरसतिभागेणं पन्नरसतिभागं चंत्ता लेसं आवरेमाणे-आवरेमाणे चट्ठति तं जहा-पढमाए पढमं भागं जाव पन्नरसीए पन्नरसमं भागं चरमे समए चंदे रत्ते भवइ अवसेसे समए चंदे रत्ते य विरत्ते य भवति तमेव सुक्कपक्खे उवदंसेमाणे-

उवदसेमाणे चिद्धति तं जहा-पढमाए पढमं भागं जाव पत्ररसीए पत्ररसमं भागं चरिमे समए चंदे विरते भवति अवसेसे समए चंदे रते य विरते य भवइ तत्थ णं जेसे पव्वराहू से जहण्णेणं छण्हं मासाणं उक्कोसेणं बायालोसाए मासाणं चंदस्स अडतालीसाए संबच्छराणं सूरस्स १९०३-१०६

(१९६) ता कहं ते चंदे ससी-चंदे ससी आहितेति वदेज्जा ता चंदस्स णं जोतिसिंदस्स जोतिसरण्णो मियंके विमाणे कंता देवा कंताओ देवीओ कंताइं आसण-सयण-खंमपंडम-तोवगरणाइं अप्पणावि य णं चंदे देवे जोतिसिंदे जोतिसराया सोमे कंते सुभगे पियदंसणे सुरूवे ता एवं खलु चंदे ससी-चंदे ससी आहितेति वदेज्जा ता कहं ते सूरि आदिच्चे-सूरि आदिच्चे आहितेति वदेज्जा ता सूरिदिया णं समयाति वा आवलियाति वा आणापाणूति वा द्योवेति वा जाव ओसप्पिणि-उस्सप्पिणीति वा एवं खलु सूरि आदिच्चे-सूरि आदिच्चे आहितेति वदेज्जा १९०४-१०६

(१९७) ता चंदस्स णं जोतिसिंदस्स जोतिसरण्णो कति अग्गमहिंसीओ पत्रत्ताओ ता चत्तारि अग्गमहिंसीओ पत्रत्ताओ तं जहा-चंदप्पभा दोसिणाभा अच्चिमात्ती पभंकरा जहा हेद्दा तं चेव जाव नो चेव णं मेहुणवत्तियं एवं सूरस्सवि भाणितव्वं ता चंदिमसूरिया णं जोतिसिंदा जोतिसरायाणो केरिस कामभोगे पच्चणुभवमाणा विहरंति ता से जहानामए-केइ पुरिसे पढमजोव्वणुद्धानबलसमत्थे पढमजोव्वणुद्धानबल-समत्थाए भारियाए सद्धि अचिरवत्तविवाहे अत्थत्थी अत्थगवेसणयाए सोलसवासविभवसिते से णं ततो लद्धे कयकज्जे अणहसमग्गे पुणरवि नियगधरं हव्वमागए ण्हाते कतबलिकाम्मे कतकोतुक-मंगल-पायच्छिते सुद्धप्पावेसाइं मंगलाइं वत्थाइं पवर परिहिते अप्पमहग्घाधरणालंकितसरिरे मणुण्णं थालीपागसुद्धं अद्धारसवज्जणाउलं भोयणं भुते समणे तंसि तारिसगंसि वासघरंसि अंतो सचित्तकम्मे बाहीरओ दूमिय-धइ-मट्टे विचित्तउल्लोय-चिद्धियतले बहुसमसुविभत्तभूमिभाए मणिरयणपणासितंधवारे कालागुरु-पवरकुंदुरुक्क-तुरुक्क-धूव-मघ-मधेत्त-गंधुद्धुयाभिरामे सुगंधवरगंधिते गंधवट्टिभूते तंसि तारिसगंसि सयणिजंसि दुहओ उण्णए मज्जे नत्त-गंधीरे सालिगणवट्टिए उभओ विव्वोयणे सुरम्मे गंगापुलिग्गवालुयाउद्दालसालिए सुविरइयरत्ताणे ओयवियखोमियखोमिदुगूलपट्टपडिच्छयाणे रत्तंसुयसंबुडे सुरम्मे आईणगरूत्त-बूरणवणीततूलफासे सुगंधरकुसुमचुण्णासयणोवयारकलिए ताए तारिसाए भारियाए सद्धि सिंगारगारचारुवेसाए संगतगतहसितभणितचिद्धत्तसंलावविलासणउणजुतोवयारकुसलाए अनु-रत्ताए अविरत्ताए मणोणुकूलाए एगंतरतिपसत्ते अन्नत्थ कत्थइ मणं अकुव्वमाणे इद्धे सहफ-रिसरसखुवगंधे पंचविधे माणुस्सए कामभोगे पच्चणुभवमाणे विहरेज्जा ता से णं पुरिसे विउस-मणकालसमयंसि केरिसयं सातासोवखं पच्चणुभवमाणे विहरति ओरालं समणाउसो ता तस्स णं पुरिस्स कामभोगेहिंतो एतो अनंतगुणविसिद्धतरा चेव वाणमंतराणं देवाणं कामभोगा वाणमंतराणं देवाणं कामभोगेहिंतो अनंतगुणविसिद्धतरा चेव असुरिंदवज्जियाणं भवणवासीणं देवाणं कामभोगा असुरिंदवज्जियाणं भवणवासीणं देवाणं कामभोगेहिंतो अनंतगुणविसिद्धतरा चेव असुरकुमाराणं इंदभूयाणं देवाणं कामभोगा असुरकुमाराणं इंदभूयाणं देवाणं कामभोगेहिंतो अनंतगुणविसिद्धतरा चेव गहगणनक्खत्तारारूवाणं कामभोगा गहगणनक्खत्तारारूवाणं कामभोगेहिंतो अनंतगुण-विसिद्धतरा चेव चंदिमसूरियाणं देवाणं कामभोगा ता एरिसए णं चंदिमसूरिया जोतिसिंदा जोतिसरायाणो कामभोगे पच्चणुभवमाणा विहरंति १९०५-१०६

(१९८) तस्य खलु इमे अद्वासीति महग्गहा पत्रत्ता तं जहा-इंगालए वियालए लोहितवखे सणिच्छरे आहुणिए पाहुणिए कणे कणए कणकणए कणविताए कणसंताणए सोमे सहिते आससणे कज्जोए कब्बडए अयकरए दुंदुभए संखे संखणामे संखवण्णामे कंसे कंसणामे कंसवण्णामे नीले नीलोभासे रूपे रूपोभासे भासे भासरासी तिले तिलुफवण्णे दगे दगवण्णे काए काकंधे इंदग्गी धूमकेतु हरी पिंगलए बुधे सुक्के बहस्सई राहु अगत्थी माणवगे कासे फासे धुरे पमुहे वियडे विसंधीकप्पे नियल्ले पयल्ले जडियायलए अरुणे अग्गिल्लए काले महाकाले सोत्थिए सोवत्थिए वद्धमाणगे पलंवे निच्चालोए निच्चुज्जोते सयंपमे ओभासे सेयंकरे खेमंकरे आभंकरे पभंकरे अरए विरए असोगे वीतसोगे विमले वितत्ते विवत्थे विसाले साले सुव्वते अणियट्ठी एगजडी दुजडी करकरिए रायग्गले पुप्फकेतू भावकेतू!१०६।-१०७

- (१९९) इंगालए वियालए लोहितंके सणिच्छरे चेव
आहुणिए पाहुणिए कणाकसणामावि णं चेव ॥८९॥-१
- (२००) सोमे सहिते अस्सासणे य कज्जोए य कब्बरए
अयकरए दुंदुभए संखसणामावि तिण्णेव ॥९०॥-२
- (२०१) तिण्णेव कंसणामा नीले रूपी य हुंति चत्तारि
भास तिल पुप्फवण्णे दगवण्णे काय बंधे य ॥९१॥-३
- (२०२) इंदग्गि धूमकेतू य हरी पिंगलए बुधे य सुक्के य
बहसति राहु अगत्थी माणवए कामफासे य ॥९२॥-४
- (२०३) धुरए पमुहे वियडे विसंधिकप्पे पयल्ले
जडियाइल्लए अरुणे अग्गिल काले महाकाले ॥९३॥-५
- (२०४) सोत्थिय सोवत्थिय वद्धमाणग तथा पलंवे य
निच्चालोए निच्चुज्जोए सयंपमे चेव ओभासे ॥९४॥-६
- (२०५) सोयंकरे खेमंकर आभंकर पभंकरे य बोधव्वे
अरए विरए च तथा असोगे तह वीतसोगे य ॥९५॥-७
- (२०६) विमल वितत्त विवत्थे विसाल तह साल सुव्वते चेव
अणियट्ठी एगजडि य होई विजडी य बोधव्वे ॥९६॥-८
- (२०७) कर करिए रायग्गल बोधव्वे पुप्फ भावकेतू य
अद्वासीति खलु गहा नेतव्वा आपुपुब्बीए ॥९७॥-९
- वीसइमं पाहुइं समत्तं ●
- (२०८) इह एस पाहुडत्था अभव्वजणहिययदुल्लहा इणमो
उविकत्तिता भगवती जोतिसरापस्स पत्रती ॥९८॥-१०
- (२०९) एस गहितावि संति धञ्जे गारविय-माणि-पडीणीए
अवहुस्सुए णं देया तव्विवरीते भवे देया ॥९९॥-११

- (२१०) सद्धा-धिति-उद्धाणुच्छाह-कम्म-बल-वीरिय-गुरिसकारेहिं
जो सिक्खिओवि संतो अभायणे पक्खिवेज्जाहि ॥१००॥-12
- (२११) सो पयवण-कुल-गण-संधवाहिरो नाणविणयपरिहीणो
अरहंतधेरगणहरमेरं किर होति बोलीणो ॥१०१॥-13
- (२१२) तम्हा धिति-उद्धाणुच्छाह-कम्म-बल-वीरियसिक्खियं नाणं
धारेयव्वं नियमा ण य अविणीएसु दायव्वं ॥१०२॥-14
- (२१३) वीरवरस्स भगवतो जरमरणकिलेसदोसरहियस्स
यंदामि विणयपणतो सोक्खुप्पाए सत्ता पाए ॥१०३॥-15
- (२१४) इइ संगहणी गाहा १०७१-108

१६

सूर पत्रत्ती समत्तं

पंचमं उवंगं समत्तं

સુચનાપત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સર્જગ ક્રમાંક સૂચવે છે. [અણુક્કમ]
૨. છેડે જમણી બાજુએ દર્શાવેલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [કમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મૂકેલો છે. [સુત્રાંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષાનો ગાથાંક મુકેલો છે. [ગાથાંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [] આ રીતે ચોરસ કૌંસ મુકેલા છે તે બે ચોરસ કૌંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.


[5]

:- अ-भा-रा- प्र-का-श-जो :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] कृदन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चोविशी
 [९] शत्रुञ्जय मक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ थी ११
 [१२] अभिनव उपदेश प्रासाद -२- श्रावक कर्तव्य - १२ थी १५
 [१३] अभिनव उपदेश प्रासाद -३- श्रावक कर्तव्य - १६ थी ३६
 [१४] नवपद-श्रीपाल- [शाश्वती ओषीना व्याख्यान रूपे]
 [१५] समाधिभरण [विधि-सूत्र-पद्य-आराधना- भरणभेद-संग्रह]
 [१६] चैत्यवन्दनमाणा [७७८ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानो
 [१९] सिद्धायलनो साथी [आवृत्ति-बे]
 [२०] चैत्यपरिपाटी
 [२१] अमदावाह जिनमंदिर उपाश्रय आदि रिकेकरी
 [२२] शत्रुञ्जय लक्ति [आवृत्ति-बे]
 [२३] श्री नवकारभंत्र नवलाभ ज्ञाप नोधपोषी
 [२४] श्री चारित्र पद्य अेक करोड ज्ञाप नोधपोषी
 [२५] श्री भारप्रत पुस्तिका तथा अन्य नियमो [आवृत्ति-चार]
 [२६] अभिनव जैन पंयांग- २०४२; [सर्व प्रथम, १३ विभागोमां]
 [२७] श्री ज्ञानपद्य पूजा
 [२८] अंतिम आराधना तथा साधु साध्वी काजधर्म विधि
 [२९] श्रावक अंतिम आराधना [आवृत्ति-त्रय]
 [३०] वीतराग स्तुति संयम [११५१-भाववाही स्तुतिओ]
 [३१] (पूज्य आगमोद्वारकश्रीना समुदायना) कायमी संपर्क स्थली
 [३२] तत्त्वार्थाधिगमसूत्र अभिनवटीका- अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका- अध्याय-३

[6]

- [३५] तत्त्वार्थाधिगम सूत्र अभिनवटीका- अध्याय-४
 [३६] तत्त्वार्थाधिगम सूत्र अभिनवटीका- अध्याय-५
 [३७] तत्त्वार्थाधिगम सूत्र अभिनवटीका- अध्याय-६
 [३८] तत्त्वार्थाधिगम सूत्र अभिनवटीका- अध्याय-७
 [३९] तत्त्वार्थाधिगम सूत्र अभिनवटीका- अध्याय-८
 [४०] तत्त्वार्थाधिगम सूत्र अभिनवटीका- अध्याय-९
 [४१] तत्त्वार्थाधिगमसूत्र अभिनवटीका- अध्याय-१०



[४२] आयारो	[आगमसुत्ताणि-१]	पढमं अंगसुत्तं
[४३] सूयगडो	[आगमसुत्ताणि-२]	वीअं अंगसुत्तं
[४४] टाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्तयं अंगसुत्तं
[४६] विवाहपत्रत्ति	[आगमसुत्ताणि-५]	पंचमं अंगसुत्तं
[४७] नायाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोचवाईयदसाओ	[आगमसुत्ताणि-९]	नवमं अंगसुत्तं
[५१] पण्हावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्खरसमं अंगसुत्तं
[५३] उववाइअं	[आगमसुत्ताणि-१२]	पढमं उवंगसुत्तं
[५४] रायपसेणियं	[आगमसुत्ताणि-१३]	वीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५]	चउत्तयं उवंगसुत्तं
[५७] सूरपत्रत्ति	[आगमसुत्ताणि-१६]	पंचमं उवंगसुत्तं
[५८] चंदपत्रत्ति	[आगमसुत्ताणि-१७]	छट्ठं उवंगसुत्तं
[५९] जंबूहीवपत्रत्ति	[आगमसुत्ताणि-१८]	सत्तमं उवंगसुत्तं
[६०] निरयावलिचाणं	[आगमसुत्ताणि-१९]	अट्ठमं उवंगसुत्तं
[६१] कप्पवडिंसयाणं	[आगमसुत्ताणि-२०]	नवमं उवंगसुत्तं
[६२] पुप्फियाणं	[आगमसुत्ताणि-२१]	दसमं उवंगसुत्तं
[६३] पुप्फचूलियाणं	[आगमसुत्ताणि-२२]	एक्खरसमं उवंगसुत्तं
[६४] वण्हिदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पढमं पईण्णगं
[६६] आउरपद्यक्खाण	[आगमसुत्ताणि-२५]	वीअं पईण्णगं
[६७] महापच्चक्खाण	[आगमसुत्ताणि-२६]	तइअं पईण्णगं
[६८] भत्त परिण्णा	[आगमसुत्ताणि-२७]	चउत्तयं पईण्णगं

[7]

[૬૧] તંદુલવેયાલિયં	[આગમસુત્તાણિ-૨૮]	પંચમં પર્વણગં
[૭૦] સંચારગં	[આગમસુત્તાણિ-૨૯]	છટ્ઠં પર્વણગં
[૭૧] ગચ્છાચાર	[આગમસુત્તાણિ-૩૦-૧]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્વણગં
[૭૪] દેવિદત્તઓ	[આગમસુત્તાણિ-૩૨]	નવમં પર્વણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્વણગં-૧
[૭૬] વીરત્યવ	[આગમસુત્તાણિ-૩૩/૨]	દસમં પર્વણગં-૨
[૭૭] નિસીહ	[આગમસુત્તાણિ-૩૪]	પદ્મમં છેયસુત્તં
[૭૮] દુહત્ કપ્પો	[આગમસુત્તાણિ-૩૫]	વીઅં છેયસુત્તં
[૭૯] વવહાર	[આગમસુત્તાણિ-૩૬]	તઇઅં છેયસુત્તં
[૮૦] દસાસુવક્કહં	[આગમસુત્તાણિ-૩૭]	ચઉત્થં છેયસુત્તં
[૮૧] જીયકપ્પો	[આગમસુત્તાણિ-૩૮/૧]	પંચમ છેયસુત્તં-૧
[૮૨] પંચકપ્પાસ	[આગમસુત્તાણિ-૩૮/૨]	પંચમ છેયસુત્તં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુત્તં
[૮૪] આવસસયં	[આગમસુત્તાણિ-૪૦]	પદ્મમં મૂલસુત્તં
[૮૫] ઓહનિઝુત્તિ	[આગમસુત્તાણિ-૪૧/૧]	વીઅં મૂલસુત્તં-૧
[૮૬] પિંડનિઝુત્તિ	[આગમસુત્તાણિ-૪૧/૨]	ઘીઅં મૂલસુત્તં-૨
[૮૭] દસવેયાલિઅં	[આગમસુત્તાણિ-૪૨]	તઇઅં મૂલસુત્તં
[૮૮] ઉત્તરજ્ઞવણં	[આગમસુત્તાણિ-૪૩]	ચઉત્થં મૂલસુત્તં
[૮૯] નંદીસૂયં	[આગમસુત્તાણિ-૪૪]	પદ્મા ચૂલિયા
[૯૦] અણુઓગદારાઈ	[આગમસુત્તાણિ-૪૫]	વિતિયા ચૂલિયા

નોંધ : પ્રકાશન ૧૧૧ ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૮૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●


શ્રી ડી. કે. ઠક્કર ૧૬, અલકાનગર, ટ્રિપલક્ષ્મી મિલ્ક પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આગાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસર્સર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/-
ની ઉંમતનો પ્રકટ આપીને જ સેટ મેળવી શકશો.

[8]

-: પરિસિદ્ધ-નિદંસણં :-

- ૧ પદમં પરિસિદ્ધં - "વિસયાણુક્રમો"
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન "૪૫-આગમ વુહત્ વિસય કોસ" જેવું.
- ૨- વીર્યં પરિસિદ્ધં "વિસિદ્ધ સદ્ગણુક્રમો"
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન "૪૫-આગમ વિસિદ્ધ સદ્કોસ" જેવું.
- ૩- તદયં પરિસિદ્ધં- "વિસેસ નામાણુક્રમો"
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન "૪૫-આગમ વિસેસ નામ કોસ" જેવું.
- ૪- ચડત્યં પરિસિદ્ધં - "ગાહાણુક્રમો"
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તેને ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન "૪૫-આગમ ગાહાણુક્રમો" જેવું.
- ૫- પંચમં પરિસિદ્ધં "સુત્તાણુક્રમો"
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયાધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છંદ સૂત્રો અને ચંદપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદ્ય સમિતિ, (૨) દેવચંદ લાલભાઈ ઠંડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ચંદ પન્નતિ માટે હસ્ત લિખિત પ્રત લીધેલી છે, - યુક્તકવો - પૂ. પુન્યવિજયજી મ.સંપાદિત, નિસીહ-પૂ.કનેયાલાલજી સંપાદિત, વવહાર, પૂ.મુનિ માણેક સંપાદિત, જીવકવો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુયકલ્પં ની ચુર્ણિજ મળી છે. માટે તેનું ક્રમાંકન થઈ શકેલ નથી.

૪૫-આગમના પ્રધાન આર્થિક અનુદાતા

સ.મ્ય.૬ શુ.તા.નુ.રા.ગી શ્ર.મ.ણો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક

૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હં. અનુભાઈ તથા જગદીશભાઈ - હાલ રાજકોટ.